

ԷԶՄԻԱԾԻՆ



ՌՆԸ
ԺԶ ՏԱՐԻ


Մարտ

ԷԶՄԻԱԾԻՆ

ՊԱՇՏՈՆԱԿԱՆ ԱՄՍԱԳԻՐ
ՀԱՅՐԱՊԵՏԱԿԱՆ ԱԹՈՌՈՅ
Ս. ԷԶՄԻԱԾՆԻ

Գ

1959



ԲՈՎԱՆԴԱԿՈՒԹՅՈՒՆ

ԴՄԲԱԳՐԱԿԱՆ.— Վարդապետի Հայաստանեայց եկեղեցւոյ	էջ 3
ԴԱՐԹԳԻՆ Ա ԿԱԹՈՂԻԿՈՍ ՀՈՎԱՆԻՅԱՆ.— Դարձ դեպի յուսավոր կյանք	7
Յարևելից	10
Լույս	10
Նայեաց սիրով	11
Քաղվածքներ Գերագույն Հոգևոր Խորհրդի նիստերի արձանագրություն- ներից	12
ՄԱՅՐ ԱԹՈՒՌՈՒՄ	14
ԴԻՐԱՅՐ ՍԱՐԿԱՎԱԴ ԸՆԴԻՃՅԱՆ.— Առաջ Սարգսի տոնակատարությունը Քրիստոսով	16
Վեհափառ Հայրապետի հոբելյանը Սփյուռքում	19
ԴԵՎՈՐԳ ՎԱՐԴԱՊԵՏ ԿԱՐՊԵՆՅԱՆ.— Դրիգոր Տաքեացի	25
Դ. ՀԱԿՈԲՅԱՆ.— Ներսես Շնորհալու Լրցերը	29
Ա. ԳՐԻԳՈՐՅԱՆ.— Ակնարկ հայ կրոնական մամուլի վրա	37
Հ. Գ. ԽԱՓԱՆՉՅԱՆ.— Արձանագրությունները հայկական հարտարա- պետության ստեղծագործության կոմպոզիցիայում	44
Լ. Ա. ԲԱՐՍԵՂՅԱՆ.— Մշակավանք	53
Նկարիչ Բագրան Սալբանովը Մոսկովյան զինապալատում	58
«ԷՋՄԻԱՇԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ.— Համաստեղ, «Աղոթարան» Հանգիստ արժանապատիվ Տ. Հովհաննես Բահան Տեր-Հարություն- յանի Պողոսյանց	60 63



ԽՄԲԱԳՐՈՒԹՅԱՆ ՀԱՅՈՑԵՆ՝
ՀԱՅԿԱԿԱՆ ՍՈՐ, ԷՋՄԻԱՇԻՆ
 ՀԷՋՄԻԱՇԻՆ ԱՄՍԱԳՐԻ ԽՄԲԱԳՐՈՒԹՅՈՒՆ
 Армения ССР, Эчмиадзин, Редакция журнала „Эчмиадзин“
 Redaction of the magazine „Etchmiadzin“, Etchmiadzin, Armenia, USSR

Երևան, 1955 թ.

ՀՐԱՄԱՆԱՒ

Տ. Տ. ՎԱԶԳԵՆԱՅ ԱՌԱՋՆՈՅ

ՎԵՋԱՓԱՌ ԵՒ ՍՐՐԱԶՆԱԳՈՅՆ
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ



Խ Մ Բ Ա Գ Ր Ա Կ Ա Ն

ՎԱՐԴԱՊԵՏԻ ՀԱՅԱՍՏԱՆԵԱՅՑ ԵԿԵՂԵՑԻՆՑ



որին Ս. Օծուրթուն Ամենայն Հայոց Հայրապետը Մայր Աթոռ Ս. Զյմիածնի Գերագույն Հոգևոր Խորհրդի փետրվար 10-ի նիստին ներկայացրեց Հայաստանյայց Առաքելական Եկեղեցում «մասնավոր վարդապետական զավագանի իշխանության տվչության հարգը»:

Գերագույն Հոգևոր Խորհուրդը այս առթիվ Մայր Աթոռում կազմեց վարդապետական Բնեիչ հանձնաժողով, Բնեիչու համար ընդհանրապես և ի մասնավորի Մայր Աթոռի միաբանների ներկայացրած զբավոր աշխատանքներ, վարդապետական շատինան ստանալու համար:

Վե՛ն ու բարձր ե՛ն ճշում ԵԿԵՂԵՑՈՒ ՎԱՐԴԱՊԵՏԻ անունն ու կոչումը:

Հայաստանյայց Առաքելական Եկեղեցու տոնացույցում, առանձին կարևորությամբ տեղ ե՛ն զբավում «վարդապետ Եկեղեցու» կամ «սուրբ հարձ» կոչված այն վարդապետները, որոնք առաքելական շրջանից մինչև միջին դարերի վախճանը հոշակվել են ճիմնականում իրենց աստվածաբանական գրություններով, և որոնք միաժամանակ եղել են բազմակողմանիորեն զարգացած, դիրքուն անձնավորություններ, մշակված մտե՛ր իրենց ժամանակի չափանիշով և ճշակված սրբեր իրենց առաքինազարդ կյանքով և վարքով, և պատասխանատու դեմքեր Եկեղեցու նվիրապետության:

Հայ Եկեղեցին ունի այսպիսի վարդապետների մի ցանկ «երկոտասան վարդապետ» անվան տակ, շո՛ն սխալելի մի համադրություն է արևելյան և արևմտյան Բրիտանիա-

կան մտածողությանց, Ալեքսանդրիայի, Անտիոխի, Երուսաղեմի, Կոստանդնուպոլսի և Հռոմի Աթոռների: Հայ Եկեղեցու կողմից ընդունված այդ վարդապետներն են Ռեթոս Արենացին, Դիոնիսիոս Արիսյազացին՝ երկուսն էլ առաքելական դարի դեմքեր և Արենիի հայրապետներ, Սեդրեստոս՝ Հռոմի հայրապետ, Արանաս՝ Ալեքսանդրիայի հայրապետ, Կյուրեղ Երուսաղեմացի, Եփրեմ Խուրի, Բարսեղ Կեսարացի, Գրիգոր Նյուսացի, Գրիգոր Աստվածաբան, Կապադովկիայի երեք նշանավոր հայրեր, Եպիփան Կիպրացի, Հովհան Ոսկեբերան և Կյուրեղ Ալեքսանդրացի: Համաժողովատեղական համբավ ունեցող այդ «Եկեղեցու» վարդապետաց» ցանկի վրա մեր Տոնացույցը ավելացրել է նաև զուտ հայ վարդապետների մի ցանկ՝ «բարգմանիչ վարդապետ» անվան ներքո, ըստ հետևյալի. Մեսրոպ, Եղիշե, Մովսես Քերթոզ, Դավյթ Անհաղթ (չորսն էլ Ե դարից), Գրիգոր Նարեկացի (ԺԱ դար) և Ներսես Շնորհալի (ԺԲ դար), ինչպես նաև Հովհան Օձնեցու (Ը դար), Հովհան Որոտնեցու (ԺԴ դար) և Գրիգոր Տաթևացու (ԺԵ դար) անունները:

Հայ Եկեղեցու վարդապետների այս ցանկը լրիվ չէ: Մեր Եկեղեցու Զեռնադարյան Մաշտոցում կա օտար ու հայ «Եկեղեցու վարդապետներ»-ի մի ուրիշ ցանկ, որի մեջ մտել են Տոնացույցի վերոնիշյալ «երկոտասան վարդապետներ»-ը, առավել Գրիգոր Ուրբեղյազուրծ և Հակոբ Մծբնա հայրապետները: Մաշտոցի ցանկից դուրս են մնացել, մեզ անձանք պատճառով, Գրիգոր Խորեկացին և Շնորհալին: Թարգմանիչ վարդա-

պետներից հիշված են Ս. Մանասյանը ու Ս. Մեսրոպը: Ըստ Մաշտոցի՝ Հայ Եկեղեցու վարդապետներն են Ս. Լուսավորիչը, «որպիսի և բոլորն Լուսավորչի», Հովհան Օձնեցի, Հովհան Ռոտմեցի և Գրիգոր Տաթևացի:

Համագրելով Տոնացույցի ու Ձեռնադրության Մաշտոցի տվյալները, կազմվում է Հայ Եկեղեցու վարդապետներ»-ի մի ցանկ, ըստ հետևյալի. Ս. Գրիգոր Լուսավորիչ, Ս. Ստեփան, Ս. Մեսրոպ, Ներշե, Դավիթ Անտեսակ, Ս. Մեսրոպ, Ներշե, Դավիթ Անտեսակ, Ստեփան Քերթազ, Հովհան Օձնեցի, Գրիգոր Նախկացի, Ներսես Շնորհալի, Հովհան Ռոտմեցի և Գրիգոր Տաթևացի: Այս վարդապետները միաժամանակ Հայաստանյայց Եկեղեցու տոնելի սրբեր են: Այս ցանկը և ամբողջական չէ: Քննարկելով Մեծոփեցու մոտ կա Հայ Եկեղեցու վարդապետների մի այլ ցանկ, որի մեջ հիշվում է նաև Ստեփանոս Սյունեցին: Անհատականաբար է մնացել Ստեփանոս Սյունեցու տոնացույցում չանցնելը, թեև նա Հայաստանյայց Եկեղեցու հոգևոր, հեղշտակալուսն և գիտնական վարդապետներից մեկն է, ճշմարտորդ իր գիտությանը, հմտությանը, բարեկարգական գործունեությանը, սուրբգրական վաստակով: Ստեփանոս Սյունեցու դեպի սրբացում առաջին փայլը առնված է, եւս որպես Հայ Եկեղեցու վարդապետ» մտել է Հայսմավուրի մեջ:

Շատ ցանկալի է, որ առաջիկա ազգային-եկեղեցական ժողովներից մեկում, Ապրիլյան եռօրյան Եկեղեցու հիշատակի սրբացման կապակցությամբ, վերանայվի նաև Հայ Եկեղեցու վարդապետներ»-ի տոնելի ցուցակը, եւս մեջ ընդգրկելով նաև այլ ճշմարտորդ նա վարդապետների, որոնք թեև Տոնացույցի մեջ չեն անցել պաշտոնապես, բայց անխափան հիշատակվում են սուրբ պատարագի ընթացքում, ինչպիսիք են Հովհաննիսյան և Սիմեոնյան, Ստեփան Տաթևացի, Գրիգոր Պարոնտե և Գրիգոր Շիրազյանի պատրիարքներ, հատկապես Նուստադեմի Պատրիարքության թեմերում, ինչպես նաև սրբանավոր այլ վարդապետների անուններ:

Մեծ է մեր Եկեղեցու մատենագրության, աստվածաբանության, արվեստի և մշակույթի պատմության մեջ ՀԱՅ ԵԿԵՂԵՑՈՒ ՎԱՐԴԱՊԵՏՆԵՐԻ վաստակը: Նրանց աստվածաբանական բարձր կարողությունները, աստվածաբանական-մանկավարժական գործունեությունը, կազմակերպչական հզոր ոգին, Ազգային Եկեղեցու համար ցույց տված նախանշանաբանությունը, վարչական, մատենագրական արդյունքներ իրապես մեծ են:

Վարդապետության դուրսուրդը Հայ Եկեղեցու կյանքում կատարել է շափազանց կարևոր գործ: Այս մասին շատ հատկանշական

է Վարդան Այգեկցու հետևյալ առակը. «Ըմբռնեցին զմէկ աշխարհական ի մեղս և բերին առ սարկաւազն, և սարկաւազն ասաց. թէ երէցն աստ է և Բան զիս մեծ է և ունի իշխանութիւն, առ նա տարէք. և տարին. և երէցն ասաց. թէ եպիսկոպոսն աստ է, առ նա տարէք. և տարին. և եպիսկոպոսն ասաց. թէ կաթողիկոսն աստ է, առ նա տարէք. և տարին. և կաթողիկոսն ասաց, վարդապետն աստ է, առ նա տարէք. և տարին. և վարդապետն եղ կանոնս և արժանացուց ապաշխարութեամբ...»:

Հայ Եկեղեցու վարդապետության դուրսուրդն դեր, ինչպես «ներքին եկեղեցական, դատական, մշակութային, նույնպես և արտաքին հարաբերությունների բնագավառներում հսկայական է եղել» (Տե՛ս Լ. Խաչիկյանի «Գլխավոր համալսարանը և երա սաների ավարտական ատենախոսությունները», «Պետական համալսարանի գիտական աշխատություններ», հատ. XXIII, էջ 4264):

Պատահական չէ ուրեմն այն հանգամանքը, որ Ե դարից սկսելով Հայ Եկեղեցին լուրջ ուշադրություն է նվիրել դեպի այն հոգևոր նշանավորները, դպրիվանքները, համալսարաններն ու ակադեմիաները, «աստվածային գիտության բացառապատիվները, որտեղ պատրաստում էին Հայ Եկեղեցու ապագա վարդապետներ: Մխիթար Գոշը (ԺԳ դար) իր «Դատաստանագրի»-ով կանոնադրել է ՎԱՐԴԱՊԵՏԱԿԱՆ ԿԱՐԳԸ (Վարդապետության կարգը), իսկ Գրիգոր Տաթևացին (ԺԵ դար)՝ ՎԱՐԴԱՊԵՏԱԿԱՆ ԱՍՏԻՃԱՆԻ ՏՎԶՈՒԹՅԱՆ ԾԵՍԱԿԱՆ ԿԱՐԳԸ (Գրիգոր գաւազան տալով աշակերտացն ընդմարիս բանին Բարձրութեան՝ որ է շուրս աստիճան):

Զարգացած, հավատարմ, հայրենասեր և առաքինի եկեղեցական եւս սերունդների՝ Հայ Եկեղեցու ազագուստ վարդապետների՝ պատրաստության հարցը միշտ էլ դիտվել է լրջությամբ, կազմակերպվել է ճշմարտաբանությամբ, որպես Հայ Եկեղեցու կենսականության, ինքնուրույնության, ազգային եկաւագրի անաղարտ պահպանման էական հարց:

Հայ Եկեղեցու վարդապետները իրենց սուրբ ձեռնադրում են պահել Հայ Եկեղեցու ուղղափառության, ինքնուրույնության պաշտպանության սրբազան դրոշմը, զինված աստվածաշնչական, Ս. Գրոց ուսմունքով, աստվածաբանական գիտությամբ, գրանված նաև փիլիսոփայության, գեղարվեստական գրականության և բնական գիտությանց նվաճումներով:

Հայ Եկեղեցու այս ճշմարտ վարդապետները, բարունդները, դպրապետները, նստած

«ի վերայ ըստ ինչի և ահաբեկումն ամբիոնի: Դա-
րումն ահաբեկին» կամ «յաթոտ վարդապետու-
րեան Հայոց», բխեցրել են «Գեոտորէն տա-
տուածային իմաստութիւն» և լուսավորել են
գիտութեամբ և Ս. Գրոց ուսմամբ «զագգս
Հայոց և զամենայն աշակերտեալսն»:

Հայ եկեղեցու այդ վարդապետները և
երանց աշակերտները կազմել են Հայ եկեղե-
ցու գոյութեան, պատմութեան ՀԱՎԵՐԺԱԿԱՆ
ԱՇԽԱՏԱՆՈՒԹՅԱՆ ՈՍԿԵՆ ԵՂԵՐԻՆ, և դարից
մինչև մեր օրերը: Հայ եկեղեցու մեծահռչակ
այս վարդապետները իրենց վաճառական ու
մասնագիտական կրթությունը ստանում էին
մասնակի մեծահռչակ վանքերում, ապ-
րում էին Հայրենի երկրի կյանքով, մասնակ-
ցում ժամանակի կրթական, եկեղեցական,
հայրապետական անցողիկաբան և դարուց ի
դարս փայլում Հայ եկեղեցու երկնակամարի
վրա իրեն «առեցակ, որ լուսաւորեալ պաշ-
տոնացուցանէ զբոլոր ազգս Հայաստան աշ-
խարհի»: Մեր վարդապետները միաժամանակ
եակ խորապես ուսումնասիրում էին բնագի-
տական, մաթեմատիկական, փիլիսոփայա-
կան և այլ իմաստասիրական գիտություն-
ներ, եւս երաժշտություն, գրչութեան արվես-
տը, նկարչություն և մանկավարժություն:

Կրօնական ու իմացական կենտրոնները,
ինչպիսիք էին էջմիածնի դպրոցը, Սյունյաց
վարդապետանոցը, Խառեկա վանքը, Գլաձո-
րի ու Տաթևի և այլ անվանի համալսարաններ,
գիտության և հավատի
օջախներ, կոչվել են մեր «երկրորդ Աթենք»
պանծայի, մայրաքաղաք ամենայն իմաս-
տից, իմաստութեան տուն, կամ Գիտության
համալսարան:

Կրթական-իմացական հոգևոր այդ կենտ-
րոններում միշտ եղել են «հոյլ կամ պարս
աշակերտաց», «առանց ամբաստութիւնի»,
որոնք, իրենց վարդապետ ուսուցիչների
շնորհ բակ բոլորեալ, լսել են «ամենայն
իմաստութիւն», մի օր զառնալու համար մեր
եկեղեցու և մատենագրության սպասավորներ
ու մշակներ, ապագա վարդապետներ:

Մեզ հասած բազմաթիվ մատենագրական
փաստեր, ձեռագրեր, հիշատակաբաններ
վկայում են այն մասին, որ միջնադարի հա-
յոց բարձր տիպի դպրոցներում լավ հիմ-
քեր վրա էր դրված ներքին և արտաքին գի-
տությունների դասավանդությունը, վաճա-
կան երկաթյա կարգապահությունը և ուսա-
նողության համար սահմանվել էր բնու-
թյունների, ստորգումների՝ «համար տալոյ»
կանոնը: «Այս սովորության համաձայն, ու-
սանողները մի շարք գիտությունների իմա-
ցության համար, հատկապես իմաստասիրա-
կան, հարտասանական և այլ առտաքին ու
կրօնական գիտությունների վերաբերյալ

հանդես էին գալիս զբաղուր ատենախոսու-
թյուններով: Ատենախոսությունը ուսման
դասընթացի այս կամ այն շրջանի անցման,
փոխադրման և ավարտման համար վճառ-
կան հանգրվաններից մեկն էր հանդիսանում:
Կաձորում ատենախոսությունները հատկա-
պես եղել են ավարտական բնությունների
և գրափակիչ էտապը, և այդ միջոցով ուսա-
նողները հանդես էին բերում իրենց գիտելի-
քները, պատրաստությունը, հրապարակախո-
սական շնորհքն ու կարողությունները:

...Այս ատենախոսությունների մեջ ուսա-
նողները հանդես են բերել իրենց իմացումը
բազմաթիվ գիտելիքներից՝ հատկապես փի-
լիսոփայությունից, տրամաբանությունից,
նոգեբանությունից, պատմությունից, գրա-
կանությունից, պոետիկայից, աստվածաբա-
նությունից և բնական մի շարք գիտություն-
ներից:

Ժն դարի սկզբներին Տաթևի դպրոցում,
Գրիգոր Տաթևացու գլխավորությամբ, մոտա-
վորապես երեսուն տարի ուսուցանում էին
փիլիսոփայություն, հարտասանություն, ի-
մաստասիրական երկերի մեկնություններ,
յուժմունքներ, պատմություն, բնականու-
թյուն, բերթական արվեստ, մանկավար-
ժություն (դաստիարակություն), նոգեբանու-
թյուն, մաթեմատիկա, երկրաչափություն,
աստվածաբանություն, մարդկագիտություն,
երաժշտություն (երգեցողություն), նկարչու-
թյուն, գրչության արվեստ և աստվածաբա-
նական առարկաներ: (Տե՛ս Ա. Խ. Մովսիս-
յան, «Ուրվագծեր հայ դպրոցի և մանկավար-
ժության պատմության» (X—XV դարեր),
Երևան, 1958 թ., էջ 192, 387):

Ահա այսպիսի բարձրագույն դպրոցներում
սովորած և ինքնուրույն աշխատանքների
մեջ կոփված շրջանավարտները, մեր ապա-
գա վարդապետները, ուսուցիչներ, ֆահանա-
ներ ու արքեպիսկոպոս, բարձրագույն կրթության
տիրացած, բազմակողմանիորեն զարգացած,
մտնում էին ժողովրդի մեջ, զգայուն կերպով
արձագանքում ժամանակի հարցերին և ծա-
ռայում եկեղեցուն և ժողովրդին:

Անցյալում մեր հոգևոր ակադեմիաների
շրջանավարտները հիմնականում զբաղվում
էին ֆահանջագործությամբ և ուսուցչու-
թյամբ, իսկ ավելի աչքի ընկնող շրջանա-
վարտները ստանում էին ՎԱՐԴԱՊԵՏԱԿԱՆ,
ԱՍՏԻՃԱՆ, որը մի տեսակ ուսուցչական-գի-
տական աստիճան էր: Ուսանողության հա-
մար ՎԱՐԴԱՊԵՏՈՒԹՅՈՒՆԸ բարձր կոչում
էր՝ զվասն անուան փառաց և կոչման վար-
դապետին:

Այս պատճառով մեր եկեղեցու հայրա-
պետները և եռամեծ վարդապետները հաճախ
են անդրադարձել մասնավոր և ծայրագույն

վարդապետական գավազանի իշխանության տվչության կարևորությունը: Ինչպես հայտնի է, ըստ Ձեռնադրության Մաշտոցի, մասնավոր հանդիսությամբ և արարողությամբ էր տրվում «թանի սպասաւոր, պատիւ և աստեղան մասնաւոր վարդապետութեան»: Դրութիւնստաբար սակայն միշտ չէ, որ արարչությամբ է պանպանվել հայրապետացի աշդ կարգը: Հանախ եղել են խախտումներ և անարժաններ ևս ստացել են վարդապետական աստիճան: Այնուամենայնիվ մեր հայրապետներն ու վարդապետները, որպես Հայ եկեղեցու կարգի և կանոնի նախանձախնդիրներ, պայքարել են այդ խորք հրեւոյթներին դեմ և հրահանգել են միայն «ստուգապես» արժանավորներին տալ վարդապետական գավազանի իշխանությունը:

Եվ այս մխիթարական իրողությանց և անցյալի պայծառ օրինակների լույսի ներքև, ինչպէս ողորմելի է րվում մեզ մեր օրերի ուղեկորույս Անթիլիասի «Եպիսկոպոսներ»-ի և «վարդապետներ»-ի ձեռնադրութեանց արշավը, երբ նույնիսկ չեն հարգում ճվազազույն կանոնները և ավանդութունները պահանջված տարիքի, հոգևոր-գիտական պատրաստության, փորձառության և վաստակի վերաբերյալ:

Արդյո՞ւ ժամանակը չէ՝ ստեն ղեկուր անպատասխանատու և անկարգ այս արարքներին:

Վեհափառ Հայրապետը Հայ եկեղեցու հախանձախնդիր վարդապետներից մեկն է, որ ցանկանում է վերականգնել մեր օրերում ևս, եկեղեցական բարեկարգական այլ ձեռնարկումների հետ, նաև վարդապետական գավազանի տվչության կարգը: «Մենք կՓԱՓԱՅՈՒՆՔ ԱՐԱԳ ԹԱՓՈՎ ՊԱՏՐԱՍՏԵՆՆԻ ՎԱՐԴԱՊԵՏՆԵՐ ԵՎ ՔԱՀԱՆԱՆԵՐ: ԴՈՒՔ ՇԱՏԱՆԱԿ ԳԻՏՆԵՔ ԵՎ ԿՏՆՆԵՔ, ԹԵ ԻՆՉՔԱՆ ՄԵՍ Է ԿԱՐՎԵՐ ՀՈԳԵՎՈՐ ՄՇԱԿՆԵՐՈՒ: ՄԵՆՔ, ԱՅՈ, ԿԸՂՁԱՆՔ ՇԱՏ ՎԵՂԱՐՆԵՐ ՏԵՍՆԵՆՆԻ

ՄԵՐ ՇՈՒՐՋԸ, ԲԱՅՅ ԱՌԱՎԵՆ ԿԱՐԵՎՈՐ Է ՄԵՁ ՀԱՄԱՐ ԳԻՏՆԱՆ, ԹԵ ԻՆՉ ԿԱ ՎԵՂԱՐՆԵՐ ՏԱԿ: ԱՅՍ ՈԳԻՈՎ Է, ՈՐ ՄԵՆՔ ՊԵՏԻ ԱՌԱՋՆՈՐԴՎԻՆՔ ԱՅՍՏԵՂ:

Մեր ԵԿԵՂԵՑԱԿԱՆ ԿՑԱՆՔԻ ՎԵՐՋԻՆ ՏԱՐԻՆԵՐՈՒ ՏԱԳՆԱՊԸ, ԱՄԵՆ ԲԱՆԵ ԱՌԱՋ ՏԱԳՆԱՊԸ Է ՄԵՐ ՀՈԳԵՎՈՐԱԿԱՆՈՒԹՅԱՆ ՀՈԳԵՎՈՐ-ԲԱՐՈՑԱԿԱՆ ԿՑԱՆՔԻ, ԵՎ ՀԵՏԵՎԱՆՔԸ ԱՌԱՔԵՆՈՒԹՅԱՆ ՄԸ ԳԻՏԱԿՑՈՒԹՅԱՆ ՊԱԿԱՍԻՆ:

Ինչպես երևում է այս տողերից, Վեհափառ Հայրապետը, ամենայն իրավամբ միշտ շեշտը դրել է մեր նոր հոգևորականության կոչման գիտակցության, խոր և բազմակողմանի զարգացման, բարոյական նկարագրի կազմության վրա:

Պահիրեի նպիսկապասական ժողովը իր է նիստում որոշեց, որ «Վանքերէ դօստ, թեմերու մեջ կուսակրոն քանաւ ձեռնադրվելի անձը պետք է նախ վանքի մը կողմէ միաբան ընդունվի, երբայ այդ վանքը, ատեն մը ուսանի, ծառայե և ենթարկվի վանական կարգապահության և ապա նույն վանքին մեջ ալ ձեռնադրվի»:

Խստությամբ պետք է պահպանել նաև այն հին կարգը, ըստ որի վարդապետական աստեղանների տվչությունը պետք է լինի ՏՎՅԱՆ ՎԱՐԴԱՊԵՏԻ պատկան Աթոռի պետի հավանությամբ և հրամանով, եթե նույնիսկ թեկնածու հոգևորականը առաջնորդական կամ այլ վարչական պաշտոնով գտնվում է իր միաբանությունից դուրս:

Հայ եկեղեցու բարեկարգության, բարգավաճման ամենաճիմնական ազդակներից մեկն է դաստիարակումը և պատրաստումը ՀԱՅ ԵԿԵՂԵՑՈՒ ԶՇՄԱՐԻՏ ՎԱՐԴԱՊԵՏՆԵՐԻ, որոնք մեր օրերում ևս կարողանան բարձր պահել Հայ եկեղեցու ուղղափառության սրբաբազան ջանք և գիտական-մշակութային մակարդակը, և առաջնորդել Հայ եկեղեցին դեպի շինություն և ծաղկում:





Ք Ա Ր Ո Ջ

ԴԱՐԵԳԻՆ Ա. ԿԱԹՈՂԻԿՈՍ ՀՈՎՍՍՓՅԱՆ

ԴԱՐՋ ԴԵՊԻ ԼՈՒՍԱՎՈՐ ԿՅԱՆՔԸ

(Անառակի կիրակի)

«Կոռուսեալ էր և գտաւ»:
(ԴՈՒԿԱՍ ԺԵ 3)

Ա



Եր եկեղեցու հայրերը գեղեցիկ կերպով կարգավորել են ժամապաշտության գործը, երգերն ու շարականները, հին ու նոր կտակարանների ընթերցվածները, որպես մի-մի փոքրիկ ամբողջություն, կապելով դեպքերի, տոների կամ որոշ պաշտպարների հետ: Այս վերջին կարգավորությունը, հատկապես, աշխի է ընկնում Մեծի պահոց կյուրակիների ընթերցվածների դասավորության մեջ. ընթերցվածների ոմանց անունով էլ կոչված են կյուրակիները: Այս օրվա կյուրակին Անառակի կյուրակի է կոչվում այն պատվական առակի անունով, որ անառակ որդու դարձի պատմության է վերաբերում: Ընթերցողների հիշողության մեջ վերակենդանացնելու և մեր խոսքի հասկացողությունը դյուրացնելու համար՝ տալիս ենք առակի համառոտ բովանդակությունը:

Մի մարդ երկու որդի ունեւր: Կրտսերը հորից ստանալով իրեն հասանելիք ժառանգության բաժինը, գնաց օտար աշխարհ, և շվաշտությամբ վատնեց յուր ստացած ամբողջ հարստությունը: Նորա շար բախտից այդ երկրում սով սկսավ և նա ստիպվեցավ, հրեայի համար ամենից անարգ դործը, խոզարածություն հանձն առել, յուր սնունդը հողայու համար: Բայց նույնիսկ խոզերի

առաջ թափած մնացորդներից էլ բաժին չէր հասնում նորան: Մուր ամենածանր նեղության մեջ հիշեց հոր հացալից տունը, բաղմաթիվ ծառաներով, և որոշեց գնալ հոր տներն ընկնել, որ անարժան լինելով որդի կոչվելու, ընդունե որպես մեկը յուր ծառաներից: Անառակ որդին երբ մոտեցավ և հայրը լսեց նորա զալուստը, ընդառաջ գնաց, գրկեց ու համբուրեց, պատվիրեց նոր զգեստ հագցնել, պարարտ եղներից մեկը մորթել և ուրախության խնջույք պատրաստել, օլի այս որդի իմ մեռեալ էր և նկեաց, կորուսեալ էր և գտաւ:

Մեծ եղբայրը, երբ դաշտից տուն դարձավ և լսեցավ պատճառը ուրախության, յուր գծողհույությունը հայտնեց հորը: «Այսքան ժամանակ քեզ հետ եմ և հավատարմությամբ իմ որդիական պարտավորություններս եմ կատարում, մի ու պահամ չտվիր, որ ընկերներիս հետ ուրախանամ, իսկ քո այս որդին, որ հարստությունդ անառակությամբ վատնեց, պարարտ եղը մորթեցիր նորա համար»: Բայց հայրը մեղմությամբ պատասխանեց. «Որդյակ, դու միշտ ինձ հեռու, և ինչ որ իմա է, քոն է, բայց քո այս եղբայրը մեռած էր և կյանք ստացավ, կուրած էր գտնվեցավ»:

Մեր տիրոջը կոչումով Փրկիչ բառով է սահմանված, Փրկիչ բարոյական մտքով, նա չէր եկել նյութական կամ արտաքին, քաղաքական կամ տնտեսական հասկացողությամբ փրկություն բերելու նորա կոչումը շատ ավելի բարձր էր, հավիտենական, նա եկել էր ավելի թանկ բանի համար, հոգիների փրկության և նրանց արժեքի բարձրացման համար։ Բխնդենցէք նախ զարքայութիւնն Աստուծոյ և զարդարութիւն նորա, և այդ ամենայն յաւելցի ձեզ (Մատթ. 23)։ Արդարութեան զաղափարը Ավետարանի մտքով ոչ միայն հակադրություն չէ քաղաքական ճշմարիտ ազատության և ժողովրդական կյանքի բարօրության, այլև նրանց հիմքը պիտի լինի։ Մարդկային հարաբերության մի նոր չափանիշ էր բերել, սիրո և եղբայրության, հոգիների հավասարության և գնահատության գաղափարով։ Մի է Աստված, և նա նրկնավոր Հայրն է ամենքի, Հոգիների մեջ ազգի և սեռի խտրություն չկա, արտոնյալ և իրավազուրկ չկա։ Բոլորն էլ հավասարապես թանկ են Աստուծո համար և թանկ պիտի լինեն իրար համար («Սիրեսցես զընկեր քո իբրև զանձն քո»)։ Եվ որովհետև թանկ է ամենայն հոգի կամ անձն, ուստի և կորուստյալի գյուղարը կամ դարձը ուրախություն է Աստուծո համար։ Բայց ոչ միայն այդ, այլև պետք է կորուստյալի հետևից դնալ, փնտռել և գտնել նորան։ Այս է պատճառը, որ քրիստոնեության առաջին դարերից՝ բարի հովիվը գտած ոչխարը ուսին՝ նյութ է դարձել արձանագործության։ Հոգիների ազատության կամ փրկության, նրանց բարձրացման համար է եկել Քրիստոս։ Աստված մեղավորի մահը չի կամենում, այլ նորա դարձը և կյանքը։ Այսպես են ըմբռնել և հասկացել եկեղեցական մեծ հայրերը։ Ըստ Աթանասի Քրիստոս մարդացավ, որպեսզի մարդը աստվածանա։ Ասացինք, թե տարբեր են այս մտքերն ու ըմբռնումները մեր սովորական հասկացողություններից, Մենք ուրիշների մեջ, շատ հաճախ, միայն պակասավոր կողմն է, որ տեսնում ենք, փոքր պակասություններն իսկ խոշորացույց ապակիով դիտում, մինչդեռ պետք էր նախ դրական կողմերը որոնել և ըստ այնմ դատել։ Սովորական, լավ մարդիկն անգամ, որոնց տիպն է այստեղ ավագ որդին, հավատարիմ յուր որդիական արտա-

քին պարտականությունների կատարման մեջ, չի տեսնում կարևորը, երբ հաշիվներով է մոտենում խնդրին: Նորա համար էական չէ, որ եղբայրը տուն է դարձել, այլ որ հայրը ըստ արժանվույն չէ գնահատել յուր հավատարմությունը, յուր կարծիքով, իսկ քփարիսեցիներն ու սագուկեցիներն միայն արտաքինն են տեսնում ու դատում, ուրիշի ալքի շուղն են տեսնում, իրենց աչքերում գերան լինելով, «շնացող կնոջ» մեջ միայն քարկոծման արժանին, հպարտության և գերազանցության բարձունքից նայելով, առանց անդրադառնալու դեպի իրենց պակասությունները: Բայց Տերը թափանցում է նորա

հոգու խորքը և այնտեղ տեսնում է առողջ, յայն թմրած հատկություններ, որ զարթնելով, աճել և ամրողջ հոգին կենդանացնել, կերպարանափոխ անել կարող են, բոլորովին հակառակ վճիռ է տալիս. «Եւ ոչ ես դատապարտեմ, երթ, յայսմ հետէ մի՛ մեղանշերա (Յովհ. Ը 10)»: Կյանքի մեջ, երբեմն, ներդամությունը դեպի հանցագործը ավելի դրական արդյունք է ցույց տալիս, քան պատիժը, որին արժանի է, միայն մարգարիտը խողի առաջ չպիտի ձգել: Ներդամությունն էլ ամեն մարդու հատուկ չէ, այդ մեծ և բարձր հոգիներին է հատուկ և նրանք զգում են, թե որտեղ պետք է գործադրել:

Դիտել են լեռների բարձունքներինց ավելի հեռավոր տարածությունները: Զորերն ու դարավանդները միայն ձեր շուրջն են. քանի հեռուն եք նայում, այնքան հավասարվում են անհարթությունները և գեղեցիկ, ակնապարար դաշտավայրի փոխարկվում: Մոռացե՛ք եսական և անձնական անհավասարություններն ու տեսականները: Մոլորեցե՛ք բարձունքից դիտել մարդկային կյանքն ու դորժերը, և եթե մի քիչ էլ թափանցեք ուրիշի հոգու խորքը և համեմատությունը դեմք ձեր ներքին աշխարհի հետ արդարության զգացումով, այնտեղ մեծ գեղեցկություններ կտեսնեք:

Արդարեւ գեղեցիկ է մարդկային հոգին, ամենամեծ հրաշալիքը տիեզերքի մեջ, ինքն էլ մի տիեզերք: Իզուր չէ՝ սնեքքին աշխարհն կոչվել, մի մեծ աշխարհ է նա, մեր մտքով և զգացմունքով, մեր հույսերով և ձգտումներով, մեր երևակայությամբ և թռչններով, մեր սիրով և կարեկցությամբ, մեր առաքինություններով և բարի գործերով, մեր բարեպաշտությամբ և խղճի ձայնով... Հասկանալի է, թե ինչու մեր Տերը մարդկային հոգին կամ ներքին աշխարհը արքայության վայր է ճանաչել, արքայութիւնն ի ներքս ի ձեզ է: Բայց նա՝ այդ հոգին՝ մի դժոխք կարող է դառնալ յուր նախանձով, ատելությամբ, շարութեամբ, եսականությամբ, շահամոլությամբ և այլ բացասական կրքերով:


Դալարագեղ բուրաստան դարձրեք այդ հոգին, դարդարված սիրուն, ակնապարար, հոտավետ ծաղիկներով, նմանեցե՛ք իմաստուն վաճառականին, Տիրոջ խոսքի համեմատ, որ վաճառում է ամեն ինչ և թանկագին մարգարիտը գնում: Այդ թանկագին մարգարիտը ձեր ներքին աշխարհն է, ձեր

հոգին: Ամենայն ինչ անցավոր է, երկրորդական, Գործադրեցե՛ք ձեր մեծ ու փոքր ունակությունները, ձեր գիտությունը, ձեր արվեստը, ձեր գրիչը, ձեր լեզուն, ձեր ստացվածքը, որպեսզի ձեր հոգին դառնա անգին մարգարիտ, պայծառ, լուսավոր և աստվածանման: Ամենափոքր բարիքն էլ, մինչև ծարավին մի բաժակ ջուր մատուցանելը, անտես չի մնա Աստուծո աչքից: Ըստ չափու և ըստ կարողության, բերե՛ք ձեր աշակցությունը հանրության բարոյական շենքի կառուցման մեջ, նախ ձեզնից սկսած և ապա ընտանիքից մինչև Նկեղեցու, ազգության և Հայրենիքի ուղորտները: Այս է Աստուծո արքայության տիրապետության ուղեգիծը երկրիս վերա:

Մարդկային հոգու, անձի արժեքավորումը հիմքն է այս բոլորի: Անձնավորությունը սուրբ է, մի՛ մոտեցե՛ք նորան երկաթի ձեռնոցներ հագած. մեծ վիշտ է պատճառում մեզ, տեսնելով մեր ժողովրդի մեջ երկպառակություն, իրար սեպնելու, իրար հակառակելու հոգին մինչև բացարձակ թշնամություն: Այդ ոչ քրիստոնեական է և ոչ ազգասիրական, այլ միակողմանի մոլորություն, և նույնիսկ հիվանդություն և սխալ հասկացված հայրենասիրություն: Ամենայն մոլեռանդություն և չափազանցություն վնասակար է, որից պետք է խուսափել:

Գնահատել մարդկային հոգին, ուրիշի անձը, պատիվը, քրիստոնեական պարտավորություն է և բարեկրթության պտուղ: Դեպի լույս և կյանք ընթացե՛ք՝ Տիրոջ շավիղով, Ավետարանից եկած ճառագայթներով առաջնորդված:

«Շնորհք Տեառն եղիցի ընդ ձեզ, ամէն»,
(«ԴԵՊԻ ԼՈՒՅՍ ՆԿ ԿՅԱՆՔ»,
Անթիլիաս, 1947 թ.):



ԾԱՂԿԱՔԱՂ ՇԱՐԱԿԱՆՈՑԻՑ

ՅԱՐԵԻԵԼԻՑ

ԵՐԳ ԱՐԵՒԱԳԱԼԻ

Յարեւից մինչ ի մուս,
Ի հիսիսոյ և ի հարաւոյ,
Ամենայն ազգ և ազինի,
Յօրհնութիւն հօր օրհնեցէ՛ք զԱրարիչն արարածոց,
Որ ծագեաց զլոյս արեգականն այսօր յաշխարհս:

Ենեղեգի՛ք արդարագ,
Փռոտքանիչ՛ք ամենասուրբ Երբոքութեանն,
Ցառաւօտս լուսոյ, զառաւօտ խաղաղութեան
Քրիստոս գովեցէ՛ք ընդ Հօր և Հոգւոյն,
Որ ծագեաց զլոյս գիտութեանն իւրոյ ի մեզ:

Լ Ո Ց Ս

ԵՐԳ ԶԿՆԻ «ԱՍՏՈՒԱՄ, ԱՍՏՈՒԱՄ ԻՄ» ՍԱՂՄՈՍԻՆ.

Լոյս, արարիչ լուսոյ, առաջին լոյս,
Բնակեալդ ի լոյս յանմատոյց, Հայր երկնաւոր,
Ի դասուց լուսեղինացն օրհնեալ:
Ի ծագել լուսոյ առաւօտոս,
Մագեա՛ ի հոգիս մեր զլոյս քո իմանալի:

Լոյս, ի լուսոյ ծագումն, արեգակն արդար,
Անհառ ծնունդ Հօր Որդի,
Ցառաչ քան զարեւ անուն քո գովեալ ընդ Հօր,
Ի ծագել լուսոյ առաւօտոս,
Մագեա՛ ի հոգիս մեր զլոյս քո իմանալի:

Լոյս, ի Հօրէ բղխումն, աղբիւր բարութեան,
Հոգիդ Սուրբ Աստուծոյ,
Մանկունի՛ք նկեղեցւոյ ընդ հրեշտակս զհեզ բարեբանեն,
Ի ծագել լուսոյ առաւօտոս,
Մագեա՛ ի հոգիս մեր զլոյս քո իմանալի:

Լոյս, երբեակ և մի անբաժանելի Սուրբ Երբոքութիւն,
Զհեզ ընդ երկնայնոցն
Երկրածինիս միշտ փառաւորեմք.
Ի ծագել լուսոյ առաւօտոս,
Մագեա՛ ի հոգիս մեր զլոյս քո իմանալի:

Ն Ա Յ Ե Ա Ց Ս Ի Ր Ո Վ

ԵՐԳ ՏԵԱՌՆ ՆԵՐՍԻՍԻ

Մայիսի սիրով Հայրդ գրած
Ի քաղաքիս գործս ձեռաց
Եւ գրանակս հրեշտակաց
Տուր պահապան մեզ տկարաց,
Փրկեա զանձինս ի փորձանաց,
Ի խաւարի շրջող դիւաց,
Ձի ի տուրնջեան և գիշերի
Տացումք քեզ փառս անլուսի:

Ի ին անեղ անսկզբան,
Մեռնող աննառ Որդի և Բան,
Որ արարեալ գտիւ գործոյ
Եւ գգիշեր ի հանգիստ քնոյ,
Տուր ի ներել աշաց մարմնոյ,
Արթուն լինել մեզ բոլոր հոգւոյ:
Ձի ի տուրնջեան և գիշերի
Տացումք քեզ փառս անլուսի:

Մարտն հոգւոց բանաւորաց,
Ազգիւր լուսոյ բաշխող շնորհաց,
Ի փակել զբանց բնութեանց մարմնոց,
Լոյս տուր աշաց սրտից մերաց,
Ի գիշերաց առ քեզ կանխել,
Ընդ հրեղինացն օրհնաբանել,
Ձի ի տուրնջեան և գիշերի
Տացումք քեզ փառս անլուսի:

Սուրբ սրբոց Երրորդութիւն,
Ձմեզ մաքրեա քեզ բնակութիւն,
Շնորհեա ընդ մանկանցն առաքաստի
Հանգչել ընդ քեզ ի յանկողնի,
Տուր զհայցուած բարեկամին
Ձիս ի երկն ցնանակին,
Ձի ի տուրնջեան և գիշերի,
Տացումք քեզ փառս անլուսի:

Պրկելի լոյս ստեղծեալ
Ձտիւ և գգիշեր բաժանեցեալ,
Մագեա մեզ, Տէր, ի գիշերի
Ձեռագալթս իմանալի,
Տուր յամենայն ժամանակի
Ձպահպանող աչ քո հովանի,
Ձի ի տուրնջեան և գիշերի,
Տացումք քեզ փառս անլուսի:

Սիրոյ քո հուր արկեալ յերկիր
Բորբոքեցի ի հոգիս մեր,
Ձխորհուրդ սրտից մեր մաքրեցէ,
Ձլոյս գիտութեան քո փայլեցէ,
Ի քեզ մահու զմեզ զարթուցէ,
Ձմիտս բացով քո վառեցէ,
Ձի ի տուրնջեան և գիշերի,
Տացումք քեզ փառս անլուսի:

Ի քեզ նայիմք լոյսդ անմատոյց,
Ի զգայական ծածկեալ լուսոյ,
Որ վասն մեր եղար ի գրի
Եւ նրնջեցեալ ի տապանի,
Առ մեզ ներեալ արթուն բնութիւն,
Հերքեա զարին ներգործութիւն,
Ձի ի տուրնջեան և գիշերի,
Տացումք քեզ փառս անլուսի:

Երկ լուսոյ անստանալի
Պսղատանեմ կամք առաջի,
Որ փակեալ դրամք յերկային
Եւ երեցար մեռասանին,
Ընդ թովմայի առ քեզ գոչեմք,
Տէր և Աստուած զքեզ դաւանեմք,
Էջ և առ մեզ յերկայիս,
Եւ տուր զոգոյն քո ի հոգիս:

Բամեալս գեղ, Տէր, աղաչեմք,
Մեզ յօգնութիւն հայեա հայցեմք,
Պահապանդ Ժառանգի,
Անձանց մերոց յեր հովանի,
Օրեսու առ մեզ խաղաղարար
Եւ ներեցումք անխռովաբար,
Ձի ընդ առաւօտս կանխեսցումք
Օրհնել զքեզ ընդ Հօր Հոգւով:

Պոչման փողոյն Գաբրիէլի,
Որ ի վերջնումն գիշերի,
Լսել արա զմեզ արժանի,
Եւ աջակողմն օղեաց դասի,
Անշէջ վառեալ լոյս լապտերաց,
Ըստ իմաստուն հինգ կուսանաց,
Ձի ընդ փեսայիդ ի յառաքատ
Հարստեմք հոգւով մտցումք ի փառս:

ՆԵՐՍԻՍ ՇՆՈՐՀԱԼԻ





Ք Ա Ղ Վ Ա Ծ Ք Ն Ե Ր

ԳԵՐԱԳՈՒՅՆ ՀՈԳԵՎՈՐ ԽՈՐՀՈՐԴԻ ՆԻՍՏԵՐԻ ԱՐՁԱՆԱԳՐՈՒԹՅՈՒՆՆԵՐԻՑ

1959 թ. ՀՈՒՆՎԱՐԻ 29-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՈՐԴԻ սույն նիստում լսվեց Մայր Աթոռի գլխավոր ճարտարապետ Արծրուն Գալիկյանի զեկուցումը 1959 թվականի ընթացքում Մայր Աթոռում և նրա հողամասից դուրս կատարվելիք շինարարական աշխատանքների մասին:

Գերագույն Հոգևոր Խորհուրդը, հետ քննու-

թյան, հաստատեց 1959 թվականի համար նախատեսված շինարարական աշխատանքները և որոշում ընդունեց հանձնարարել շինարարական գրասենյակին և Մայր Աթոռի տնտեսական վարչության՝ ձեռք առնել անհրաժեշտ միջոցներ՝ ապահովելու համար Մայր Աթոռի 1959 թվականի շինարարական ծրագրի կատարումը:

1959 թ. ՓԵՏՐՎԱՐԻ 10-Ի ՆԻՍՏԻՑ

ԳԵՐԱԳՈՒՅՆ ՀՈԳԵՎՈՐ ԽՈՐՀՈՐԴԸ սույն նիստում քննության առավ Ս. Էլմիաժնի Մայր Տաճարի Ավագ Սեղանի մարմարե խաչկալի զեղարվեստական քանդակման ծախսերի հարցը:

Գերագույն Հոգևոր Խորհրդի որոշումով հանձնարարվեց Մայր Աթոռի գլխավոր ճարտարապետին՝ աշխատանքային պայմանագիր կնքել քանդակագործ Արա Հարությունյանի հետ և հետևել աշխատանքների զեղարվեստական կատարելության, Մայր Աթոռի ճարտարապետների հանձնաժողովի գործակցությամբ:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՐԴԻ սույն նիստում Մայր Աթոռի գլխավոր ճարտարապետ Ա. Գալիկյանը զեկուցեց Օշականի Ս. Մեսրոպ եկեղեցու նորոգման աշխատանքների մասին:

Օշականի Ս. Մեսրոպ եկեղեցու նորոգման աշխատանքները, որոնք սկսվել են 1958 թվականին, շարունակվելու են այս տարի, դարձան և ամուսն ամիսներին: Նախատեսված է սրբատաշ քարերով պարսպապատել եկեղեցու բակը և բարեկարգել և ընդարձակել Ս. Մեսրոպի դամբարանը:

ԳԵՐԱԳՈՒԹՆ ՆՈԳԵՎՈՐ ԽՈՐՀՐԴԻ սույն նիստում կազմվեց վարդապետական քննիչ հանձնաժողով հետևյալ կազմով. գերաշնորհ Տ. Հայկազուն Կպիսկոպոս Արարհամյան՝ փերատեսուչ Նոգեոր Ժեմարանի, գերաշնորհ Տ. Եղեիկ Կպիսկոպոս Ազնավուրյան՝ անդամ Գերագույն Նոգեոր Խորհրդի, պրոֆ. Առաքել Առաքելյան՝ անդամ Գերագույն Նոգեոր Խոր-

հրդի, Արթուր Հատիտյան՝ խմբագիր «Էջմիածին» ամսագրի:

Վարդապետական քննիչ հանձնաժողովի պարտականությունն է քննել վարդապետական աստիճանների տվյալների համար ներկայացված գրավոր աշխատանքները և զեկուցել Վեհափառ Հայրապետին:

1959 թ. ՓԵՏՐՎԱՐԻ 24-Ի ՆԻՍՏԻՑ

ԳԵՐԱԳՈՒԹՆ ՆՈԳԵՎՈՐ ԽՈՐՀՐԴԻ սույն նիստում լսվեց Մայր Աթոռի զլխավոր հաշվապահ Գ. Քեհյայանի զեկուցումը Մայր Աթոռի ներքին թեմերի 1958 թվականի բյուջեի կատարողականի և 1959 թվականի նախահաշվի հաստատման մասին:

Գերագույն Նոգեոր Խորհուրդը, հետ քննություն, հաստատեց ներքին թեմերի 1958 թվականի բյուջեի կատարողականը և 1959 թվականի բյուջեի նախահաշիվը՝ ըստ թեմերի:





Մ Ա Յ Ր Ա Թ Ո Ռ Ո Ւ Մ

ՓԵՏՐՎԱՐԻ 8-ԻՆ, ԿԻՐԱԿԻ, ԲՈՒՆ ԲԱՐԵ-
ԿԵՆԴԱՆԻ ՈՐԸ, Մայր Տաճարում պատարա-
գեց արժանապատիվ Տ. Հակոբ քահանա Քե-
լամյանը և քարոզեց լուսարարապետ դերա-
շնորհ Տ. Սահակ սրբազանը ռեզոլյուցիոն
Աստուած Սաղմոսի բնաբանով։
Սուրբ պատարագին ներկա էր Վեհափառ
Հայրապետը։

ՓԵՏՐՎԱՐԻ 11-ԻՆ, ԶՈՐԻՔՇԱԲԹԻ, Մայր
Տաճարում սկսվեցին Մեծ պահոց հատուկ
Արևազալի ժամերգությունն ու երգերը։
Արևազալի հանդիսավոր ժամերգության
ներկա էր Վեհափառ Հայրապետը։
Հոգևոր ճեմարանի ուսանողական երգչա-
խումբը Մեծ պահոցի ընթացքում, շտապա-
թի և ուրախ օրերը, Մայր Տաճարում կկա-
տարի Արևազալի երգերը։

ՓԵՏՐՎԱՐԻ 14-ԻՆ, ՇԱԲԱԹ, ՏՅԱՌՆԸՆԴԱ-
ՌԱՋ, Օրվա մեծ տոնի առթիվ Մայր Տաճա-
րում եպիսկոպոսական հանդիսավոր սուրբ
պատարագ մատուցեց և քարոզեց Հոգևոր
ճեմարանի վերատեսուչ գերաշնորհ Տ. Հայ-
կազուն եպիսկոպոս Արքահայր Մանուկ
սին առ իմ զփրկություն քո բնաբանով։
Սուրբ պատարագին ներկա էր Վեհափառ
Հայրապետը։

ՓԵՏՐՎԱՐԻ 15-ԻՆ, ԱՐՏԱՔՍՄԱՆ ԿԻՐԱ-
ԿԻՆ, Մայր Տաճարում պատարագեց արժա-
նապատիվ Տ. Հովհաննես քահանա Մարուք-
յանը և քարոզեց հոգեշնորհ Տ. Հարություն
աբեղա Մատենյանը ռեզոլյուցիոն Աստուած
զմարդն ի պատկեր իրո (Մենդոց Ա 27) բնա-
բանով։

Սուրբ պատարագին ներկա էր Վեհափառ
Հայրապետը։

ՓԵՏՐՎԱՐԻ 18-ԻՆ, ՀԻՆԳՇԱԲԹԻ, Հոգևոր
ճեմարանում, ժամը 3.30,ին, դասախոսեց Ա.
Ջոհրայանը ՍՍՍՐ-ի 7-ամյա պլանը թե-
մայի շուրջ։

ՓԵՏՐՎԱՐԻ 21-ԻՆ, ՇԱԲԱԹ, Երեկոյան
ժամը 7-ին, Վեհափառ Հայրապետը Հոգևոր
ճեմարանում խոսեց ուսանողությանը աշայ
հոգևորականը պետք է լինի հավատավոր,
լուսամիտ և հայրենասեր թեմայով։

Հոգևոր ճեմարանի ուսանողությունը միշտ
երախտագիտությամբ և շնորհակալությամբ
է լսում իր Հոր՝ Վեհափառ Հայրապետի դա-
սախոսություններն ու հայրական հորդոր-
ները։

Դասախոսության վերջում վերատեսուչ
սրբազանը ջերմ շնորհակալություն հայտնեց
Վեհափառ Հայրապետին՝ նրա եկեղեցասի-
րական և հայրենասիրական դաստիարակիչ
հորդորների համար։

ՓԵՏՐՎԱՐԻ 22-ԻՆ, ԱՆԱՌԱԿԻ ԿԻՐԱԿԻՆ,
Մայր Տաճարում պատարագեց հոգեշնորհ
Տ. Մուշեղ վարդապետ Պետկյանը և քա-
րոզեց հոգեշնորհ Տ. Մեսրոպ վարդապետ
Անթարյանը ռեզոլյուցիոն Աստուած իմ մեռել էր
և հեկեց, կորուսեալ էր և գտաւ, և սկսան
ուրախ լինել (Գովաս Ժն 24) բնաբանով։
Սուրբ պատարագին ներկա էր Վեհափառ
Հայրապետը։

Սուրբ պատարագին ներկա էր նաև վեր-
ջերս Միքիայից ուսանելու համար Մայր Հայ-
րենիք ժամանած հայ երկսեռ ուսանողների
խումբը։

Սուրբ պատարագի ավարտին, Վեհափա-
ռում, Վեհափառ Հայրապետը բարեհաճեց
ընդունել ուսանողների խմբին։ Վեհափառ
Հայրապետը օրհնեց բոլորին, հետաքրքրվեց
նրանց ուսանողական կյանքով, հորդորեց
սովորել անձանձրույթ, գիտություն ամրա-
րել, հետազայում օգտակար լինելու համար
հայ ժողովրդին։

Ի դիմաց ուսանողության, Սամվել Սա-
լիպյանը կարգաց հետևյալ սրտագին ուղեր-
ձը, ուղղված Վեհափառ Հայրապետին.
«Շնորհազարդ Հայրապետ.

Հայրենադարձ հայրապաշայ ուսանողներ-
մեծագետ երախտապարտ ենք Հայրենիքի

կառավարության, որ մեզ իբր ուսանող ընդունելով, հնարավորություն տվավ մեր ուսումը շարունակելու մեր պաշտելի Հայրենիքի՝ Սովետական Հայաստանի մեջ: Միաժամանակ երանելի առիթը ընծայվեցավ մեզ տեսնելու հայ ժողովուրդի դարավոր հովատքի լույսի կեդրոն և ներկայի անխախտ միասնականության կոթող հանդիսացող Ս. Էջմիածնի Մայր Տաճարը և անոր արժանավոր Հովվապետը:

Էջմիածինը՝ Հայ Եկեղեցվո միակ կեդրոնը՝ տեսնելու իղձը Սփյուռքի մեջ ամեն մի հայու տարիներու երազն է եղած:

Արտասահմանի հայության և մանավանդ Սուրիո հայերուն ջերմ զգացումներն ու հույզերը կրքերնք Ձեզ, մեր սիրելի՝ Վեհափառ Մենք արտասահմանի հայ ուսանողության կողմն անհուն երախտագիտություն կհայտնենք Մեր Մայր Եկեղեցիին՝ որ Սփյուռքի և Հայրենիքի միջև դարձրու ընթացքին հոգեկան կապի ոսկե կամուրջ հանդիսացավ, շնորհիվ իր արժանավոր հայրապետներուն: Երախտագիտություն կհայտնենք նաև Ձեզ, Ձեր սուրբ ջանքերուն համար, հոգուտ Հայ Եկեղեցիին և ժողովուրդի միասնականության:

Սրտագինս Ձերդ Վեհափառության կմաղթենք արևշատություն և կորով, նորանոր նվաճումներ կատարելու Հայ Եկեղեցիին ներս և հայ ժողովուրդի համարս:

Վեհափառ Հայրապետը, ակնբախ հուզված իր հայրենադարձ որդիների սիրո և հավատարմության զգացմունքներից՝ դեպի Եկեղեցին և Հայրենիքը, օրհնելու բոլորին և ցանկացավ, որ նրանք բոլորը լինեն հայ ժողովրդի և Հայ Եկեղեցու արժանավոր զավակներ:

Ընդունելության վերջում Վեհափառ Հայրապետը սիրիահայ ուսանողներին նվիրեց խաչեր և իր մակագրությամբ հորելյանական գրքեր:

Նույն օրը, հետ միջօրեի ժամը 3-ին, Մայր Աթոռ, Ս. Էջմիածին և Վեհափառ Հայրապետին այցելեց ՍՍՌՄ-ի շախմատի շեմպիոն Տիգրան Պետրոսյանը իր հարգելի տիկնոջ հետ:



Փետրվարի 23-ին, ԵՐԵՎԱՆԻ ԱԹԻ, առավոտյան ժամը 11-ին, Վեհափառ Հայրապետի նախագահությամբ, Վեհարանում գումարվեց Մայր Աթոռի օժանդակ ճարտարապետների հանձնաժողովի նիստը, քննության առնելու համար նկարիչ Հրաչյա Ռուխիկյանի՝

Նի՝ Վեհափառ Հայրապետի պատվերով պատրաստած Հայաստանի պատմական վանքերի և եկեղեցիների մատիտանկարների ալբոմը:

Փետրվարի 24-ին, ԵՐԵՎԱՆԻ ԱԹԻ, առավոտյան ժամը 11-ին, Վեհափառ Հայրապետի նախագահության տակ, Վեհարանում կայացավ նկարիչների խորհրդակցություն. Մայր Տաճարի վարագույրների ուրվագիծ (էսքիզ) պատրաստելու կապակցությամբ:

Փետրվարի 26-ին, ԵՐԵՎԱՆԻ ԱԹԻ, Հոգևոր ճեմարանի Վերատեսուչ գերաշնորհ Տ. Հայկազուն սրբազանը մեկնեց Թրիլիսի, Ս. Սարգսի տունը (հին տոմարով)՝ Վրաստանի հայոց թեմում անցկացնելու, պատարագելու և քարոզելու համար. Սրբազան հորը ընկերակցում էր Գլխարանի ուսանող բարեշնորհ Ժիրայր սարկավազ Ճերեճյանը:

Սրբազան հայրը Մայր Աթոռ վերադարձավ մարտի 4-ին, շրջեցաբեր օր:

Փետրվարի 26-ին, ԵՐԵՎԱՆԻ ԱԹԻ, երեկոյան ժամը 3-ին, Վեհարանում, Վեհափառ Հայրապետի նախագահությամբ, գումարվեց Արարատյան Հայրապետական թեմի թեմական խորհրդի նիստը. նիստում գեկուցեց Արարատյան թեմի առաջնորդական փոխանորդ հոգեշնորհ Տ. Վահան վարդապետ Գլխավարյանը, թեմի 1958 թվականի եկեղեցական-վարչական գործունեության և 1959 թվականի թեմական խորհրդի առաջ կանգնած հարցերի մասին:

Նորին Ս. Օծուխյանը նիստի վերջում իր հայրական գոհունակությունը բարեհաճեց հայտնել Արարատյան թեմի առաջնորդական փոխանորդ հոգեշնորհ Տ. Վահան վարդապետ Գլխավարյանի եռանդուն պաշտոնավարության, թեմական խորհրդի արդյունավետ գործունեության և քահանայից դասի պարտականության անձնվեր կատարման առթիվ:

Նիստի վերջում Վեհափառ Հայրապետը օրհնեց բոլորին և մաղթեց արդյունավետ գործունեություն 1959 թվականի թեմի եկեղեցական, վարչական, տնտեսական գործունեության կապակցությամբ: Այսպիսով Վեհափառ Հայրապետը բարեհաճեց իրեն սեղանակից դարձնել Արարատյան թեմի առաջնորդական փոխանորդ հոգեշնորհ Տ. Վահան վարդապետին, թեմական խորհրդի եկեղեցական և աշխարհական անդամներին և քահանայից դասին:





ՀԱՅՐԵՆԻ ԹԵՄԵՐՈՒՄ

ՍՈՒՐԲ ՍԱՐԳՍԻ ՏՈՆԱԿԱՏԱՐՈՒԹՅՈՒՆԸ ԹԲԻԼԻՍԻՈՒՄ

1959 թվականի փետրվարի 26-ին, Վեհափառ Հայրապետի բարեհաճ կարգադրությամբ և Վրաստանի հայոց թեմի առաջնորդական ժամանակավոր փոխանորդ հոգեշնորհ Տ. Եղիշե վարդապետ Սարգսյանի հրավերով, էջմիածնի Հոգևոր Զեմարանի վերատեսուչ գերաշնորհ Տ. Հայկազուն եպիսկոպոսի գլխավորությամբ մեկնեցին Թբիլիսի՝ տեղի հայ հավատացյալ ու եկեղեցանվեր ժողովրդի հետ միասին տոնելու Ս. Սարգիս զորավարի տոնը:

Ուղևորվելուց առաջ մի պահ մտանք եկեղեցի և աղոթեցինք:

Ապա Վեհափառ Հայրապետից հրաժեշտ առնելու համար Վեհարան բարձրացավ սրբազանը: Վեհափառը օրհնեց նրան և բարի ճանապարհ մաղթեց:

Առավոտյան ժամը 10-ին ճամբա ընկանք դեպի Թբիլիսի՝ մեզ հետ տանելով Վեհափառ Հայրապետի ողջունները Վրաստանի հայոց թեմի հավատացյալ հայ ժողովրդին:

Երևանն էլ, կայն ու երկարածիգ պողոտաները ծածկված են ձյունով: Գեմուղեմ կանգնած առավոտյան արևի տակ, գեղեցկորեն փայլում են բազմահարկ, հսկա բնակելի շենքերը: Հակառակ ամիսներին ի վեր նստած ձյան, փողոցները հորդում են բազմությամբ, ոմանք շտապում են գործի, ուրիշները՝ դպրոց և համալսարան: Քաղաքը շնչում է իր առօրեական կյանքով:

Երևանից դուրս՝ դեպի Սևանա լիճ տանող ճանապարհով, ինքնաշարժը սլանում է ձյունածածկ ծառուղիների միջով: Հայրենի շքնաղ բնությունն է մեր հայացքի առջև: Ինքնաշարժը սկսում է դանդաղ բարձրանալ միջտ դեպի վեր: Հայրենի երկրի բարձրաբերձ լեռներն են ահա՝ իրենց զմրուխտ ան-

տառներով, խոլ գետերով ու դրավիշ թովշությամբ: Ճշայաստան, երկիր դրախտավայրա, — ինչպես ասել է բանաստեղծը:

Մտնում ենք վրացական սահմանները: Նույն հմայքն ու թովշությունը, նույն գեղեցկությունը այստեղ ևս: Շարունակում ենք մեր ճանապարհը և արդեն մոտեցել ենք Վրաստանի գեղեցիկ մայրաքաղաք Թբիլիսիին:

Կանգ ենք առնում հայոց Ս. Գևորգ եկեղեցու ավագ դռան առջև: Հոծ բազմություն է բաղում: Մեզ ընդառաջ են գալիս Վրաստանի հայոց թեմի առաջնորդական փոխանորդ հոգեշնորհ Տ. Եղիշե վարդապետ Սարգսյանը, եկեղեցու ծխատեղ քահանաներ, թեմական խորհրդի անդամներ: Եկեղեցում հավաքված են բազմաթիվ հայ հավատացյալներ:

Հնչում են զանգերը Ս. Գևորգ եկեղեցու: Զգեստավորվում են քահանաներն ու դպիրները և դեպի եկեղեցի են առաջնորդում սրբազան հոր՝ ճշայափառ Աստված և ապա «Ուրախ լեր Սուրբ Եկեղեցի» շարականներով:

Հոգեշնորհ Տ. Եղիշե վարդապետը, հանուն Վրաստանի հայոց թեմի, ողջունում է սրբազանի բարեհաջող ժամանումը:

Սկսվում է երեկոյան ժամերգությունը: Կատարվում է միաժամանակ Տյառներդառաջի նախատոնակի արարողությունը, սրբազանի հանդիսադրությամբ:

Հետ ժամերգության սրբազանը բարձրանում է Ս. Խորան և այնտեղից վար իջեցնելով վառված մոմը, վառում է փոքրիկ սեղանի վրա դրված յոթնաշահյան աշտանակը: Միևնույն ժամանակ հաղթականորեն հնչում է ռթրիստոս փառացա շարականը: Թբիլիսիի ավանդապահ հայ ժողովուրդը

սրբությամբ է պահում այն գեղեցիկ սովորությունը, որը մեր եկեղեցազան գեղեցկագույն ավանդություններից մեկն է։ Հավատացյալները իրենց ձեռքում ունեն մոմեր կամ ջահեր։ Նրանցից յուրաքանչյուրը մոտենում է յոթնաշաճյան աշտանակին, վատենում է իր ձեռքի մոմը կամ ջահը և ամենայն զգուշությամբ վերադառնում իր տունը, որպեսզի այդ օրը վառված մոմը կամ ջահը լուսավորի ընտանեկան օջախը։ Այս սովորությունը նկատի ունենալով է, որ Հայ Եկեղեցու սուրբ հայրերը այս ծիսակատարությունը տվել են նաև «Ճրագալոյց» անունը։ Փետրվարի 27-ն է։ Առավոտյան ժամը 9-ին սկսվում է ժամերգությունը, որին հաջորդում է սուրբ պատարագը։ Պատարագիչն է արժանապատիվ Տ. Զարեհ քահանա Բասմաջյանը, որն ըստ օրվա պատշաճության քարոզում է։

Երեկոյան դեմ եկեղեցին հորդում է հավատացյալների հոծ քաղմությամբ։ Իրոք որ ասեղ գցելու տեղ չկա։ Եկեղեցասեր քաղմությունը (մեծ մասամբ ուխտավորներ), շտապում է հասնել ուխտավայրը, ներկայինելու Ս. Սարգսի նախատոնական արարողությունը։

Ս. Սարգսի տոնը վըստանի հայության սիրելի է ժողովրդական հինավուրց տոնն է։ Շաբաթ առավոտ է։ Թբիլիսիի հայոց Ս. Գևորգ եկեղեցում ժամը 9-ին սկսվում է առավոտյան ժամերգությունը։ Եկեղեցում, բակում և նրա շրջակայքում խոնված է ուխտավորների և հավատացյալների քաղմություն։

Գերաշնորհ Հայկազուն սրբազանը, որ այդ օրվա պատարագիչն է, «Հրաշափառ»-ով առաջնորդվում է դեպի եկեղեցի։ Շնչում են եկեղեցու զանգերը։

Ժամը 12-ին սկսվում է սուրբ պատարագի հոգեզմայլ արարողությունը։ «Նորհուրդ խորին»-ից մինչև «Հայր Մեր»-ը երգվում է սուրբ պատարագը հավատացյալների մասնակցությամբ, վեհությունում ու հանդիսավորությամբ, հոգեկան անհուն մխիթարություն լցնելով հավատացյալների սրտերը։ Քարոզի պահին պատարագիչ սրբազանը հաղորդում է Վեհափառ Հայրապետի օրհնությունները, ողջույններն ու բարեմաղթությունները, և քարոզում ևս համբերութեամբ ձերբով ստասցիք զոգիս ձերք ընաքանով (Ղուկ. ԻԱ 19)։ Նա հանգամանորեն պատմում է Ս. Սարգսի, նրա որդու՝ Մարտիրոսի և տասնչորս զինվորների կյանքի և նահատակության մասին։

Սրբի կյանքի վառ օրինակով քարոզիչը ընդգծեց համբերատարության առավելությունները անհատական, ընտանեկան, հա-

սարակական և նույնիսկ պետության կյանքում, միաժամանակ ցույց տալով անհամբերատարության վնասները, առաջացրած շարիքները կյանքի բոլոր բնադավառներում։ Սրբազանը հատկապես կանգ առավ այն հանգամանքի վրա, թե ինչպես նույնիսկ Քրիստոս, իր երկրավոր կյանքում, դարձավ համբերության գերագույն օրինակը, մանավանդ իր չարշարանքի ամենադաժան րոպեներին։ Որպես էզրակացություն, սրբազանը կոչարեց հավատացյալներին՝ իրենց մեջ զոռացնել համբերատարության օգին։

Սրբազան հոր այս չիբմ զգացմունքներով հագեցած քարոզը լավեց խոր հետաքրքրությամբ։

Քարոզից հետո պատարագի արարողությունը շարունակվում է հանդիսավորությամբ։ «Որ կազմեցե՞ր շարականի երգակցությամբ հարյուրավոր ուխտավորներ և հավատացյալներ դալիս են «Հաղորդուի արեամբն Զիսուսի»։


Հավարտ սուրբ պատարագի սրբազան հայրը նույն հանդիսավորությամբ առաջնորդվեց առաջնորդարան, որտեղ ընդունեց շատերին և զրուցեց նրանց հետ։

Շաբաթ երեկո է։ Թբիլիսիի հայոց Ս. Գևորգ եկեղեցում երեկոյան ժամը 5-ին սկսվում է կիրակմտի ժամերգությունը։ «Եկու զուարթ»-ն է, հոգեհորդ ու վերացնող մեղեդին։ Երգող քահանան կարծես իր հոգու լարերի վրա է նվագում։

Կիրակի առավոտ է, ժամը 12-ին սկսվում է սուրբ պատարագի արարողությունը։ Պատարագիչն է արժանապատիվ Տ. Ռուբեն քահանա Մարտիրոսյանը։

Օրվա քարոզիչը դարձյալ սրբազանն է։ Նա իր քարոզի համար քնարան էր ընտրել օրվա ճաշու Ավետարանից. «Ես եմ հաց կենաց, որ զայ առ իս՝ ոչ քաղցիցէ, և որ հաւատայ իս՝ ոչ երբեք ծարաւեսցի» (Յովհ. Զ 35)։ Սրբազանը առանձնակի խանդավառությամբ խոսեց կենաց հացի մասին, նա նախ բաղդադականը արեց նույն օրվա Ավետարանի այն պատմության, ըստ որի առաքյալները Քրիստոսին էին որոնում շառունակ ժողովրդի հետ միասին, որովհետև նրանք կերել էին հրաշքով բազմացած հացերից, ինչպես իրենց նախահայրերը կերել էին անապատի մանանան և խմել ժալից բխած ջուրը։ Բայց նրանք մեռան։ Եսկ այն հացը և ջուրը, որ Ես տալու եմ,—ասաց Հիսուս,—արժանավորապես ճաշակողը և ըմպողը մեռնելու չէ հավիտյան»։

Այս սրբազանը, անդրադառնալով հոգևոր կարիքներին, ընդգծեց հոգին նույնպես սնուցանելու անհրաժեշտությունը, մի բան, որն առավել ևս զորացնում է մարդուն, կենդա-



նացնում և արժանացնում հավիտենական կյանքին:

Կիրակի առավոտյան ժամը 10-ի գնաց-
քով Թբիլիսի է ժամանում Մայր Աթոռի Պե-
րագույն Հոգևոր Խորհրդի անդամ պրոֆ.-
դոկտ. Արարատ Ղարիբյանը: Նրան դիմա-
վորում են հոգեշնորհ Տ. Եղիշե վարդապե-
տը, քահանա հայրերը և թեմական խորհրդի
անդամները:

Պրոֆ. Արարատ Ղարիբյանը եկել էր Թբի-
լիսի, գերաշնորհ Տ. Հայկազուն սրբազանի
և թեմական խորհրդի հետ համախորհուրդ,
թեմի գործունեությունը ավելի հաստատուն
հիմքերի վրա դնելու ու կանոնավորելու
համար:

Կիրակի երեկոյան ժամը 4-ին տեղի ու-
նեցավ թեմական խորհրդի նիստը, որին
ներկա էին նաև գերաշնորհ Հայկազուն սրբ-
ազանը, պրոֆ. Ա. Ղարիբյանը, առաջնոր-
դական ժամանակավոր փոխանորդ հոգե-
շնորհ Տ. Եղիշե վարդապետ Սարգսյանը,
խորհրդի եկեղեցական և աշխարհիկ ան-
դամները:

Ժամը 8-ին Վրաստանի հայոց թեմական
խորհրդի կողմից ճաշկերույթ է տրվում ի
պատիվ սրբազան հոր և պրոֆ. Ա. Ղարիբ-
յանի:

Ռաժակաճառեր փոխանակվեցին սրբա-
զան հոր, պրոֆ. Ա. Ղարիբյանի և թեմա-
կան խորհրդի անդամների միջև:

Ճաշկերույթից հետո պրոֆ. Ա. Ղարիբ-
յանը շնորհակալության խոսք ասաց և հա-
ջողություն մաղթեց թեմական խորհրդի
անդամներին՝ իրենց եկեղեցանվեր աշխա-
տանքում: Հարգելի պրոֆեսորը ժամը 10-ին
գնացք առնելով վերադարձավ Ս. էջմիա-
ծին:

Մարտի 2-ին, երկուշաբթի օրը, առավոտ-
յան ժամը 11-ին, գերաշնորհ Տ. Հայկազուն
եպիսկոպոսի հետ այցելեցինք վրաց ժո-
ղովրդի սրբություն սրբոց և վրաց Եկեղեցու
կենտրոնատեղի Մցխեթայի վանքը:

Մցխեթայի վանքը տանող ճանապարհը
եզերված է մշտադալար եղևնու ծառերով:
Ճանապարհի աջ կողմը հորդահոս Կուր
գետն է, որն անցնելով Մցխեթայի վանքի
մոտից, շտապում է հասնել Վրաստանի
սիրտը: Հեռվից երևում է Մցխեթայի վանքի
պատմական զմբեթը: Հասնում ենք վանքը
շրջապատող հինավուրց, բարձր պարիսպ-
ների առջև: Ներս ենք մտնում: Մեր աչքերի
առջև կոթողվում է վանքի լայնանիստ ու

աստիճանաձև հոյակապ կառույցը: Վանքը
խորհրդավոր վեհություն է սփռում ավելի
քան 900 տարիների հեռավոր անցյալից:

Ինչ դեր որ խաղացել է Ս. էջմիածինը
հայ ժողովրդի կյանքում, Հայ Ազգի ճակա-
տագրական օրերին, նույնը կատարել է նաև
Մցխեթայի վրաց ժողովրդի կյանքում: Նրանք
թեև հսկայածններ են ընդունել ու կողոպտվել
են միշտ, բայց այսօր երկուսն էլ կանգուն,
լուսատու կենտրոններ են:

Մցխեթայում մեզ ընդունում է վանքի
միաբան վարդապետներից մեկը: Վերջինս
մեզ ծանոթացնում է վանքի պատմությանը
և ճարտարապետական մնայուն արժեքնե-
րին: Վանքում հյուրասիրվելուց հետո, ժամը
1-ին վերադառնում ենք Թբիլիսի և այցե-
լում ենք նաև Թբիլիսիի հայոց Ս. էջմիածին
եկեղեցին և մայրաքաղաքի այլ տեսարժան
վայրերը:

Մարտի 2-ին, երկուշաբթի օրը, ժամը
2-ին Հայկազուն սրբազանը հարգանքի
այցելություն տվեց վրացական ՍՍԻՄ Մի-
նիստների Սովետին առընթեր կրոնական
պաշտամունքների գործերի խորհրդի լիա-
զոր պր. Շալուաշվիլուն:

Մարտի 3-ի առավոտն է: Մեկնելու ենք
Վրաստանի գեղեցիկ մայրաքաղաք Թբիլի-
սիից, հրաժեշտ տալով մեր սիրելի հավա-
տացյալներին: Ս. Գևորգ եկեղեցում քահա-
նաների դասն ու թեմական խորհրդի ան-
դամները սրբազանին են սպասում: Սրբ-
ազանը մտնում է եկեղեցի, աղոթում և իր
օրհնությունները բաշխում բոլորին:

Ժամը 10-ին շարժվում է մեր ավտոմե-
քենան, ողջերթի բարեմաղթությունների
տակ:

Մարտի 3-ի երեկոյան ժամը 5-ին հաս-
նում ենք Մայր Աթոռ էջմիան Սեդանի առ-
ջև աղոթում ենք բարեհաջող ճանապարհոր-
դության համար: Ապա սրբազան հայրը
բարձրանում է Վեհարան, Վեհապառ Հայ-
րապետին հաղորդելու համար Թբիլիսա-
բնակ հայ հավատացյալների սիրո և հա-
վատարմության հավաստիքները: Սրբազան
հայրը պատմում է նաև իր ապավորություն-
ների մասին:

Սրբազան հոր և իմ հիշողության մեջ
վառ կման Թբիլիսի ուխտադնացության օ-
րերի ապավորությունները:

ԺԻՐԱՅՐ ՍԱՐԿԱՎԱԳ ԶԵՐԵՃՅԱՆ





Ս Փ Յ Ո Ւ Ռ Ք Ո Ւ Մ

ՎԵՀԱՓԱՌ ՀԱՅՐԱԴԵՏԻ ՀՈՐԵԼՅԱՆԸ ՍՓՅՈՒՌՔՈՒՄ

ՍՈՒՐԲ ԷԶՄԻԱԾԻՆԸ ԵՎ ԻՐ ԳԱՀԱՎԱԼԸ

Կան հաստատություններ, կան երկեր, կա հավատք, կան զգացումներ, որոնք կտանեն, կանգուն կմնան միշտ, կուրծք տալով դարերու իսկ, անգամ բոլոր փոթորիկներու՝ ոչ թե, սակայն, գիպվածի մը, բախտի մը շնորհիվը, այլ որովհետև իրենց հատուկ իմաստը ունին՝ հիմնված ըլլալով կարգ մը ազգային իրականություններու և ճշմարտությանց համաձայն, և կդառնան, այսպէս, անհրաժեշտություն մը:

Ինչպէս Ս. Էջմիածինը՝ հայ կյանքին մեջ, իր ոճը հայկական է. կզանազանվի ուրիշ բոլոր ժողովուրդներու տաճարներէն, իր ներսն ալ հայկական է, իր պատմությունը, եթե նույնիսկ առանձին առնվի, նման է Հայ Ազգին անցյալին, կյանքին, ապրումին, իր երեսին որ կողմէն ալ դիտվի: Հայն է ան. հայուն զեմքը կներկայացնէ, անոր հետ շփոթվելու աստիճան:

Այս տաճարը, դարերու ընթացքին, իր պատմության, իր ցավերուն ու վերքերուն, իր պայքարներուն, մաքառումներուն, հույսերուն պատճառով՝ միայն կրոնական, միայն զուտ կրոնական հանգամանքին մեջ չի ներկայանար. շատոնց այսպէս է ան, Այո՛ Տաճարը է նաև բարոյական ու միանգամայն ազգային կեդրոն մը: Բարոյական՝ վերապրումի, անվհատության կամքը անհղձ պահելու համար. ազգային՝ հայ ժողովուրդին զեմքը անարատ շարունակելու համար: Իր ամբողջական հավատքը կկազմեն այս բոլորը, Հայկին ավանդությունը, Տիգրան

Մեծի փառքը՝ հեթանոսական շրջանէն ժառանգված, իր մեջ վառ պահված են, և նույնիսկ զանոնք զուրգուրալից սիրով մը մշակելով, հաջորդ սերունդներուն փոխանցելու համար՝ առանց վհատության, գիտակցորեն:

Ես չեմ տեսած իրավ հայ մը, որ չսիրէ Ս. Էջմիածինը: Վավերական հայը չի կրնար իր զեմքը փոխել: Այս զեմքը դարերու ընթացքին կերտված է:

Կզանազանվի հայ էջմիածինը:

Իր քարոզած, պաշտպանած կրոնքը՝ քրիստոնեությունը, իրն է, ու անձնական ալլեա. չի նմանիր ուրիշին. այլևս ազգային ու միույն իրը ըլլալու աստիճան:

Ոայց ի՞նչպէս, հարցուցին շատեր՝ դուրսն, ու հարցուցինք մենք ալ, ի՞նչպէս էջմիածինը կրցավ ծովամուլն ըլլալ, վերապրիլ՝ հալածանքներու, բաժանումներու, դավերու, արշավանքներու, անոթության, ամեն տեսակի փոթորիկներու՝ իր դարավոր ծնունդէն է վերս, Բերդ մը չէր ան, ոչ ալ բանակ ուներ ինքզինքը պաշտպանելու համար: Տաճար մըն է ան, անգնէ, Կարելի էր զայն գլուրավ քանդել. բայց իր թշնամիները չկրցան քանդել զայն: Հրաշքի մը արժեքը ունի այս: Եվ այս հրաշքը պատահեցավ: Որովհետև էջմիածինը չլքեց իր հայկական զեմքը, պահեց զայն անօրինակ նախանձախնդրությամբ: Մեր պատմությունն է որ կերեա հոն, մեր պատմությունն է որ ապրեցաւ հոն, Ս. Էջմիածին Տաճարին մեջ:

թյունը պիտի տա աշխատելու, շինելու, վերելքը շարունակելու, Ապացույցը կա արդեն:

Աշխարհի շորս կողմերեն, հայեր սիրով, որդիական հարգանքով շնորհավորեցին իրենց Ընդհանրական Հայրապետը իր կրկնակ տոնին առթիվ, ու ներկայացուցին իրենց մաղթանքները իրեն և Ս. էջմիածնին. այսօր, այս նրկուքը նույնացած են իրարու հետ: Անոնք ուրախ էին այս առթիվ. բոլորն

ալ, և արդարորեն հպարտ ներկայով, մինչև որ հույսերով լեցուն՝ ապագային համար:

Նրա նիկ ենք «Ջահակիր»-ին միջոցով անոնց միանալու, կատարելու համար, մենք ալ, մեր սրտագին շնորհավորություններն ու մաղթանքները, այս առթիվ:

ՍՏԵՓԱՆ ՇԱԶՊԱՋ

(Կաճիւր, «ՋԱՀԱԿԻՐ», 20—31 հոկտեմբերի, 1958 թ., № 98—99)

ՄԵՐ ՍԻՐՈՒՅՆ ԵՎ ՊԵՐՏԵԿԱՆՈՒԹՅԱՆ ՀԻՄՆԵՐԸ ՍՈՒՐԻ ԷՋՄԻԱԾՆԻ ԵՎ ՍՆՈՐ ԳՆԱԿԱՆՈՒՆ ՀԱՆԳԵՊ

Անհուն սեր ունի հայ ժողովուրդը իր սրտին խորը հավատքի, լույսի և հույսի վեճ Ս. էջմիածնի հանդեպ: Համայն հայության Սրբություն Սրբոցն է ան, կառուցված մեր Տիրոջ ցուցմունքով, ըլլալու համար Հայ Եկեղեցւոյ Հոգևոր Գերագույն Պետին Գահատեղին...:

Մեր երկրորդ Լուսավորիչը՝ Գրիգոր Հայրապետ տեսավ այդ լույսը և պատմեց ցեծությամբ հավատացյալ Տրդատ մեծ արքային: Մշտագո և մշտավառ է այդ լույսը, անոր շողերով լուսավորված և արբեցած սուրբերն էին, որ ամուր ժայռի վրա հաստատեցին աստվածային սուրբ կրոնքը, տվին մեղի դիր ու գրականություն, արվեստ և մշակույթ և մանավանդ պահեցին ու պահպանեցին հրկար դարեր, դժնդակ պայմաններու մեջ, հայաստեղծ այդ թանկագին հարստությունները, որոնցմէ հայ միտքը՝ ինչպես միղրալից փեթակներեն՝ կքաղե իր հոգիին սնունդը:

Բախտավոր եղած է հայ ժողովուրդը, որ հաջողած է բաղմեցնել Լուսավորչի պաշտելի այդ Գահուն վրա իր ընտրելագույն դավանները, որոնք իբրև ճշմարիտ առաջնորդներ և արի հովիվապետներ, հայուն դժխեմ ճակատագրի դավագույն այդ ժամանակներուն, սփոփած ու խնամած են նաև զայն, տե՛ր ու պաշտպան կանգնած անոր, շատ անգամներ իրենց կյանքերուն իսկ գնով:

Բախտավոր ենք դեռ ավելի և մենք, ներկա սերունդը, որ ունեցանք Տ. Տ. Վաղգեն Ա Սրբաղնագույն Կաթողիկոսի պես մեծագործ Հայրապետ մը:

Հայ ժողովուրդը սկիզբի օրերեն իսկ նախազգացական առողջ բնազդով սիրեց զինքը, վստահեցավ Անոր, և մեծ հույսեր կապեց Անոր:

Գահակալության երեք տարիներու շատ կարճ ժամանակամիջոցին երբ ճանչցավ զայն իր կյանքին, խոսքերուն, սրբատառ կոնդակներուն և կատարած գործերուն ընդմեջեն, ուրախությամբ հաստատեց, թե չէր սխալած իր քնտրության մեջ:

Ես կհավատամ, թե Աստուծո կամքն էր, որ միշտմտեց, երբ աշխարհի շորս ծագերեն էջրիածին ժամանած Հայ Եկեղեցւոյ և հայ ժողովուրդի պատգամավորներ, միախորհուրդ և միաձայն, իրենց քվեները կեդրոնացուցին Անոր արժանավորագույն անձին վրա:

Ս. էջմիածնի սիրովը վառ կրոնաշունչ հավատացյալն է, որ կիսուսի իր ներսեն, երբ կպատգամէ. «Մեր գոյության տեսկանացման և զուգացումին միակ ճանապարհը հավատի ճանապարհն է, որ կանցնի Ս. էջմիածնեն և որ մեզ կկապե մեր ավանդություններուն և սրբություններուն»:

Իր բոլոր զավակներուն սրտացավ Հայրն է, որ կհորդորե մանավանդ Սփյուռքը. «Ավելի վտրձառաբար տե՛ր է առաջնորդիք և շրջաճալեցութեամբ և անադմուկ կերպով վարեմ ձեր եկեղեցական ազգային կյանքը. այնպես ըլնէ, որ Սփյուռքը կանցնի քաղաքի շինարար տարը»:

Մեծ հայրենասիրի քաղցր ձայնն է, որ կհնչե մեր ականջներուն. «Լի հավատով, հույսով և լավատեսությամբ, կռչ կուղղեմք հայ ժողովուրդին մնալ հավատարիմ մեր պապերու հավատին, երկյուղածությամբ պահպանենք մեր եկեղեցական ավանդությունները, մեր մեծաստեղծ լեզուն և հայ մշակույթի արժեքները»: Եվ ասիկա՝ նպատակ ունենալով Սփյուռքի մեջ կենդանի պահել մեր ժողովուրդի ինքնագիտակցությունը, հայկական շունչը, հայրենասիրությունը և մեր ազգային արդար իղձերուն իրականացման սրբազան ուխտը:

Աննման է մեր Վեհափառը, իր լավատեսության ոգիով, շատեր թերեւ կտարակուսին, կթերահավատին, որ Անոր այնքան ընդարձակ և շքեղ ծրագիրները ամբողջությամբ կրնան հաջողիլ:

Բայց ինքը իր տնսիրներու պահերուն, հոգիի ալքերով, արդեն իսկ մարմին առած, իրականացած կտեսնե զանոնք բոլորն ալ, նման Եղեկիի Մարգարեին, որուն Աստված ցույց կուտար դաշտերու մեջ ցրված մարդկային անհամար ոսկորներ. որ իրարու կու-

գային, կմախք կկազմեն և հարութուն կառնեն:

Բայց որպեսզի արագընթաց քաղաքի հանվին հայուն մեծության և երջանկության համար հղացված այդ հսկա ծրագիրները, նվիրական հրամայական պարտականություն կիրյնա մանավանդ հայ արտասահմանին՝ գործակցիլ Վեհին, դյուրացնել Անոր աշխատանքը:

Շատ բան կախված է մեզմե, լինել կամ չլինելու խնդիրն է դրված հրատապորեն. կամ ալլապերումի զանազան ճանապարհներով պիտի հյուծինք և մեռնինք և կամ սթափելով մեր անտարբերութենեն, թոթափելով մեր թմբիրը՝ գանք ինքնագիտակցության, լծվինք համառ աշխատանքի և ծանր զոհողություններու գնով ապրինք հայ և մեռնինք հայ, Սփյուռքի մեջ, կամ երթանք Հայրենիք:

Եթե հիվանդը հուսահատ է, եթե կպակ-

սի հավատքը, ապարդյուն կմնան բուժումի բոլոր աշխատանքները:

Հարազատ հայր պետք է խորապես ըմբռնե, թե իր ազգային պատիվը, ճակատագիրը իր ձեռքին մեջն է, եթե ուզե՝ ցնխին մեջ կնետե և կսկսեն, եթե ուզե՝ բարձր կպահե և կփայլեցնե դայն:

Ցուրաքանչյուր հայ քարերեն մեկն է հայ ցեղի հինավուրց և փառավոր շենքին. եթե փրթի անկե և զատվի՝ ոտքի կոխան կըլլա և կփյանա, եթե անտաշ և փտած քար մըն է, կավրե ամբողջության գեղեցկությունը և կվնասե շենքին տոկոսություն:

Պետք է ըլլանք լավ շինանյութ և ընտիր քարեր՝ Հայ Սկզբնցվո և հայ ժողովուրդի շենքին վերակառուցման համար, մեր նոր օրերու շինարար վարպետ և որմնագիր. մեծագործ Հայրապետին ձեռքին մեջ:

ՍԱՀԱԿ ՔԱՀԱՆԱ ՇԱՔԱՐԳԱՆ

(Կաճիք, «ՋԱՀԱԿԻՐ», 20—31

հոկտեմբերի 1958 թ., № 96—99):

Հ Ո Ր Ե Լ Յ Ո Ր Վ Ե Հ Ա Փ Ա Ռ Ը

Նորին Ս. Օծութուն Ս. Ս. Վազգեն Ա Ամենայն Հայոց Կաթողիկոսին ծննդյան հիսնամյա և օծման երրորդ տարեդարձի տոնակատարությունները առիթ մը ևս կընծայեն, որպեսզի անդրադառնանք այն վեհ ու սուրբ գործին, որ հառաջ կտարվի Ս. էջմիածնի մեջ. անդրադառնանք մանավանդ այդ գործը կատարողին:

Ինչպիսի՞ գործ սակայն, Հոգիներու փրկություն գործը: Սկսած մեր Տիրոջ կողմե, կազմակերպված Իր Առաքյալներուն միջոցով և անընդմիջաբար շարունակված առաքելատիպ հայրապետներու կողմե: Այսօր այդ գործը հառաջ կտանի Ս. Հոգիին շնորհներով դարդարված Վազգեն Ա Վեհափառ Կաթողիկոս:

Մենք հաճախ, առօրյա գործերու բերումով, կմոռնանք մեր հոգևոր սնունդը, մեր հոգվույն փրկության համար մեր փուլքը, որ մեր մտածման առանցքը պարտի ըլլալ: Սակայն Ամենայն Հայոց Կաթողիկոս Ս. Ս. Վազգեն Ա անխոնջ աշխատող մըն է, կանոնա առավտուն մինչև ուշ գիշեր անդադար կգործե: Այս աշխատանքը մեկ և զրկալոր դրդապատճառ ունի—Աստվածային զիտությունը լուսավորել հեղ ժողովուրդի գավակներուն միտքն ու հոգին:

Թե՛ Հայրենիքի և թե՛ արտասահմանի մեջ, Վեհափառին կաթողիկոսանալեն ետք, ականատես եղանք, ականջալուր եղանք այն կորովի ու աներկյուղ գործին, որ տարամերժորեն Նորին Ս. Օծութուն Վազգեն Կաթողիկոսինը եղավ, հիշված բոլոր երեսներուն վրա հավասարապես:

Հասկնալի կդառնա նաև սիրեցյալ Վեհափառին պաշտամունքի բարձրացած սերը հանդես Ս. էջմիածնին, որ խորհրդանիշն է մեր հավատքին: Բախտավոր եղավ արտասահմանի մեկ մասը և հատկապես եզրատահայտությունը, որ կրցավ լսել Ընդհանրական իր Հայրապետին կենդանի խոսքը: Բախտավոր է հայությունը ամբողջ, որ նախախնամական կարգադրությամբ մը ընտրված է հաթոռ Ս. Գրիգոր Լուսավորչի Վազգեն Ա-ի նման Կաթողիկոս մը: Անոր ձայնը հաճախ պիտի լսե իբրեք գրավոր կամ կենդանի խոսք, իբրեք մխիթարանք, խաղաղության հրավեր, խրախուսանք, շրջահայեցություն ու հավատքի կոչ, ընդհանուր թերահավատության ժամանակաշրջանի մը ընթացքին: Անոր ձայնը պաղած հոգիներու համար ջերմացնող հավատքի շողն է:

Վազգեն Վեհափառը Հավատքի մարդն է: Այդ տեսանք մենք և կվկայենք, որ խնկարույր պատմութենեն արտածորող դրավությունը հավատքի ուժն էր, որ ստուգիվ հրաշքներ կգործե, եթե անկե... մասնենիս հատիկի չափ ունենան մարդիկ: Հավատքի, Սիրո և Հույսի Հայրապետը, որ նույն հոգին ունի, այն հոգին, որ երանելի հայրապետներուն է, որոնք անընդմեջ գծով մը առաքելական շառավիղեն կուզան, կանցնին հայոց պատմության կարմիր ու մուր էջերեն, հասնելու և հասցնելու համար իրենց հանձնված հոտը լուսավոր կայանին:

(Կաճիք, «ՋԱՀԱԿԻՐ», 20—31
հոկտեմբերի 1958 թ., № 96—99)

ՎԵՆՓՍՈՒ ԼՍՅՐԱՊԵՏԻՆ ՆՎԻՐՎԱԾ ԼՍՆԳԻՍՈՒԹՅԱՆ ՊՐ. ԼՍՄԲԱՐՁՈՒՄ ԳԱՐԱՅԱՆԻ ԽՈՍՔԸ

...Պատմական այս պահուն սակայն մեծ է մեր ցնծությունը, որովհետև պետք եղած ատեն, պետք եղած մարզը կկանգնի Ս. էջմիածնի գլուխը, որուն փառքն ու ճակատագիրը գարեհու ընթացքին նույնացած են Հայաստանի և հայ ժողովուրդի փառքին ու ճակատագրին հետ։

Այս է պատճառը, որ այն օրը, որ ծնավ և այն օրը, որ իր գահակալությունը տեղի ունեցավ, երջանիկ օրեր են հայության համար, որ բախտավորություն բերին անոր, և երջանկություն բերին անոր։

Այո, Աստված մեր երեսը նայեցավ, մեր Մայր Աթոռը օժտեց Վաղգեն Կաթողիկոսի նման արժանավոր եկեղեցականով մը։

...Մարդու մը համար, որ հոգեկան և մարդկային ծանրակշիռ պատասխանատվություններ կատանեն, իր հոգեկան փառքն է էականը, մարդիկ կան, որոնց համար փառքը կիտված է, որ կթափի առաջին պատահարեն իսկ. մինչ Վեհափառին փառքը կիտված չէ, այլ բարի, ազնիվ խմոր մը, էություն մը, որ իրականություններու և դեպքերու առջև ալ ավելի կմեծնա և կազնվանա, որ իր անձով կպատվե և կբարձրացնի իր դիրքն ու տիտղոսը։

Ան այսօր կշիռն, կկերտե իր հոգեկան պատկերին նմանությամբ, օգտվելով այն քաջատիկ առիթն, որ ստեղծված է Հայաստանի մեջ, Սովետական կառավարության քաղաքականության ջնդրհիվ։

Էջմիածնի մեջ Վեհափառը կատարեց ավելի հրաշալի գործ մը. այսօր դուք կմոտենաք Հայաստանի ձայնասփյուռին, համայնավար երկրի մը ձայնասփյուռին, և կիմա-

նաք մեր եկեղեցական երգեցողությունները, իմանալու համար աշխարհի ամենն վերացական կրոնքին փառաբանությունը, այնպիսի երկրն մը, որ ամենն նյութապաշտն է, ամենն իրապաշտը։

Վեհափառը կաշխատի ու կաղոթի, այդ աղոթքը աշխատանքի վերածելով։

Եվ ինչպե՞ս կարելի է համայնավար գործակալ անվանել այն Հայրապետը, որուն շնորհիվ այսօր մենք Հայաստանի ձայնասփյուռնն, երեք տարին ի վեր ականջալույս կրլլանք ազգային թե եկեղեցական տոնախմբության և կհրճվենք Վեհափառը ասով ընծայեց վայելք մը, որ երազել իսկ չէինք կրնար։

Վեհափառը ծաղկեցուց իր շուրջը և կվերակենդանացնե Հայաստանյայց եկեղեցին. ահավասիկ ինչու համար հրաշալի բան մը տեղի կունենա հոն, հայ սրտերը կհրճվին ու աղոթ հեղինակը Վեհափառն է։

...Մենք այս երկու տարեդարձներուն առթիվ ի՞նչ կրնանք նվիրել Անոնք որ ունին՝ կրնան ընծայել իրենց ոսկին ու արծաթը, իսկ բոլորս կրնանք և պետք է ընծայենք մեր սրտին ոսկին ու արծաթը, որպեսզի Ան իր անծայրածիր քարության մեջ ավելի դրանա, մեր հավատարմությունը, մեր սերը և մեր վստահությունը ունենա, որպեսզի շարունակե ծառայել իր հավատքին, իր Հայրենիքին և մեզի, որպեսզի մեր հավատքն ալ կանգուն մնա։

ՀԱՄԱՐԱՐՁՈՒՄ ԳԱՐԱՅԱՆ

(Կաճիրե, «ՋԱՀԱԿԻՐ», 20—31
նոկտեմբերի 1958 թ., № 96—99)

ՀԱՅՐԵՆԱՍԵՐ ԵՎ ԽԱՂԱՂԱՍԵՐ ՀԱՅՐԱՊԵՏԸ

...Ս. էջմիածինը շղթայի այն գլխավոր օղակն է, որ արտասահմանի հայությունը կկապե, անքակտելիորեն, Հայրենիքին՝ մեր ժողովուրդին դարավոր երազին, որուն իրականացման համար միլիոնով զոհ տվեր ենք։

Ահա այդ սրբազնագույն օղակին է, որ հայանուն մարդիկ իրենց քանդիչ հարվածները կիջեցնեն ի դուր։

Սակայն, Վեհափառ Հայրապետը, գիտակից խաղաղության ընձեռած բարիքներուն, գիտակից այն իրողության, որ հուրով ու սուրով սնանոզ մարդոց մահն է խաղաղությունը, անվրդով կշարունակե իր աշխատանքը, այդ օղակը ամրապնդելու իր աշխատանքը։

Վեհափառը, արտասահմանի իր հոտին տված իր այցելություններ, վարակեց մեզ իր

չերմ հայրենասիրությամբ, անկեղծ ազգասիրությամբ, ինք ասույի մը նման անցավ, բայց իր ետին անջնջելի հետք մը ձգեց, որուն հետևանքով, նախապես տատամսող ազգայիններ այսօր Ս. էջմիածնի փարած են այնքան, որքան Անկե բաժնված են ամեն կարգի կայաններ, եվ հանդիսավոր այս օրերուն, մենք իրեն մեր մեծագույն նվերը տված կըլլանք, երբ հավատարիմ մնանք մեր Մայր Հայրենիքին, մեր Ս. էջմիածնին, որովհետև, այդպիսով, խաղաղություն պիտի տրեր իր խոսովահույզ սրտին մեջ և բոլոր տարած աշխատանքներուն հոգևությունը պիտի լզգա։

ՎԱԵՏԻՍ ՅԱՓՈՒՅՑԱՆ

(Կաճիրե, «ՋԱՀԱԿԻՐ», 20—31
նոկտեմբերի 1958 թ., № 96—99)

ՆԱԽԵԿ «ԷՋՄԻԱԺԻՆ» ԱՄՍԱԹԵՐԻ ԽՄԻԱԳՐՈՒԹՅԱՆ*

«ԷՋՄԻԱԺԻՆ» ամսաթերթին 1958 թվականի հոկտեմբեր—նոյեմբեր միացյալ թիվը սա պահուստ ձեռքիս մեջ և աչքիս առջևն է, կթղթատեմ դայն էջ առ էջ ու կկարդամ տող առ տող:

Որքան հոգեպարար և հրճվալի պիտի ըլլա Հիսուս Քրիստոսի ծննդյան ավետիսին երկնասլաց երգեն անմիջապես վերջ՝ այսօր, երգել նաև Ս. Էջմիածնի վերածննդյան, պարծանքի և փառավորության մեծ ավետիսը, երկրե երկիր, հոգիներե հոգի, վայելող ու տառապող սրտերե ներս՝ Հայ Ազգին հավատացյալ ժողովուրդին:

Միթե կրնա՞ն դեռ ըլլալ կույրեր, ուրացողներ, ուխտագրուծներ, ըսեմ դավաճանողներ հանդեպ հայ ազգային թե կրոնական կյանքին ու կենդանության հիմնաքարը եղող Ս. Էջմիածնի ավանդության ու սրբության, ի՞նչ կան ու պիտի ըլլան, այդպիսիներ կենդանի մեռյալներ են, ու հավիտյան կորածներ, պատժվածներ՝ նույնիսկ իրենց խղճին պատիժով:

Հաջորդաբար կթերթեմ ամսաթերթը, Ամենայն Հայոց Հայրապետ, Սրբազնագույն Կաթողիկոս Վազգեն Ա-ի ծննդյան հիսնամյակին և զահակալության երրորդ տարեդարձին առթիվ եկեղեցական թե Մայր Աթոռն են եղած արարողություններու ու հանդիսությանց շուրջ նկարագրությունները Սփյուռքի շուրս ծայրերեն եկող եկեղեցականներուն թե աշխարհականներուն, հավատացյալ ժողովուրդին իր ներկայացուցիչ, սրտաբույժ խոսքերը հանդեպ Հայրենիքին, Մայր Աթոռ Ս. Էջմիածնին, նաև Ազգին սիրելի ու պաշտելի Հայրապետ Վազգեն Ա Կաթողիկոսի անձին՝ ազգաշեն, կրոնաշեն գործունեության նկատմամբ: Այս ճառերն ու խոսքերը ուրիշ բան չեն, եթե ոչ իսկական ու անշահախնդիր արտահայտություններ ողջ հայուկության սրտեն ու զգացումեն ըխած, որքան ալ ըլլան անոնք հեռու, օտար հորիզոններու տակ:

Ինքզինքս երբեք դժբախտ պիտի չզգամ, որ այդ պատմական ու փառավորյալ հանդիսությանց օրերուն անձամբ ներկա չեմ եղած: Ապրին «Էջմիածին» ամսաթերթն ու տպարանը:

Դեռ քանի կթերթեմ ամսաթերթը, քունս մոռցած, կկարդամ սրբազան հայրերու քարոզները, սեղանի ճառերն ու մաղթանքները, իրենց հարգանքի, երկյուղածության, հնազանդության անսպառ խոսքերը հանդեպ

Աթոռին և Հայրենիքին, այնքան ավելի կհրճվիմ, Գրեթե վերացած կհետևիմ նորին՝ Վեհափառության բոլոր արարողություններու և հանդիսավորություններու առթիվ, հայրական, կրոնական, հոգեբանական, դաստիարակական հոգեշունչ և իմաստալի խոսքերուն, որոնք կրխին կարծես մասամբ աստվածային շնորհն ու շունչեն: Ապա ի՞նչ ըսել նաև դիտելով այն գեղեցիկ լուսանկարները, որոնց մեջ սրբազան հայրերն ու սիրելի եղբայրները իրար միացած, իրար մեջ շաղկապված, նորին Վեհափառության հովանավորության և օրհնություններու ներքե, անմոռանալի օրեր և հիշատակներ կապրին: Պետք չէ տարակուսիլ, որ Հայ Ազգին այս ազնիվ ու մաքուր զավակները անշուշտ իրենց հետ տարին իրենց իղձերը՝ ապրող եղբայրներուն ու քույրերուն իբրև ավետիսը Հայրենիքին ու Մայր Աթոռին վերածնունդին, քարոզելով և ըսելով միևնույն ժամանակ, որ ճեղքալրներ ու քույրեր, ահավասիկ Հայրենիքեն կուգանք, Ս. Էջմիածնեն կուգանք, հոն տեսանք, որ Հայ Ազգը կապրի ու պիտի ապրի հավիտյան իր Հայրենիքով և կաթողիկոսական Աթոռով: Այո, պիտի ապրի, որովհետև դարերու երազն ու բաղձանքը տեսակ մը աստվածային զորություն ու հրաշք, Արարատի գագաթեն վար իջավ դեպի հող՝ ծաղկեցնելու համար դաշտերն ու մարգագետինները, տաճարներն ու հոգիները: Ի՞նչ է ուրեմն, եթե ոչ հրաշք...: Ըլլալ հեռու, գտնվիլ օտար երկրիքի տակ ու ապրիլ, հոգ չէ թե մեկ քանի օրերու համար, բայց սրտով միշտ ըլլալ Հայրենիքին հետ, ըլլալ Ս. Էջմիածնի հետ և ապրիլ Սրբազնագույն Կաթողիկոս Վազգեն Ա-ի օրհնություններուն տակ:

Ահա այս բոլոր ներշնչումները պահ՛մը կմղեն դիս, իբրև մեկը միլիոններուն մեջեն, գալ մասնակցելու համար հրավիրյալներու շարքին, ու սեղանին փառքի բաժակը ձեռքիս, ոտքի վրա, բարձրաձայն երգել և կոչել: Վեհադատություն հայրենի երկնքին, անասանություն Ս. Էջմիածնի դարավոր կառուցվածքին, Գահին ու Գահակալին, արևշատություն, երկա՛ր կյանք Հայոց ընտրյալ ու սիրեցյալ Հայրապետին՝ նորին Վեհափառություն Վազգեն Ա Կաթողիկոսին:

Ի՞նչ կա ավելի վսեմ ու հոգեպարար, քան այն փառքն ու պարծանքը, զորս պետք է սենեկն ամեն հայ անհատ, ըսելով՝ Վեհ հայ եմ:

ԱՍԵՓԱՆ ԽԱՍԱՆԱՆ

* Այս սրտաբույժ տողերը քաղված են խմբագրության ուղղված մի նամակից:



ՊԱՏՄԱ-ԲԱՆԱՍԻՐԱԿԱՆ

ԳԵՎՈՐԳ ՎԱՐԴԱՊԵՏ ԿԱՐՊԻՍՅԱՆ

ԳՐԻԳՈՐ ՏԵԹԵՎԱՑԻ*

ԿՅԱՆՔՆ ՈՒ ԳՈՐԾՈՒՆԵՆՈՒԹՅՈՒՆԸ



րիգոր Տաթևացին ժն զարու
ամենանշանավոր եկեղեցական
գործիչն ու մատենագիրն է՝ Իո
անունը լրացուցիչ ու անրաժան
մասն է Որոտնեցիին ու Տաթևի դպրոցին։
Դպրոցի ուսումն ու ժողովրդականութիւնը
կամեման շնորհիվ իրեն։ Ավանդապահ, գոր-
ծունյա ու բազմազետ ուսուցիչն է՝ որ թի
գիշերի խոկմամբ զիմաստս գրոց հաւաքէր,
և տուրնջեան աշակերտացն պատմէր»,—
կգրե Առաքել Սյունեցի. «ընթերցման է պա-
րապող, աշակերտաց է մարզող... ծածուկ
բանից բացատրող»։ Որոտնեցիի ամենա-
տաղանդավոր աշակերտներեն մեկն էր Գրի-
գոր Տաթևացին, որ իր ուսուցչի կենդանու-
թյանն իսկ եղավ Տաթևի համալսարանի ամ-
բիոնին վարիչը և առավել ևս բարձրացուց
դպրոցին փառքն ու անունը։

Կենսագրականը.— Գրիգոր Տաթևացին
ծնած է 1346 թվականին Վայոց Ձորի մեջ,
Հայրը՝ Սարգիս, արճիշեցի, իսկ մայրը փար-

պեցի էր, որոնք ասպատակութենն փախելով
եկած հաստատված էին Վայոց Ձորի մեջ,
ուր ծնավ Խուժուշահ։ Յոթնամյա ուսում
ստանալն վերջ տասնհինգ տարեկան էր, երբ
Տփղիսի մեջ հանդիպեցավ Որոտնեցիին,
որուն աշակերտեցավ քսանութը երկար տա-
րիներ։ Ամեն տեղ հետևեցավ իր ուսուցչին,
միշտ անոր ներքոյը հյուանելով։

Հովհաննես Որոտնեցի իր աշակերտին՝
Գրիգոր Տաթևացիի հետ անօրեն կեղեքիչ-
ներու ձեռքեն փախստական, կուգա Դարա-
նադի Սեպուհ լեռան Ս. Գրիգոր Լուսավորչի
հանգստարանը, խոր ծործորի մը մեջ,
ուր շինված էր նաև ձեռակերտ փայտյա փոք-
րիկ մատուռ մը և հոն ապահով զգալով,
մնացին որոշ շրջան մը։ Գրիգոր Դարանադ-
ցի կգրե. «Եւ զԳրիգոր Տաթևացին՝ զԼուսաւո-
րիչն Աստուածաշունչ Գրոց և զԼուծիչն ար-
տաքնոց, որ մինչև յայնմ ժամանակին դեռ
աւագ սարկաւագ եղեր և անդ ի դամբարա-
նի Սրբոյն Գրիգորի ձեռնադրելով քահանայ
և առնելով գաւազան իշխանական վարդա-
պետութեան ի միում աւուր»¹։

* Հաճույքով հրատարակում ենք կրիկյան օրինա-
պահ միաբանութեան երիտասարդ և խոստումնային
հոգեւորականներից Տ. Գեորգ վարդապետ Կարախանյանի
«Ցաթևացի դպրոցի դերը հայ մշակույթի պտղաբերուն
մեջ և Գրիգոր Տաթևացին» վարդապետական ավարտա-
նադիր մի գլուխը.— ԽԻՐ,։

1 Գրիգոր վարդապետ Կաթախեցի կամ Դարանադցի,
երուսաղեմ, 1915, էջ 399. (Հստ ուսանց Գրիգոր Տա-
թևացի քահանա կձեռնադրվի երուսաղեմի մեջ
1373-ին, ինչ որ անհավանական կթվի ընթել)։

Իր կյանքին մեծ մասը անցուցած է Տաթևի մեջ, հեն աշակերտած է ու պաշտոնավարած, ուսկից ստացած է Տաթևացի հորդորչումբը, իր մասին ամբողջական կենսագրական մեղմագրություն շունքի Միայն վերջերս էստն հագուստի պրպտումներուն շնորհիվ, Երևանի լիկյանի պրպտումներուն շնորհիվ, 6607 ձեռագրի 5ա և 6ա էջերին հայտնաբերվեցավ Գրիգոր Տաթևացիի համառոտ կենսագրությունը, զոր կմեքերենք ամբողջությամբ:

«Ի սմին աուր» ի գեկտեմբերի Իժ (27), նշումն ի հանգիստ երիցս երանհալ քաղաքունապետին Գրիգորի, աշակերտի Յովհաննու Որոտնեցոյ:

Սքանչելի այրս Աստուծոյ էր ազգաւ Հայկազնի, աշխարհաւ կրկնակի՝ ի հայրենական տոհմէ քաջերունի և մայրենական ցեղն յկարարատ գաւառէ, ի գեղաւանէն Փարպոյ Մնեալ յաշխարհին վրաց, ի յամուրն թմոք, և սնեալ ի ձեռն հարազատ եղբորն՝ ի տան թագաւորին Դաւթի, Եւ էր մանուկ գեղեցկատիպ, և ուշիմ, և լի Հոգոյն պարգեօք: Եւ յորժամ կամեցաւ մեծ փիլիսոփայն հայոց Յովհաննես Որոտնեցիին գնալ յԵրուսաղէմ՝ լերկրպագութիւն սուրբ տեղեացն, և տես զմանուկն Գրիգոր յառաջադէմ յամենայն ուսմունս, էառ առ ինքն, և արար ըստ հոգոյ որդի, և սնոյց ի բարին, և ուսոյց զամենայն իմաստս աստուածային գրոց և արտաքին սոփեասոյց: Եւ տարեալ ի հանգիստ դամբարանի Սուրբ Լուսաւորչին, ի Սեպուհ լեռն և ետ ձեռնադրել սարկաւագ, և յանուն Լուսաւորչին կոչեցաւ Գրիգոր (նրա մկրտութեան անունը եղել է Խոթիւրշահ — Լ. Խ.), և անուամբ և իրօք ելլից զտեղի նորա՝ լուսաւորելով իմաստութեան լուսովն զազգս Հայոց: Եւ տարեալ յԵրուսաղէմ արար քահանայ, և զարձեալ բերեալ առ գերեզմանն Սուրբ Լուսաւորչին՝ արար վարդապետ՝ ազ համեմիլ և լոյս լուսաւորիլ տանն Աստուծոյ, և բերեալ յաշխարհն Սիւնեաց, և զկնի մահուանն իւր ետ հրամանս նստել յաթոռ մեծ համալսարանին Սոսանայ և րարունապետ Հայոց Մեծաց:

Եւ մեծարեցաւ և պատուեցաւ ի մեծ աշխարհակարէն Թամուրէն, և յորդոյ նորին Միրանշայէն. և պատուեցաւ ազգս Հայոց յայլասեփոցն վասն ախորժ և իմաստայեղծ բանից վեհին Գրիգորի: Այլ և արար դիրս յոգնիմաստք ընդդէմ ամենայն ազգաց, ճշմարիտ ցուցանելով զհայք, և արար բանս խրատականս, և իմաստ, և հանճարս, և իմաստնացոյց զազգս Հայոց քան դամհնայն ազգս, և ուղղեաց զկարգս և զսահմանս Եկեղեցոյ: Եւ էր անդադար յընթերցումն և ի գրել աստուածային իմաստից, և անձանձիր ի յազօթս և անպարապ ի ծնրադրութիւնս,

աղքատաւէր և օտարաւէր. առատ ի տուրս աղքատաց, խարազնազգեստ մարմնով և խոնարհ հոգւով և ծննդական մտօքն. հասակաւ երկայն, դիմօք պայծառ, տեսակ արժանի գոռոզութեանն, հերօք խարտեալ, մուրօք առատ, միշտ պահեցող, յոյժ արտասուելի, պատուող տօնից, սիրող սրբոցն և բանից [և ոցա], Հանգեաւ երանելի մահուամբ ի վանքն Տաթևոյ ի դեկտեմբերի Իժ (27), և թաղեցաւ ի տօնի մեծ առաքելոցն Պետրոսի և Պողոսի, և եղև դասակից և պատուակից նորին, ի թուին ՊՄԸ (1409). ի փառս Քրիստոսի Աստուծոյ մերոյ, օրհնելոյն յաւիտեանս, ամէն. որոյ յիշատակն օրհնութեամբ եղիցի, ամէնս:

Գրիգոր Տաթևացիի կյանքի ու գործունեության առանձին գրվածքներու ուսումնասիրության, ինչպես նաև մահվան թվականի ու ամսաթվի համար շատ մեծ արժեք կներկայացնեն վերոհիշյալ համառոտ կենսագրականը: Աղկի ի հայտ կուգա, որ իր ավագանի անունը եղած է Խոթիւրշահ: Եվ թե Հովհաննես Որոտնեցին մասնավոր աշխատանք տարած է իրեն համար՝ աստվածային գիրքերու և օտար իմաստասերներու գրվածքներու իմաստները պարզաբանելով: Իր հետ տարած է Երուսաղեմ ու անկե գացած են Դարանաղ և սարկավագ ձեռնադրված է Սեպուհ լեռան Ս. Լուսավորչի դամբարանին մեջ, ապա քահանա, և հանուն Լուսավորչի վերակոչված է Գրիգոր:

Խոթիւրշահ, քանի մը վաղամեռիկ զավակներն ետք, ուխտի զավակ եղած է:

Ասկե առաջ հիշեցինք, որ 15 տարեկանին, այսինքն 1361-ին, կհանգիպի Հովհան Որոտնեցիին, Տփղիսի մեջ, ու անոր կաշակերտի:

1373-ին իր մեծահույակ ուսուցչին հետ կերթա Երուսաղեմ:

Վարդապետական գավազանի իշխանությունը կստանա Երզնկայի մեջ, իսկ ծայրագունությունը՝ 1387-ին Ապրակունիսի մեջ, իր ուսուցչեն, Հովհան Որոտնեցի իր վախճանումեն առաջ, 1388-ին, Եկեղեցաց զմեծ վարդապետն (Գրիգոր) և զընկերակիցսն նորա, օրհնեաց զնոսա... և եղ զԳրիգոր ամենեցուն զլուս և ուսուցիչս:

Իր հոգևոր եղբայրներն ալ ցանկացած են, որ ինք ըլլա Որոտնեցիի հաջորդը՝ թեւ յաջորդեաց յաթոռ սորա (Յովհաննու) քրիստո-

2 Լ. Ս. Խաչիկյան, «Ժն դարի հայերեն ձեռագրերի հիշատակարաններ», մասն Ա, Երևան, 1955, էջ 103—104:

3 Թովմա Մեծոփեցի, «Պատմութիւն», էջ 33:

սածառայ աղբիւրն և անմուտ արեգակն՝ երկրորդ լուսատւիչն Գրիգորիոս վարդապետն Տաթևացի հաւանութեամբ և կամօք մեծ վարդապետին Սարգսի... և համշիրակ և եղբարց իւրոց՝ Յակոբայ Սահմոսականիցն Արարատեան գաւառին և Գէորգայ Նըղկացւոյ, և ամենայն աշակերտաց գնդին» և ուրիշներու։

Տաթևացի Ապրակովայաց վանքի մեջ մեծ հռչակ հանեց և դարձավ «վարդապետն ամենայն հայոց, երկրորդ լուսատւիչն և աստուածաբանն», «գեր ի վերոյ գոյով ամենայն իմաստասիրաց և վարդապետաց հնոց և նորոց»¹։

Սակայն Տաթևացի երկար չի մնար Ապրակովիսի մեջ, սովոր և նյութականի պակասը կստիպեն զինք ևս, որ իր աշակերտներով հեռանա Աստապատեն Տաթև 1390 թվականին, որ շարունակեց իր ուսուցչական գործունեութիւնը՝ մինչև 1408 թվականը։

Գրիգոր Տաթևացին հմուտ էր լատիններեն լեզվին և լատին աստվածաբաններու սեկոյաստիկ ոճին»։ Ս. Գրոց և աստվածաբանական գիտութեանց կողքին հմուտ էր նաև հունաց արտաքին փիլիսոփայական գրքերոցներուն և աշխարհիկ գիտութիւններուն։ Ան իր դարաշրջանի նշանավոր գիտնականներեն մեկն է, ըլլալով ճշմարիտ հոգևորական և աստվածաբան, իր աշակերտները դիմել հետևելով մակդիրներով կոչած են Ե... մեծ և անուանի քաջ հոգևորն, բարունապետաց վարդապետն... որ եղև երկրորդ լուսատւիչ ազգիս Հայոց, և իբրև դարեգակն ի միջօրէի պայծառացեալ լուսատւեաց զՍկեղեցիս Հայաստանեայց»²։

1390-էն վերջ, երբ Տաթևացին Ապրակովայաց վանքը թողլով, Տաթև հաստատվեցավ, հայրենի զավաններեն բազմաթիւ աշակերտներ խմբվեցան հոն, իրեն աշակերտեցան նաև Որոտնեցիի վերջին աշակերտները, որոնք են Մխիթար Տաթևացի, Հովհաննէս Հերմոնեցի, Գալուստ Վաղանդեցի, Սիմեոն Սյունեցի, Հակոբ Բոստացի, Գրիգոր Այրարատեցի, Գրիգոր Զուլայեցի, Ավետիս Աստապատեցի, Նղիս Ոսոփեցի, Հովհաննէս Վաղանդեցի, Յովհան Շամախեցի, Յովհաննէս Կապանցի մականվանյալ Կարմիր, Մատթեոս Ուխտեցի, Մկրտիչ Գայտակարանցի և Ստեփանոս Թաւրիզեցի³։

Տաթևի դպրոցը իր օրով ծաղկման գաթնակետին հասավ և շրջան մը գիտու-

թյան ծարավ և հոգևոր կյանքի զոհացում ու հաճույք առթող վայրը Տաթևի վանքը եղավ, Հովհան Որոտնեցիի և Գրիգոր Տաթևացիի վարդապետարանը։ Այն կողմն զունդ-գունդ ուսումնածարավ աշակերտներ կփութային Տաթև, կուսավորվէին հոգով և մտքով, լույսով մեծ վարդապետին քաղցրական վարդապետութեան, զոր առաքելական ըղիւնքը զշնորհս՝ Հոգոյն Աստուծոյ, և նա թեքեալ շարժէր զլեզու նորա առ ի վարդապետել զրանն ճշմարտութեան։ Ժամանակակիցներն մեկը հետևյալ պատկերով կնկարագրեն անոնց գնացքը. «Հայոց տնեւից սկիզբ առած վտակները (աշակերտները), վերածվում էին հորդ գետերի ու հոսում պեպի Տաթև»⁴։

Հոս է որ մեծ մանկավարժը կերտեց իր նախանձելի համբավը պատկառազու հեղինակութեամբ։ Ունեցավ 80-ի մօտ աշակերտներ, վարդապետ, քահանա, կրօնավոր և սարկավագ, եկած Սյունիքի զանազան կողմերեն, ինչպես նաև Նիկիայաց, Արարատյան, Զուլայի, Աստապատի, Շամախի, Կապանի, Գանձասարի, Փայտակարանի, Թավրիզի և Արճեշի կողմերեն, որոնց մեծ եռանդով կուսուցանէր շուրջ 20 երկար տարիներ, 1390—1409 թվականներուն։ Այս աշխատանքը կրնէր այնպիսի ատեն մը, երբ ռոյ գոյր անդորրութիւն և ոչ հանգիստ խաղաղութեան։ Հաճախ Տաթևացի, աշակերտներու զուխը անցած, զաղթած է ապահով վայրեր. Բոռնաւորն Յուսուփ, տէրն Թաւրիզու, էառ զՈրոտն ի Սմբատայ իշխանէ, վասն բարեխօսութեան նոցա եկն, և նա ոչ լուաւ աղաչանաց վարդապետի։ Կարա-Կոտնի Յուսուփն է, որ լենկթիմուրի մահնէ ետք վերականգնած էր իր տիրութիւնը 1405—1420, Տաթևացի, ստիպված, հալածական կփախլի Արճեշ։

Այժմ տեսնենք Տաթևի դպրոցի մեջ ավանդված կրթական ծրագիրն ու ուսման մեթոդները։

Կրթական ծրագիրը և ուսման մեթոդները.— Անվարան Օրբելյանի նման պիտի կրկնենք նույն գրվատական խոսքերը Տաթևացիի օրով ևս. «Են էր այնուհետև տեսանելի դրոշմն զայն իբր մայրաքաղաք բաղմաժողով, քանզի և շինպիկ կայր բազմութիւն իրզոց և ամբոխութիւն իբրև հազար արանց, որոց մշտաջան աղօթքն բարձրացեալ էր առաջի Աստուծոյ, և կայր կանգուն յերկրէ յերկինս իբրև սիւն հրեղէն»⁵։

¹ Թովմա Մեծօփեցի, «Պատմութիւն», էջ 50։

² Նոռայր Եպիսկոպոս Պաղտյան, «Յուշակ Ժողովրդաց», Գ հատ., Նրուսաղեմ, 1956, էջ 112—113։

³ Թովմա Մեծօփեցի, «Պատմութիւն», էջ 50։

⁴ Հայկական ՍՍՌ Պետական մատենադարան, Ժողովրդ. Ֆ 3276, էջ 27ա և 186բ։

⁵ Ստեփանոս Օրբելյան, «Պատմութիւն Տաթև Սիսական», հատ. Բ, էջ 56։

Տաթևի դպրեմանը եղավ այն մեծ հաստատությունը, որ լուսատրեանց զազգս մեր հշմարիտ և ուղղափառ դասնութեամբ և հաւատով⁹, Գրեոր շարունակ պահեց, պահպանեց և զարգացուց հայ մշակութիւնը, Հայ մշակութիւն և արվեստի կրթութեան կազմակերպման գործի մեջ շատ մեծ դեր ունեցավ Որոտնեցիի և Տաթևացիի անզուգական դպրոցը:

Գրիգոր Տաթևացիի օրով առավել ևս պայծառացավ Տաթևի դպրոցը: Ան հմուտ էր հին եկեղեցական և հայկական գրականություններուն, ուսումնասիրած էր հունական փիլիսոփաներու գործերը, ինչ որ Արևմտա-մեջ ընդունված գրականության, Գիտեր նաև լատիններեն լեզուն: Դպրոցին մեջ կսորվեցներ հայոց գրականությունը, Հին և Նոր Կտակարաններու մեկնությունը, սուրբ Հայրերու գրվածքները, աղբիւրս արտաքին իմաստասիրացն, չլուծմունք արտաքին գրոց, որ Պղատոնի, Արիստոտելի, Փիլոնի և Պորփյուրի գրվածքներն ու անոնց բացատրություններն են: Այս նյութերն զատ կվարժեցներ նաև հրաժշտություն, ճառասացություն և գրչության արվեստները:

Երևանի Մատենադարանի ձեռագիրներն թիվ 7823-են քաղված հետևյալ հատվածն կհայտնվի, որ Տաթևի համալսարանը ուներ երեք ուսումնարաններ, զի միումն ուսուցանէր զնախկին երգիչ վարդապետաց զերաժշտութիւն՝ քաղցրալուր ձայնի եղանակաւ, մինչև անգամ յամենայն երկրէ և ի քաղաքաց եկեալ պարապէին առ ոտս նորա: Եւ ի միումն՝ նկարագրութիւն պատկերահանութեան և զանազան նկարչութիւնս: Եւ ի միումն՝ զներքին և զարտաքին գրեանս ի մասնատրի՝ զՀին և զՆոր Կտակարանս, ներքին և արտաքին մեկնութեամբ և թարգմանութեամբ¹⁰:

Ահա թե ի՞նչ կգրե այդ մասին Ա. Խ. Մովսիսյան. «Երեք ուսումնարանները Տաթևի համալսարանի երեք ֆակուլտետներն են, ինչպես մենք տեղեկանում ենք վերոհիշյալ հիշատակարաններից, այդ ուսումնարաններում դասավանդվող առարկաները Մյունխեն դպրոցին ծանոթ, այդ դպրոցի սիրված ու փայտաված գիտություններն են եղել: Ինչպես տեսանք, առաջին ուսումնարանում ուսուցանում էին նախկին երգիչների երաժշտությունը, ուրեմն և՛ տեսություն,

և՛ երգեցողություն, այս արվեստը այնքան էր մշակված Տաթևի բարձր դպրոցում, որ երկրի բոլոր կողմերից՝ գյուղերից ու քաղաքներից գալիս էին այնտեղ երաժշտական կրթություն ստանալու: Անշուշտ, այստեղ մեծ տեղ էր տրվում եկեղեցական երաժշտությունը:

Երկրորդ ուսումնարանում ուսուցանում էին «զանազան նկարչութիւնս», դիմանկարչություն, տեսարանների (պեյզաժ) նկարահանություն, մանրանկարչություն, ծաղկանկարչություն, գրքերի գեղարվեստական ձևավորումը, ծաղկազարդումը, նաև գրչության արվեստը՝ գեղագրությունը, որ այս դպրոցի ամենասիրելի առարկաներից մեկն էր:

Երրորդ ուսումնարանում ուսումնասիրում էին զլիափորապես հումանիտար, հասարակական գիտությունները, ինչ որ այդ ժամանակ կոչվում էր արտաքին գիտություն, որի մեջ մտնում էին փիլիսոփայությունը, ճարտասանությունը, քերականությունը, պոետիկան, տրամաբանությունը, դաստիարակությունը կամ մանկավարժությունը: Այստեղ էին ուսուցանվում նաև ներքին գիտություններ՝ մայրենի լեզուն, գրականությունը, պատմությունը, տնտեսությունը և այլն: Ինչպես տեսանք, այս ուսումնարանում ուսուցանվում էին Հին և Նոր Կտակարանները, կրոնական գրքերը, ապա անտիկ աշխարհի մի շարք փիլիսոփաների աշխատությունները, հատկապես Արիստոտելի, Փիլոնի, Պորփյուրի և այլն, սրանց աշխատությունների մեկնություններն ու թարգմանությունները: Այս ուսումնարանում ուսումնասիրվում էին քնական մի շարք գիտություններ, հատկապես մարդակազմություն, տարրաբանություն (քիմիա) աշխարհագրություն, աստղաբաշխություն, ապա տոմարագիտություն և թվաբանություն¹¹:

Տաթևի դպրոցի դասընթացներու կից ամենաանհրաժեշտ առարկաներն են եկել ալ գրչության արվեստի ուսուցումն էր: Հիշատակարաններն քաղված բազմաթիվ հիշատակություններ կան, որոնք կփաստեն, թե Գրիգոր Տաթևացին, գրչության արվեստին նկատմամբ, հմուտ գիտնական մըն է: Գեղեցկագիր մեկը եղած է, մանավանդ հոգ տարած է գեղեցիկ և ուղիղ գրելու, անսխալ և ճիշտ գծագրելու, գիրերը համաչափ պահելու, ճարտարորեն սղա գրելու, կրթնատելու և տողադարձելու մեջ: Բազմաթիվ գրիչներ հիացմունքով ու պարծանքով կխո-

9 Թովմա Մեծոփեցի, «Պատմութիւն», էջ 33.

10 Ա. Խ. Մովսիսյան, «Ուրվագծեր հայ դպրոցի և մանկավարժության պատմության», Երևան, 1958 թ., էջ 132.

11 Ա. Խ. Մովսիսյան, «Ինչպե՞ս աշխատությունը», էջ 132—133.

սին իր մասին և իրենց զիրենց թանարժան» և «համարվա կնկատեն» Անոնցմե մեկը այսպես կգրե. «Գեղեցկայարմար դրուատով ունէր յինքեան զամենայն արուեստ զըրութեան, քանզի դարդարեալ էր յա ի մեծ վարձապետէն Գրիգորէ...»¹²,

Գրիգոր Տաթևացին իր ուսուցչին՝ Հովհան Որոտնեցիի նման մասնավոր խնամք կտաներ Միշին դարու հայ բարձրագույն դպրոցներու մեջ ամենաշատ սիրված այս ճյուղին վրա, ինք իր կրթական գործունեության շրջանին հասցուցած էր հարյուրավոր գրիչներ, գրագիրներ և գրչության արվեստի մեջ անմրցելի վարպետներ:

Գրչության արվեստի մեջ նշանավոր կդառնա Գրիգոր Խլաթեցի Մերենցը (1350—1425), որ «Տիւ և գիշեր գիրս գրէր, և զամենայն աղփատս կերակրէր և զամենայն վարդապետս և կարգաւորս ի նոյն յորդորէր... և յիսուն ամ գիրս գրեաց տիւ և գիշեր անհանգիստ տքնութեամբ»¹³:

Գրիգոր Խլաթեցի է նաև գրող. «Բագում երգս զանձուց և տաղից յիշատակ թողեալ ինքեան»։ Գրած է բազմաթիվ թուղթեր՝ ուղղված զանազան մարդոց։ Անոնցմե կամ թիշատակարան աղէտից, որ ոտանավորով հորինված պատմություն մըն է. Հայաստանի 1386—1422 տարիներուն սլատահած թշվառություններուն նկարագրականը, որոնց ինք ակնատես եղած է։ «Ջերից ժամանակաց պատմութիւնս ի լոյս ածէր ի հարցանելն և ի պատասխանատուութիւնս, և զգիրտ սրտոց մարտիրոսաց և զվկայիցն, որ կոչի Յայսմաւուրց՝ սակաւարան և անվթար շարագրեալ ի սրտոց հնոց և նորոց վարդապետացն՝ ի լոյս էած»։ Իր կազմած «Յայսմաւուրց»-ի մեջ ան ավելցուցած է փրեն ժամանակակից նահապետներու պատմությունը։ Ինքն ալ 1425-ին շարաւրվելով նահապետված է Բզնունյաց դավառի ծիպնա վանքին մեջ, քուրդ ցեղապետի մը ձեռքով։

Գրչության արվեստի կողքին զարգացավ մանրանկարչությունն ալ, ժ. Դ դարու առաջին կեսի նշանավոր մանրանկարիչներն են Թորոս Տարոնեցին (Մշեցի) և Ավագը։ Երկուքն ալ Գլաձորի սաներ են։ Իսկ նույն շրջանին կիլիկիո նշանավոր նկարիչներն էին Թորոս Ռոսլին և Սարգիս Պիծակ։

Գույնզգույն, թանկարժեք ներկերով անոնք կնկարեին ծաղկաձև, թռչնաձև, ձկնաձև և կենդանաձև դիստառներ։ Մթանշելի նկարներով կզարդարեին ամբողջ էջերն ու լուսանցքները։ Մանրանկարներու նյութը դիստ-

վորապես բուսական և կենդանական աշխարհն ու երկրաշափական զարդերը կհանդիսանային, ինչպես նաև սուրբի պատկերներն ու կրոնական տեսարանները։

Ժ. Դ դարու երկրորդ կեսին և Ժ. Ե դարուն զգալիորեն կնվազի գրչության արվեստը, իր լուսնոտակությամբ արժատական փոփոխություններ կկրեն, կրոնական հոգևոր շարժառիթները (motif) իրենց տեղը աստիճանաբար կզիջին աշխարհիկ կյանքի շարժառիթներուն։ Նկարներու մեջ ավելի հաճախ տեղ կգրավեն աշխարհականներու, իշխաններու, ռամիկներու, նկարիչներու, բժիշկներու, արհեստավորներու, վարդապետներու, ձկնորսներու, հովիվներու և այլ աշխատանքային տեսարաններ ցուցանող պատկերներ։

Տաթևացիի ձեռնարկներու արդյունավորության մեջ երկու գլխավոր կետեր նկատողության արժանի են։ Առաջինը՝ իր ուսումնական ծրագիրը, որ հետևյալն էր. ա) ներքին ուսմունք. բ) արտաքին ուսմունք. գ) քաղաքի և բնաբնակչության վարժություն. դ) ընտիր գրչագրության և առատ ընդօրինակության զարկ տալ. ե) կուսակրոն և ամուսնացյալ եկեղեցականներուն տալ՝ հավասարապես եկեղեցվո պաշտոնեությունն պահանջված ուսումը։ Իսկ երկրորդը՝ պայքարի մարդը, ավանդապահ հայոց գիտության, հարատևող և նվիրյալ եկեղեցական, իր քննողին Առաքել Սյունեցի կգրեն. «Գրիգորիս» վաճառական անգին մարգարտին, որ զամենայն անցաւոր և զսնոտի՝ դիւրագին վաճառեաց և առ ոչինչ համարեցաւ, և միայն զմարգարտն Քրիստոս առ ինքն ընկուլաւ։

Տաթևացին վանական է, գործիչ, նկարիչ, ընդհանուր, փիլիսոփա, վերլուծող, բանասեր, հեղինակ և լեզվագետ։

Տաթևացիի հետ դպրոցի վերելքի համար աշխատեցան Հովհաննես, Գրիգոր, Առաքել, Սարգիս, Բարսեղ, Կերիոն, Մերուն, Կիրակոս, Հովսեփ, Հակոբ, Վարդան, Գևորգ, Մատթեոս և այլ հեղինակավոր դեմքեր, որոնք նախկին սաներն էին Տաթևի բարձր դպրոցին, որոնք հետագային դարձան պաշտոնակիցները մեծ վարդապետին։

Անոնք հասցուցին գիտակից և ուսյալ վարդապետներու փաղանգ մը, որոնք հացին տարածելու Ավետարանի լույսն ու նախնյաց ոգին հայ ժողովուրդի մեջ։

Բաւեկարգիչ հոգեւորականը. — Տաթևացին ոչ միայն գրչով ու քաղաքություններով մեծ ծառայություններ մատուցած է Հայաստանյայց եկեղեցվուն, անոր դավանությունն ու ավանդությունները պաշտպանելով, այլ նաև բարեկարգություններ հիրմութեամբ է վար-

12 Չ. Աճառյան, «Հայոց անձնանունների բանարան», հատ. Ա, էջ 802:

13 Թովմա Մեծեփեցի. «Պատմութիւն», էջ 35:

դապետական մասնավոր իշխանության և ծայրագույն վարդապետության կանոնը Գրիգոր Տաթևացիին կպարտի Հայաստան-յայց նկեղեցիին, Ահա թե ինչ դիտակցություն ունեցած է ան Հայ նկեղեցվոր բնմի մասին, Սյունյաց դպրոցին մեջ արդեն շատ դժվար էր բնմ դրավել, երկար աշխատություն և փորձեր պետք էին քարոզելու իրավունք ձեռք բերելու համար: Տաթևացի Սյունյաց դպրոցի այս ավանդությունները կարգի կանոնի վերածեց և ավանդեց մեր նկեղեցիին, իր այս արժանիքը բավ է Գրիգոր Տաթևացիին տալու համար մեծ վարդապետներու շարքին մեջ կարևոր տեղ մը:

Սովորություն է վարդապետական վկայարաններու մեջ հիշել իրարմե գավազան ստացողներու շարքը: Վերջին դարերու վրայաբաններ միշտ նախ Գրիգոր Տաթևացիի անունը կգրեին, և անոր աշակերտներեն զանազան շյուղեր կկազմվեին: «Նախ՛ Գրիգոր Տաթևացին, նորին աշակերտ Գանիէլ, նորին՝ Յովհաննէս Համշէնցին, նորին՝ Ներսէս, որ Մատաղ ասի, նորին՝ Ներսէս Բաղիշեցին, նորին՝ Ներսէս Ամկեցին, նորին՝ Բրգուտ Յովհաննէս Ոստանցին, նորին՝ Բարսեղ Գաւոցին... սորին աշակերտ Մոկացի Ներսէս ի գեղջէն Ասկնջաւայ, զորոյ մակ անուն Բեղլու ասեն, զի մեծ էր բեղն, Սորին աշակերտ Մելիքսէթ Սրեանցի, ի գեղջէն՝ որոմ անուն էր Վժան»¹⁴:

Անոնց հաջորդող բոլոր վարդապետները Գրիգոր Տաթևացիի հարազատ ու բարոյական սերունդը կնկատվին:

Տաթևացիին իր բազմազգաղ վիճակին մեջ առիթ ունեցավ վարչական դրժներու ալ միջամտելու: Աղթամարի կաթողիկոսական վեճերու մեջ, ժն դարուն ճիշտ սկիզբները, Տաթևացի իր աշակերտներով, որոնց թիվը 90-ի հասած էր, երբ Մեծոփ կգտնվեին, դիմում եղավ իրեն, որ առաջը առնեն պատահուրներուն և վերջ մը տա երկպառակությունը: Տաթևացի Մեծոփա վանքի առաջնորդ Հովհաննէս վարդապետի հետ ժողով գումարեց և Աղթամարի կաթողիկոսության դերը վերջացած նկատեց: Թեմականներու փափաղն ալ այս էր: Հակոբ կաթողիկոսին տնդեկադրվեցավ այս վարդապետությունը, որ իր հավանությունը տվավ ու կոնդակով մը վաճկարացուց, բայց այս բոլոր ջանքերը ի դերն ելան:

Մեծ ուսուցիչը.— Գրիգոր Տաթևացի գրեթե իր ամբողջ կյանքը ուսանելով և ուսու-

ցանելով անցուց: Քարոզելու և վարդապետելու իշխանությունը Որոտնեցիին առնելով, անոր մահեն հետք, 1386-ին, առաջնորդ կարգվեցավ Տաթևի վանքին: Նախքան պաշտոնը ստանձնելը, երկու տարի (1388—1390), Ասրակունիսի վարժարանին մեջ պաշտոնավարեց, ապա անցավ Տաթև (1340—1408), ուր երկար տարիներ մնաց առաջնորդության պաշտոնին մեջ, ունեցավ բազմաթիվ աշակերտներ, որոնց մեջ կհիշվին տասնհինգե ավելի անվանի վարդապետներ: Ասոնց մեջ նշանավոր է Մխիթար Տաթևացի, որ հիշատակարաններու մեջ մեծ բարունալետ կոչումով կհիշվի հաճախ (1406—1426): Տասներկու ուրիշ աշակերտներ ալ Մեծոփեն կուգան, որոնց մեջ Թովմա՝ Լենկթիմուրի արշավանքներուն անվանի պատմիչը և վաթսուն այլ քահանաներ:

1406-ին, երբ վասպուրականցիները Տաթև կուգան ու կլսեն Տաթևացիին, կհիանան անոր առատահոս և պերճախոս դասախոսությունաց վրա: Մեծոփեցիին կգրեն. «Ես պղծեցույց զամենեսին առաւել քան զիմաստունս հելլենացուց»¹⁵:

1407-ին հիշված է որպես տեղապա՝ «Աթոռոյս Սիւնեաց»:

1408-ին հսկեր յաթոռ վարդապետական և աթոռակալութեան Սիւնեաց վիճակիս, Բունակալ Յուսուֆի ժամանակ, երբ վերջինս մեծ սուրբի բարեխոսությունը նկատի լուծենար, «ի հալածմանէ անորինաց», առնելով իր աշակերտները մոտ ութսուն հոգի, պահ մը կխորհի Երուսաղեմ երթալ, առանձնանալով այս աշխարհեն և հոն շղատ ասել», բայց չկարենալով իրագործել իր ծրագիրը, կտեղափոխվի Արճեշ՝ Մեծոփա վանքը, 1409-ին, ուր Հովհաննէս Մեծոփեցիին փութացաւ Տաթևացիի ընդունելության, «և զնացեալ դէմ ընդ առաջ հողերու ծնողին իւրոյ, և բերեալ յանապատն իւր հանգույց զնա»: Այդ տարին Տիրուհի Սուրբ Կուսին Տաճարի շինությունը ավարտելով, նավակատիքի հանդիսությունը իր ալ մասնակցությունը կրեր, իր Քարոզագրքին մեջ Հայաստանը նվաճողներուն կնամանցն փուշերով ամրացուցած ցանկապատի մը, որ կպատասպարեն ու կպաշտպանեն ալգին, այսինքն՝ Քրիստոնեական նկեղեցիին: Կքարոզե հնազանդի տիրողներուն, որովհետեւ ժայժմ քրիստոնեայք ի ներքոյ բռնաւոր իշխանաց խաղաղութեամբ ունին զիւրեանց եկեղեցականութիւնն»¹⁶:

Տարի մը Մեծոփա վանքի մեջ իր աշակերտներուն կուսուցանեն «Ըհամբերութիւն»

15 Թովմա Մեծոփեցի, «Պատմութիւն», էջ 51:

16 Գրիգոր Տաթևացի, «Գիրք քարոզութեան որ կոչի Ամարան հատոր», Կոստանդնուպոլիս, 1741, էջ 462:

14 Առաքել Դատիժեցի, «Պատմութիւն», Վաղարշապատ, 1896, էջ 391:

քաջ նահատակին Յովայ, և զգիրս գրչութեան Արիստակիսի և Մեծին Դէորդայ, և զՍուրբ Աւետարանն Յովհաննուս:

Հուլակալոր վարդապետի դասախոսութիւնները այնքան անվանի էին, որ Գրիգոր Խլաթեցի ընայելով իր անցած տարիքին, մոտ վաթսուամյա հասակին, Արծկեի վանքն զալով մինչև Մեծոփ, ունկնդիր կըլլար գիտնական վարդապետի դասախոսութիւններուն:

Մեծոփեցիին շատ հետաքրքրական տեղեկութիւն մը կուտայ, թէ իր աշակերտները (Տաթևի), զգալաւորօր կառնեն զինքն Մեծոփա վանքին ու կփախցնեն Արարատայան գավառ, թառ մեծ վարդապետն Յակոբ Սաղմոսավանից՝ հոգևոր հարազատ իւր: Եւ մեք մտնանք ի վարդապետը և աշակերտը զնացար առ նա, նույնիսկ վանահայրը՝ Հովհաննան՝ բայց չեն հաջողիր վերադարձնել: Խոսքը Մեծոփեցիին տանք:

«Եւ հասա մինչ ի յայն տիպի, որ ասէ՝ Յառաջագոյն քան զտօն Զատիկին: Եւ եկեալ սիրելի աշակերտք նորա՝ զողայցան զնա ի գիրչերի: Եւ մեք հիշեալ զնացար զկնի նորա՝ հանդերձ վարդապետաւք և եպիսկոպոսաւք և գրոց աշակերտաւք, և հասաք նմա յերկիրն Արարատեան, լայով, ողբով, արտասուօք, աղիողորմ կսկծանօք, և ոչ կարացաք դարձուցանել զնա: Եւ անդ նոյն մեզ հրաման վարդապետութեան»¹⁷:

Բազմի կենտրոնական գրադարանի հայկական բաժնի թիվ 1 ձեռագրի միջին մասը, որուն բովանդակութիւնը Գրիգոր Տաթևացիի Քարոզագիրքն է, քարոզներէն մեկուն վերջավորութեան գրելը՝ Մկրտիչ, հետևյալ անթիվական հիշատակութիւնը թողած է¹⁸. «Ի մեհակի ժն զմեծ բարունապետն (խոսքը, անշուշտ, Տաթևացիի մասին է), ի սուրբ ուխտէս Մեծոփու կու տանէին ի Տաթև, և մեծ տրտմութիւնք եհասա մեծի և փոքու, այլ ողորմութիւնն Աստուծոյ եհաս յօգնութիւն, Յոհանէս վարդապետն երեք զերիդաւազն և քրիստոնեայ տանուտեարքն մամնայն և արգելեց, և հոն ուրախութիւն մեծ վարդապետաց և աշակերտացս մամնեցուն: Յիշման արժանի առնէք զսուտանունս Մկրտիչ»¹⁹, Հայտնի չէ, թէ Տաթևացին ո՞րքան կմնա Սաղմոսավանքին մեջ, իր աշակերտներն ու քննորդին՝ Առաքել Սյունեցիին կուգան ու զինք կուանին Տաթև, որ երկար շապիր, ունիք 36 օր հետո հիվանդանալով կվախճանի, 1409 թեկտեմբեր 27-ին, անմխիթար սուգ ձգելով Հայ Ազգին վրա: Ըստ ոմանց հայտնած տեղեկու-

թյանց՝ ան վախճանած է Հայոց ՊՕԹ թվին, այսինքն 1410-ին: Հակասութիւն չկա, տարին հունվար 1-ն սկսելու պարագային 1409-ին կհանդիպի, իսկ ըստ հայկական տոմարի օգոստոսի 11-ն սկսելու պարագային՝ 1410-ին կզուգադիպի:

Մատթոս վարդապետ, Գրիգոր Տաթևացիի մահվան և Վերաստանի կոտորածի և գերեվարութեան ատեն, կարգացած է դամբանական մը, որ հետևյալ խորագիրը ունի. «Նորին Մատթէոսի վարդապետի ներքողեան ողբերգարար, ոգեալ ի թաղումն երջանիկ րարունապետին Գրիգորի: Ընդ նմին յիշատակեալ զողբս լալեաց կոտորածին, որ ի Վրացտուն՝ ի Փայտակարան քաղաքի, քանզի պատկեր աւուրց ի մի դիպեցաւ»²⁰:

Ստորև քաղվածաբար կմեջբերենք հատված մը այդ դամբանականն. «Եւ արդ, ուստի ներքողեցիք զքեզ ճառս ողբերգականս, — ավաղում է նա դիմելով իր հանգուցյալ ուսուցչին, — քանզի թէ ընթանամ ի հրապարակս իկեղեցւոյն՝ ոչ գտանեմ զքեզ. և ի ժողովս բարի արանց, որ հանապազ նստէիր՝ նոյնայն և անդ ոչ երևիս. իսկ թէ ի գահոյս թագաւորական շտապեցայց, որ հանապազ կանխէիր՝ և անդ ես խնդրեն զքեզ. իսկ թէ ի քնակութիւն ձեր ընթացայց՝ առ ընտանիս և յիրելիս՝ և նոքա թերևս ողբան զքեզ. իսկ թէ դմայր քո հարցանեմ՝ ի յողբալոյն ոչ կարէ պատասխանել ինձ. և թէ ի գրկեցութեանն քննեցիք զքեզ՝ և նոքա յողորմ հանեն. իսկ թէ յուսումնակիցսն քո ժպրհիմ՝ և նոքա ի սուգ են անհնարին վասն քոյին տեսութեան զրկելոյն... իսկ թէ զգասս գրոց աշակերտացն հարցանեմ՝ նոքա իբր զմով եզեալ են անտէրունջ շրջելով ի մացառուտ վայրս փշոց, որք աւելի ինչ ոչ գտանեն, բայց ի յայն զխոցուածս հոգոց: Վասն որոյ ի միտ ածեալ ոչ ուրէք երևիք աստ՝ յայսմ աշխարհիս, բայց միայն առ տինչալին ձեր Քրիստոս» (նշ 271բ—272ա):

Գովասան Մեսրոպ վարդապետ այսպիսի կշափարանք.

«Ջրան ոգեշահ իբրև արձան մեզ թողեր, կրկին տասամբ և քառ թըլով կազմեցեր, Ոսկի պսակ գլխոյ տոհմին մեր եղեր»:

Ուրեմն Հովհան Որոտնեցի վարդապետի մահն վերջ գրած է 24 զրքեր, Միայն ՎՄԵԿ-նութիւն կամ լուծմունք գրոց ինչ Արիստոտելիս-ն 1383-ին գրած էր:

Դիտնական վարդապետը, որքան հսկա իր իմացականութեամբ և բազմարդյուն իր գրական գործունեութեամբ, այնքան համեստ է իր նկարագրով, Որոտան կամ Գլաձոր գտնելով ձեռագրի մը մեջ ինքն հետևյալը կգրէ.

17 Լ. Ա. Խաչիկյան, հիշված աշխատութիւնը, էջ 101:

18 Հավանաբար 1409-ին գրված:

19 Լ. Ա. Խաչիկյան, հիշված աշխատութիւնը, էջ 93:

20 ԱՆԳ. էջ 119:

«Արդ, ես թմբրամածն Գրիգոր, վերջինս ի ձեռնդս նկեղեցւոյ, և տրուպս բանին ի սպասաւորաց, սիրով միայն զանումս ստացայ, շանին ի գործն ոչ մխեցայ, յերես անկեալ առաջիմ զպատահաւորսդ այսմ գծից յիշել բարի յիշմամբ զմեզ առաջի Քրիստոսի, զի որպէս և որչափ յիշէքդ, բաղմասպատի՛ւ և ձեզ յիշեսցի. ամէն»:

Ուրիշ մը սակայն իր մասին կգրե. «Առոտս երջանիկ և երիցս երանեալ ըստ զմերախտ հօրս մեր և երկրորդ արփիաւորի շայկազեան սեռի Գրիգոր քաջ հոգեւորի և աստուածաբան վարդապետի, զոր այս խառն և խաւար ժամանակիս իբրև դարեղակն ի միջօրէի արայծառացեալ լուսաւորէ զնկեղեցի, ոչ ունելով հանգիստ մտաց և ոչ մարմնոյ. քանզի հանէ զգիշերն ի քուն»²¹ յազօթս Աստուծոյ ի յարտասուս բազմահոս, և լնու զկարօտութիւն բազմութեան եղբարցս, որ առ ոտս սորա են ժողովեալ, այլ և զբոլորս ազգիս, միշտ գնալով ի մեջ ալլաղզեաց՝ մեծամեծաց և փոքունց, զի ոչ գոյ իշխան և առաջնորդ բաց ի սմանէ»:

Տաճարի երկու զոներեն մեկուն առջև թաղած են Գրիգոր Տաթևացին և ավելի ուշ այդ գերեզմանին վրա տաճարաձև, սպիտակ քարերով, շինած՝ դամբարանը և աստակը ծածկելոված է խոշոր սալաքարերով, իսկ ներսի մասին բոլոր որմերը նկարազարդելու համար ծեփոված է կրաշաղախով:

Առաքել Սյունեցի սրահի կամարներուն վրա արձանագրեր է. «Կաման Աստուծոյ ես Առաքել Սիւնեաց եպիսկ. կանգնեցի (զխաչս

ի փրկութիւն] հոգոյ) մեծ հոգեւորի և քառանկապետին Գրիգորի, թվ. ՊԾԹ» (1410), իսկ 1787-ին Տաթևի առաջնորդներեն Տեր Հովակիմ, «Ի Սղուկ դաւառէ, յԱնգեղակոթ գեղջէ», մեծ վարդապետի գերեզմանին վրա, իրեն վայել մաքուր տաշած քարով, դամբարան մի շինել կուտա. «Սա շորս վիմաքարս կանգնել ետ ի սուրբ աթոռս, զերկուսն ի մէջ տաճարին, առնթեր կրկուց սեանց, զմին ի վերայ դամբարանի եօթնալոյս վարդապետի Սրբոյն Գրիգորի Տաթևացւոյ, զարդարուն խաչիւք քանդակեալ ի քարանց, և հոսկապ յօրինուածով կոփածոյ քարամբք զեղեցկատես մատուռ իմն շինեալ, և զմիւսն ի մէջ ժամատանն»²², Վերջին երկրաշարժը սրահին հետ փլատակ դարձուցած է նաև մեծ վարդապետին դամբարանին վրա կառուցված սիրուն մատուռը:

Ու մինչև այսօր ուխտավորներ կերթան, կայցելեն եռամեծ վարդապետին մատուռ շիրիմը. մոմ կվառեն ու խունկ կծխեն, անոր սրբադան նշխարքը պարունակող ու մասունքը պարփակող նվիրական շիրիմին: Ուխտավորներ երկուդածորեն կծնրադրեն ու կհամբուրեն սուրբ քարը: Ու երբ ասոնք կձգեն ու կհեռանան դամբարանեն, եռամեծ վարդապետի հոգին, պլպլացող մոմին նշույլին ներքև ու անուշահոտ խունկին վերածխութեան մեջ, կհրճվի անասելի բերկրանքով մը:

²² Սեփական Օրբելեան, «Պատմութիւն տանն Սիւնեաց», Բ Հատ., էջ 285—286:

²¹ Ընդօրինակողը շփոթ գրած է՝ «ըզյին ի տունս»:

(Շարունակելի)



Կ. ՀԱՎՈՐԱՅԱՆ

ՆԵՐՍԵՍ ՇՆՈՐՀԱԼՈՒ ՇԱՐԱԿԱՆՆԵՐԸ

«ՆՈՐԱՍՏԵՂԾԵԱԼ», «ԱՐԱՐՁԱԿԱՆ», ՀԻՇԵՍՑՈՒՔ Ի ԳԻՇՆՐԻ»
ԵՎ «ԶԱՐԹԻՔ», ՓԱՌՔ ԻՄ»

Շնորհալու չափածոյի դարձերն են կազմում մի քանի երգեր, որոնք լնայած շարականների կանոնների մեջ չեն մտել, բայց ժամակարգութեան մեջ ընդունված են և երգվում են եկեղեցում, Դրանցից են «Այսօր անճառ»-ը, «Նորոգող տիեզերաց»-ը, «Աստուած անեղ»-ը, «Նայեաց սիրով»-ը, «Եի քէն հայցեմք»-ը, «Արարչական»-ն ու «Նորաստեղծեալ»-ը, «Ծիշեսցուք»-ը, «Զարթիք, փառք իմ»-ը և ուրիշներ:

«Արարչական»-ը և «Նորաստեղծեալ»-ը յոթնօրյա արարչութեան մասին պատմող երգերի ամբողջութիւնն են կազմում:

«Նորաստեղծեալ»-ը մի ինքնուրույն ուրախ, հաղթական երգ է, «Երբ առաջին ատուր միաշարաթին և խորհուրդ արարչութեանն և ի ցարութեանն Քրիստոսին վերնադրով:

«Նորաստեղծեալ»-ն երգվում է կիրակի օրերին, առավոտյան ժամերգութեան ժամանակ որպէս վերջաբան: Այս սքանչելի երգը Շնորհալին հորինել է զի խորհուրդ արարչութեան առաջին ատուր», ի պատիվ Քրիստոսի հարութեան: «Նորաստեղծեալ»-ը բաղկացած է 6 տներից, որոնց սկզբնատառերը հոգում են ներսէս: Իսկ շարաթիւ մնացած յոթ օրերի համար գրված է «Արարչական» էպիկական սքանչելի պոեմը: «Արարչական»-ն ու «Նորաստեղծեալ»-ը, իրենց վսեմ բովանդակութեամբ և բարձր արվեստով, մեկը մյուսին չի

զիջում: Այս երկու պոեմները կազմում են մի գեղեցիկ ներդաշնակութիւն՝ յոթնօրյա արարչութեան և շարաթիւ օրերի տոների խորհրդով ու գրա համար էլ երկուսը միասին կոչվում են Արարչական:

«Նորաստեղծեալ»-ի մեջ երգվում է առաջին օրվա՝ միաշարաթիւ-ի արարչագործութեան մասին, երբ ստեղծվել են երկինքը, երկիրը և լույսը: Այս երգի բովանդակութեան մեջ Շնորհալին դրել է նաև հարութեան խորհուրդը, որ միաշարաթիւ (կիրակի) առավոտյան լույս ծագեցավ աշխարհին. դա Քրիստոսն է, որը կոչվում է «Լույս ի լուսոյ», «Անճառն լի լոյս»: Չնայած տիեզերքի շորս ներհակ տարրերը՝ հողը, ջուրը, կրակը, օդը, ըստ իրենց բնութեան, հակառակ են նաև երկնային անմարմին գործերի հետ, բայց դրանք իրար հետ միաբանվում, կազմում են մի ներդաշնակութիւն, անպատում նրբորգութիւնը հավիտյանս հավիտենից փառաբանելու համար: Այսպէս էլ սկսվում է երգը:

«Նորաստեղծեալ բանն յանէից՝
Ի սկզբանէ գերկինս երկնից.
Եւ գերկնային զօրս անմարմնոց՝
Իմանալեացն դուարթնոց.
Եւ զգալի տարերց քառից
Հակառակաց միաբանից.
Որով յաւէտ փառաբանի
Նրբորգութիւնն անճառնի»:

Երգի հաշորդ մասի մեջ բանաստեղծը հրմ-տորեն կարողացել է միացնել աստվածաբա-նական միտքը շարաթվա առաջին օրվա արարչագործության հետ: Հայրը, Որդին և չոգին կազմում են՝

«Երեքսրեան մի տէրութիւն,
Միով բնութեամբ աստուածութիւն-
լոյսն որ անեղ արարչական
Ասաց լինել լոյսն եղական.
Զոր և ծագեաց յօրն առաջին
Միաշարաթ կիրակէին»:

Բանաստեղծության երրորդ տնում բացա-հայտվում է օրվա խորին խորհուրդը. իմա-նալի լույսը՝ Քրիստոսը, որը սովորական, մարմնական աչքերի համար անտեսանելի է, սակայն տեսանելի է մաքուր չոգիների հա-մար: Կիրակի օրն է ծագել մարդկության հա-մար արդեն տեսանելի ու իմանալի հարու-թյան լույսի ճառագայթը:

«Բարուօրէն բացատրեսցուք,
Զծածկեալ խորհուրդն ծանիցուք.
Զի լոյսն անտես իմանալի,
Մաքուր հոգւոց տեսանելի.
Ի սոյն ծագեաց միաշարաթ,
Մեզ յարութեան սուրբ ճառագայթ.
Նկայք փրկեալք ընդ զուարթնոյն,
Տուք օրհնութիւն յարուցելոյն»:

Հստ երգի՝ իմանալի Լույս-փրկիչը Քրիս-տոս միաժամանակ ամբողջությամբ սեր է: Նա սիրում է մարդկությանը և դրա համար էլ սիրով է խոնարհվում, և աշխարհի փրկու-թյան համար խաչ է բարձրանում, իջնում է մահվան գերեզմանը. բայց այսօր նա հա-րություն է առել և փառաբանվում է հրեշ-տակների կողմից:

«Սէրդ սիրով խոնարհեցար,
Ի փրկութիւն մեր մարմնացար.
Նովին մարմնովն խաչեցար,
Ի գերեզման մահու եղար.
Այսօր յարեար աստուածաբար,
Ի հրեշտակաց քարոզեցար»:

Շնորհալին ամեն տան վերջում կոչ է անում բոլոր նրանց, որոնք փրկվել են հարության շնորհիվ, թե՛

«Նկայք փրկեալք ընդ զուարթնոյն՝
Տուք օրհնութիւն յարուցելոյն»:

Այնուհետև երգի նախավերջին և վերջին տներում երգվում է Քրիստոսի հարության թափն: Բանաստեղծը կոչ է անում Սիոնի

որդիներին, որ քնից արթնանան, լուսեղեն Հարսին՝ Եկեղեցուն ավետիք տան, թե քո փեսան հարություն է առել, ահա գալիս է, որ քեզ փառքով պսակե, զարդարվիր, պճնը-վիր և ել փեսային ընդառաջ, արժանավայել նոր երգերով:

«Սիոնի որդիք զարթիք,
Հարսին լուսոյ տուք աւետիք.
Եթէ փեսայն քո յարուցեալ,
Եղթեաց մահու իշխանութեամբ.
Գայ պսակէ զքեզ փառք,
Ել ընդ առաջ պճնեալ զարդուք.
Երգես երգ նոր յարուցելոյն,
Ննջեցելոց կենաց պտղոյն»:

Այս հանրածանոթ ու շատ սիրված երգի մեջ աչքի են ընկնում զգացմունքների ու մտքի ներդաշնակությունը, մեղմ ու գեղեցիկ. պարզ ու սահուն ոճը, երգի երաժշտությունն ու հատկապես տաղաչափությունը: Այս եր-գի արվեստը բնորոշ է ընդհանրապես: Զկան այն միապաղաղ, տաղակալի կրկնություն-ներն ու միօրինակությունները, ինչպես որոշ կարգի շարականներում: Շնորհալին վարպե-տորեն կարողացել է համադրել արարչագոր-ծության, Քրիստոսի մարդկության ու դա-վանաբանական մտքերը և այն դրսևորել է գեղարվեստորեն պարզ, չեքմ թափով:

Շնորհաստեղծեալը-ը նշանավոր է նաև նրա-նով, որ նրա ամեն մի տունն ունի իր հա-տուկ հանգը:

Շնորհաստեղծեալը-ը ներսես Շնորհալու եր-գերի պսակն է, ամենաչեքմ երգը՝ ամենա-բարձր արվեստով գրված:

Շարաթվա մնացած 6 օրերին ընծայված է «Արարչական»-ը, որը ոչ պակաս արժեքա-վոր մի պոեմ է, բաղկացած 6 երգից, ամեն երգը՝ 6 տնից, ալբուրների կարգով գրված:

Պոեմի առաջին երգը նվիրված է երկու-շարթի օրվա արարչագործությանը: Այս օրը «արար Աստուած զբաժանումն ջուրց, կէս մի թողեալ ի վերայ հողոյ և կէս մի վերա-ցուցեալ ի վերկինս և զհաստատութիւն եդ ի միջի իրեն խորոց երկուց ջրոցս»:

Այդ օրն են բաժանվել հողեղենների և հրեղենների աշ-խարհները. դրա համար էլ հենց առաջին երգի առաջին տան մեջ երգվում է.

«...Զջուրս ի ջուրցն բաժանեաց,
Հաստատութեամբ պարունակեաց.
Որով զաշխարհս հողեղինաց
Անշրպետեաց ի հրեղինաց»:

Այս երգի հետագա հինգ տները նվիրված են երկուշարթի օրը արարչագործված «երկ-նային զօրացն և հրեշտակապետաց»:

«Գերագույն իշխանութիւնք
Եւ անփոփոխ միշտ տէրութիւնք.
Անյաղթելի սուրբ զօրութիւնք,
Ի յԱրարչին փառատրութիւնք»:

Երդի վերջում քանաստեղծը դիմում է բազմաշա քերականներին և երկնային անմարմին դասերին թե՛

«...Աղաչեցէք զՏէրն ողորմած՝
Անտես լառնել զղործս ձեռաց.
Ընդ նոսին, որդիք լուսոյ,
Տուք օրհնութիւն երբեակ լուսոյն»:

Երեքշաբթի օրվան ընծայված երգի մեջ գովերգվում են արարչագործութեան այն դեպքերը, որոնք տեղի են ունեցել այդ օրը՝ ըստ Հին Կտակարանի պատմութեան: Երեքշաբթի օրը շուրջ ցամաքում է երկրի վրա, բաժանվում են ցամաքն ու ծովը, աճում են տունկերն ու բույսերը:

«Տերորդ ատուր զշուրսն զատուց,
Զրոյսս և զտունկս բղխեցոյց»:

Երրորդ օրվա կամ Գ դարի հետ Շնորհալին կապում է առանձնապես ջրհեղեղը, ի դեպ՝ պետք է նշել, որ ներսես Շնորհալին սիրում է ստեղծագործութեան ամեն «մի օրը» կապել համապատասխան որևէ «շարք» դեպքի կամ տեղի ունեցած որևէ իրադրության հետ՝ վերջորած Հին կամ Նոր Կտակարանից:
Ուրեմն այս երգը ակնարկում է ջրհեղեղը և նոյը:

«...Իսկ ի յերրորդ գարուն դարձեալ
Զշուրցն հեղեղ ցամաքեցոյց.
Զնոյ տապանաւն իւր պարեցոյց,
Զկենդանեաց սեռս աճեցոյց...»:

Երեքշաբթի օրն էլ նվիրված է մարգարեներին, իսկ մարգարեներից ամենամեծը համարվում է Հովհաննես Մկրտիչը, ուստի՝ այս օրվա երգը Շնորհալին կապում է նաև այդ մեծ մարգարեի հետ, որը տակավին իր մոր արգանդից երկրպագել է Քրիստոսին:

«Ժառանգին հօր սպասաւոր
Եւ յարգանդէ երկրպագող.
Կարապետ և Մկրտիչ,
Այնմ որ մեղաց մերոց քաւիչ...»:

Այս երգի մյուս տան մեջ Շնորհալին խոսում է Հովհաննես Կարապետի պաշտոնի մասին:

«...Առաքեցեր յառաջընթաց
Սուրբ զՅովհաննէս քարոզ կենաց.
Սորին հայցմամբն ամենակալ
Զպաղատանս մեր ընկալ...»:

Պոեմի շորորդ երգը վերաբերում է շորեշաբթի օրվա արարչագործությանը, «Դ դար»-ին և Աստվածածնի ավետյացը, Ըստ շարականի, շորորդ օրը ստեղծվել են լուսատունները, այն է՝ արեւը, լուսինը, մոլորակները, աստղերը, սրանք կարգվել են երկրնքում՝ լույս տալու և ժամանակը որոշելու համար: Գրվածքի այս մասն առանձնապես գեղեցիկ է, ուր Շնորհալին խոսում է տիեզերական մարմինների և բնութեան երևութների մասին:

«Նաւարն անգոյ և սկզբնածին
Հալածեցաւ յօրն առաջին.
Լոյսն այն պայծառ յօր շորորդին
Յարեգական նիւթ հաւաքեալ.
Լուսինն ի տիպ լուսոյ ստեղծեալ
Եւ աստեղաց պարս յօրինեալ:
Որով օրհնի ստեղծողն էից
Ի բանաւոր պաշտօնէից...»:

Ըստ Հին Կտակարանի՝ «Դ դար»-ում էր, որ հրեշտակն ավետեց Արարհամին՝ Իսահակի ծննդի մասին, և դարձյալ Մարիամ Կույսին տրված ավետիքը եղավ նույնպես թի շորորդ օրը: Ահա այս մասին համառոտ այսպես է երգում քանաստեղծը:

«Մածկեալ խորհուրդն ծանուցաւ՝
Չորրորդ գարուն Իսահակաւ.
Ի շորորդ օր դարձեալ հրեշտակն՝
Նտ գաւետիսն կուսական.
Թէ լոյսն որ ոչ քովանդակի,
Ի քէն մարմնով պարունակի...»:

Հինգշաբթի օրվա երգը վերաբերում է հինգերորդ օրվա արարչագործությանը և կամ «Ե դար»-ին և Քրիստոսի առաքյալներին: Հինգերորդ օրը ստեղծվել են ծովի ձկներն ու երկնի թռչունները: «Ե դար»-ում է, որ Մովսեսն առաջնորդում է իսրայելացիներին դեպի Ավետյաց երկիրը. իսրայելացիները այդ օրը փախչում են Եգիպտոսից, ճեղքում-անցնում են Կարմիր ծովը. իսրայելացիներին հետևող փարավոնը իր կառքով ու զորքերով խեղդվում է Կարմիր ծովում: Այս բոլոր դեպքերը նույնպես խտացրած և շատ հակիրճ ակնարկում է Շնորհալին երգի հետևյալ տողերում:

«Ճառագայթեալ բանն ի Հօրէ,
Յօր հինգերորդն հրամայէ,
Բղխել ի ջրոց սեռս կայտառաց
Եւ թևաւորս օդականաց.
Իսկ ի գարուն հինգ մկրտին
Յամպն և ի ծովն իսրայէլն հին...»:

Եվ որովհետև հինգշաբթին առաքյալներին նվիրված օր է, ուստի երգի մեջ Շնորհալին առաքյալներին էլ է կապել այս օրվա հետ:

«Մաքրապէս օրինակի
Առաքելոցն Քրիստոսի,
Որք ի ծովէն Տիրեբական
ի յերկնայինսն կոչեցան,
Անցին ընդ ծով աշխարհական
նւ ի հոգին մկրտեցան»:

Այս երգի մեջ աչքի է ընկնում ծովը, որի հետ վերջին հաշվով կապվում են «Ս դար»-ի բոլոր դեպքերը. ծովում գոյացան ձկները, խորայնացին երբ անցան կարմիր ծովի միջով, փարավոնը խեղդվեց ծովում, Տիրեբական ծովից առաքյալները անցան աշխարհական կյանքի ծովը՝ միևնույն մկրտվում են Ս. Հոգով:

Պոեմի վեցերորդ երգը վերաբերում է ուրբաթ օրվա ընթացքում ստեղծվածին, «Պոեմ»-ին և Քրիստոսի խաչելությանը: Ուրբաթ օրը Արարիչը ստեղծել է Ադամին և Եվային ըստ իր պատկերի և տեղավորել է դրախտում: Բայց նրանք ճաշակեցին արգելված պտուղը, օրինազանց եղան, դրա համար էլ արտաքսվեցին դրախտից և դատապարտվեցին տանջանքների ու մահվան:

Ուրբաթ օրն է խաչվել Քրիստոսը. այս դեպքն է հանդիսացել վեցերորդ երգի գլխավոր նյութը:

«Զհանգութեալ ընութեամբ քարոյն
Ունել միայն զանճառ բարին.
Այլ ստեղծեալ զմարդ իւր պատկերին
ի վեցերորդ առաւօտին.
Ջորս ի դրախտին եղ վայելել,
Բայց ի պտղոյն մահու արգելւոյ»:

Այնուհետև բանաստեղծը երգում է Քրիստոսի խաչելությունը:

«Հօր հաճութեամբ ի մահ խաչին
Եկն կամաւ ի յուրբաթին.
Գառն դնեաւ ի հին Զատկին
Փոխան գառանցն օրինակին...»:

Ապա երգը ամբողջովին խաչելության ու նրա հետ կապված դեպքերի մասին է խոսում, գլխավորապես փառաբանվում է խաչվող Փրկիչը, որ նա մարդասեր է, սերով բնների համար սոսկալի, քերովքենների համար անավոր, որ նա վեհագույնն է քրնութեանց էից: Բայց ժամպատում խոնարհութեամբ խաչվում է մարդկանց մեղքերի համար:

Պոեմի վերջին երգը նվիրված է շաբաթվա յոթերորդ օրվան: Շաբաթ օրը վերջացավ արարչագործությունը և եղավ հանգիստ, նվ վերջապես շաբաթ օրը պատկանում է ամենայն սրբոց և հատկապես մարտիրոսաց: Հենց երգի առաջին տունը բնորոշում է ամբողջ երգը:

«Տէրն յետ ստեղծման արարածոց
Հանգեաւ յեօթն օրն ի գործոց.
Այն որ հանգիստ աշխատելոց
նւ կամքն գործ է եղելոց.
Ուստի և մեզ յոյս հաստատուն
նա հանգստեամբն շաբաթուն,
Թէ աստ գործել զգործս Աստուծոյ.
Անդէն հանգչիլ ընդ Աստուծոյն»:

Ապա երգի մեջ բանաստեղծը անդրադառնում է նաև Քրիստոսի մահվան և թաղման մասին:

«...Յեօթներորդ օր հանգստեան
Իշխալ մարմնովն ի գերեզման...
Զկապեալ հոգիսն վերածեաց,
Ջանանց հանգիստն պատրաստեաց»:

Իսկ ամենայն սրբոց և մարտիրոսաց մասին վերջում Շնորհալին երգում է:

«Փայլին արդարքն յարքայութեան
Նւ ճգնաւորքն ի հանգստեան.
Մարտիրոսքն պսակին
Նւ կուսանաց լապտերք վառին»:

Ամբողջ պոեմը զբոված է պարզ ու պատկերավոր լեզվով: Պոեմի մեջ գերակշռող տեղը բռնում է էպիկական մասը, ուր բանաստեղծը վարպետորեն միաձուլում է նաև երգերի գլխավորապես վերջում իր զգացմունքները, որը և կազմում է պոեմի հուզական-քնարական մասը: Շնորհալին սիրում է իր երգերին և մտքերին խորհրդավորություն տալ, ապա բացատրել՝ «ծածկեալ խորհուրդն ծանուցաւ: Պոեմի մեջ բանաստեղծը աստվածաշնչական մասի հետ շատ սերտ կերպով կարողացել է միահյուսել նաև մեկնաբանական, դավանաբանական կետերը՝ հենվելով Հին ու Նոր Կտակարանների պատմումների և այլ աղբյուրների վրա:

Շնորհալու երգերի մեջ հանրահայտ են նաև «Յիշեսցուք» և «Ջարթիք փառք իմ» գիրքերային երգերը, որոնք նույնպես շարականների կանոնների մեջ չեն մտնում: Այս երկու նշանավոր երգերը Շնորհալին հորինել է Հռոմկլայի բերդի պահապան հայ զինվորների համար, որպեսզի նրանք փոխանակ ալլազգի վալրապար երգերի, երգեն մայրենի լեզվով զբոված հոգեշահ այս երգերը և արթուն մնան գիշերն ու հսկեն բերդը:

Կ. Գանձակեցին այս երկու երգի մասին պատմում է հետևյալը:

«...Վասն այնորիկ արար նա երգս և ուսույց այնոցիկ, որ պահէին զբերդն. զի փոխանակ վալրապար ձայնիցն զայն ասասցին. որոյ սկիզբն է Սաղմոսն Դաւթի «Յի»:

շեռքի ի գիշերի անուն քո Տէր» և այսպէս խորհրդարար ըստ կարգի «Զարթիք փառք իմ», որ այժմ ասի յեկեղեցի ի ժամ գիշերային պաշտամանս:

Այս երգերը ոչ միայն կրօնական, այլև ազգային հայրենասիրական բնույթ էլ են կրում: Բերդի պահապան զինվորների համար գրված այս երգերը՝ հետագայում որպէս հոգևոր հայրենասիրական երգեր մտել են եկեղեցի և դարձել գիշերային ժամերգության առաջին երգը:

Զերմ զգացմունքով լեցուն ու թափով գրված «Զարթիք», փառք իմ, զարթիք և ես զարթեալաց յառառօտութիւն, ալէլուիա» երգը քաղկացած է 10 տնիք՝ ամեն տունը երկու տող: Բոլոր տներն էլ սկսվում են «Զարթիք» քառով: Այս երգով կոչ է անում Շնորհալին «մանկանց վերին Սիոնի», լույսի որդիներին, Փրկչի արյամբ փրկվածներին, հոգևոր հարսներին՝ որ իմաստուն կույսերի պէս վառած լապտերներով դիմավորեն Տիրոջը՝ գիշերային ժամին և վերջապէս ամբողջ ժողովրդին, թե «Զարթիք, նոր ժողովուրդք, նոր երգս առեալ նորոգողին, ալէլուիա»:

Այն ժամանակ, վերածննդի բերուցների ուժեղացմամբ, սկսել էր գրականութիւն աշխարհականացումը, խոշոր բեկում էր կատարվում գրականութիւն քովանդակութիւն ու ձևի մեջ: Արևելյան մայր Հայաստանում Սարկավազ վարդապետը արդեն «տեղծում էր արվեստի իր նոր տեսությունը»:

որ բանաստեղծը պետք է նմանվի բնությանը, նույնիսկ սովորի սարեկ հավից, երբ բնությունն ու իրական կյանքը գտնում էին իրենց արժեքը հատկապէս՝ բանաստեղծութիւն մեջ, ներսես Շնորհալին էլ իր հոգևոր բնույթի երգերի մեջ մեծ տեղ էր տալիս նաև ազգային ու հայրենասիրական գաղափարներին: Ամանոսի լեռների վրա Շնորհալին ոչ միայն վառ պահեց մեր միջնադարի բանաստեղծութիւն ճրագը, այլև պայծառացրեց այն, որն իր ճառագայթներով լուսավորեց ու ջերմացրեց մեր բանաստեղծութիւնը երկար դարեր:

Սրանով չի վերջանում ներսես Շնորհալուն վերագրված երգերի ու շարականների ցանկը: Շնորհալու գրչին են պատկանում նաև հայ շարականների այլ զարդեր, ինչպիսիք են Առաքելոց, Մարգարեից, (Հովհաննես Մկրտչի, Հովնան մարգարեի) Հայրապետաց (Հակոբ Մծրնա, Անտոն անապատականի), Հրեշտակապետաց, Քառասուն Մանկանց, Ս. Սարգսի, Ս. Գևորգի, Ս. Թեոդոսի, Տրդատ թագավորի, Վարդանանց և Ղևոնդյանց շարականները:

Շնորհալու գրական վաստակը լքնադ զարդն է կազմում անցյալի մեր հոգևոր ազգային մշակութի ոսկե ֆոնդի:

1 Տե՛ս նաև մեր հոգվածները ներսես Շնորհալու և նրա շարականների ու երգերի մասին «Երմիաթին» ամսագրի 1957 թ. Թ Թ-ում, 1958 թ. Պ Պ Ա-ում, Բ-Գ-ում, Ե-ում և Զ-ում:



ԱԿՆԱՐԿ ՀԱՅ ԿՐՈՆԱԿԱՆ ՄԱՄՈՒԼԻ ՊԱՏՄՈՒԹՅԱՆ ՎՐԱ

ԱՌԱՋԻՆ ԿՐՈՆԱԹԵՐԹԵՐԸ ԱՐԵՎՄՏԱՀԱՅՈՑ ՄԵՋ



այոց մեջ կրոնական թերթերը ե՛րբ են ծագում առել, որտե՞ղ են հրատարակվել դրանք, ի՞նչ ծրագրով են դեկավարվել, ի՞նչ դեր են խաղացել այդ կրոնաթերթերը հայ ժողովրդի կրոնա-քարոյական դաստիարակության ու մշակույթի բարձրացման գործում, ի՞նչ գրական ժառանգություն է թողել կրոնական մամուլը Ահա հարցեր ու խնդիրներ, որոնք մինչև այժմ չեն ուսումնասիրվել ու վերադասակարգվել ըստ արժանվույնի:

Մեր համեմատ նպատակն է մասամբ բավարարել այդ պահանջը, տալ կրոնական մամուլի համառոտ պատմությունը, միաժամանակ ընդգծելով կրոնաթերթերի մեր ազգային-եկեղեցական կյանքում խաղացած դերը և որդեգրած ուղղությունը:

Այս ուղղությամբ մեր կատարած աշխատանքը չի ընդգրկում ամենուրեք հրատարակված հայ կրոնական պարբերաթերթերի քննարկումն ու բնութագրումը: Սենք դեկավարվել ենք այն սկզբունքով, թե այդ կրոնական պարբերաթերթերից որո՞նք են կապված եղել անմիջականորեն հայրենի կյանքի հետ, ծնունդ առել, ընդունելություն գտել ու զարգացել Հայրենի հողի վրա կամ հայաբնակ վայրերում, և վճռական դեր են խաղացել մեր ժողովրդի կրոնալուսավորության, հայ մշակույթի զարգացման ասպարեզում և թողել են գրական-քառասիրական հարուստ ժառանգություն: Այլ խոսքով, մենք կանգ կառնենք առավել այն կրոնական պարբերաթերթերի վրա, որոնք հանդիսացել են հայ կրոնական մամուլի գլխավոր ուղեները:

Հետաքրքրական է հայ կրոնական մամուլի անցած ուղին: Հայտնի բանասեր Գ. Լևոնյանի ճշայ պարբերական մամուլը աշխատության տվյալներով՝ Հայաստանում, Անդրկովկասում, Ռուսաստանում և արտասահմանի հայ գաղութներում մինչև 1934 թվականը հրատարակվել է 57 անուն կրոնական պարբերաթերթ, ըստ որում 25-ը Թուրքիայում, 11-ը Ռուսաստանում, 12-ը ԱՄՆ-ում, 3-ը Ֆրանսիայում, 2-ը Սիրիայում, 2-ը Եգիպտոսում, 1-ը Անգլիայում և 1-ը Իտալիայում: Ինչ խոսք, որ 1934 թվականից հետո այլ վայրերում հրատարակվել են նաև մի քանի այլ կրոնական թերթեր, կրոնական պարբերաթերթերը ամենից շատ հրատարակվել են Թուրքիայում և դա պետք է բացատրել նրանով, որ վերջին ժամանակներում դավանաբանական վեճերը բուռն ու կրքոտ կերպով լարն ծավալ ստացան այդ երկրում, որտեղ Հայ Եկեղեցու դեմ պայքար ծավալեցին կաթոլիկներն ու բողոքականները:

Հայոց մեջ կրոնական առաջին պարբերաթերթը Վեսեմարյան պիտանի գիտելեացք ամսաթերթն է, որ հրատարակվել է 1839 թվականին Իզմիրում, ապա 1853 թվականին տեղափոխվել է Կոստանդնուպոլիս և մինչև 1854 թվականը հրատարակվել է ընդամենը մեկ թիվ:

Այս ամսագրի շարունակություն է կադմում «Ավետաբեր»-ը, որը 1855 թվականի հունվարի 3-ից սկսեց հրատարակվել որպես շաբաթաթերթ, իսկ 1861 թվականից վերածվեց ամսագրի: «Ավետաբեր»-ը սկսած 1870 թվականից նորից հրատարակվեց որպես շաբաթաթերթ և իր գոյությունը շարունակեց մինչև առաջին համաշխարհային պատերազմի սկիզբը՝ 1915 թվականը:

Այս երկու պարբերաթերթներն էլ հանդիսացել են հայ բողոքականների օրգանները և բանք շեն խնայել արևմտահայ ժողովրդի մեջ արմատավորելու բողոքականությունը։ Նյութապես ապահովված լինելով ամերիկյան միսիոներների գլխարկներով՝ այս պարբերաթերթերը ջանք են թափել երկպառակություն մտցնել հայ ժողովրդի մեջ և տարածել բողոքական գաղափարները։ Այդ պրոպագանդան աշխատել են ծավալել նաև հայ երեխաների մեջ և այդ նպատակով հրատարակել են «Ավետարանի տղայոց համար» անունով մանկական ամսագիրը։ Վերջինս լույս է տեսել 1872 թվականին և առանց ընդմիջման շարունակել մինչև 1915 թվականը։ Լինելով անգլիական կրթության ջերմ կողմնակիցը և բողոքականության տարածողը, «Ավետարան»-ը խորթ է եղել մեր իրականությանը։ Նա չի կարողացել հետաքրքրություն առանալ և ընդունելություն գտնել, որովհետև նա չէր հետաքրքրվում հայ ժողովրդի անցյալով ու ներկայի հրատապ խնդիրներով։ «Ավետարան»-ի մասին «Արձագանք» թերթը գրել է հետևյալը.

«...Այս թերթը, ինչպես հայտնի է, պաշտպան է բողոքական քարոզիչների շահերին և դուրս այսքան տարվա հարատևությունը հիմնված է ոչ թե բաժանորդագրության օգնության վրա, այլ միսիոներական ընկերության ղեկավարության վերաձև։

Բողոքականների պրոպագանդան ու կրոնական պայքարը պատճառ հանդիսացան, որ կոստանդնուպոլսի հայոց Պատրիարքարանը կոնդակի, հայտարարության, հորդորի և հուսկ ուրեմն կրոնական բանադրանքի ձևի տակ լուրջ պայքար ծավալի բողոքականների հրատարակությունների դեմ։

Օտարամուտ այդ կրոնական գաղափարախոսության դեմ պայքարելու համար Մատթեոս պատրիարքը (հետագայում կաթողիկոս), գերագույն ու հոգևոր ժողովների հավանությանը, որոշում է Պատրիարքարանի անունով հրատարակել մի պաշտոնաթերթ։

Կոստանդնուպոլսում 1846 թվականին լույս է տեսնում Զամուրճյանի «Հայաստան»-ը, որը լուրջ պայքար մղեց բողոքականների «Ավետարան»-ի դեմ։

«Ավետարան»-ի դեմ պայքարելու համար հրատարակվում է նաև «Զոհալ» անունով հայատառ թուրքերեն շաբաթաթերթը 1855 թվականին, որը տարի ու կես լույս տեսնելուց հետո վերածվում է «Երևակ»-ի, Հակադրվելով «Ավետարան»-ին, «Երևակ»-ը, որոշ ընդհատումներով, 1857 թվականի հունվարի 1-ից շարունակվեց մինչև 1866 թվականը։

«Երևակ»-ի խմբագիր Հովհաննես Տերոյանցը (Զամուրճյանը) իր թերթը դարձրել էր պահպանողական վերնախավի օրգանը։

«Երևակ»-ը չկարողացավ թերթի իր բարձրության վրա կանգնել և որևէ արժեք ներկայացնող գրական կայուն ժառանգություն թողնել։

Թուրքիայում հայ կրոնական մամուլի պատմության մեջ առաջնեկության կարգով ուրույն տեղ է գրավում «Արծվի Վասպուրական» ամսագիրը, որի խմբագիրն է եղել Մկրտիչ վարդապետ Խրիմյանը (հետագայում հուլակավոր Հայոց Հայրիկը)։

Ամենից առաջ «Արծվի Վասպուրական»-ը միակ ամսագիրն է, որ հրատարակվել է Հայրենի հողի վրա և իր ուղղությամբ ու դավանած գաղափարներով կապված է եղել իր ժողովրդի հետ, խոսել է իր ժողովրդի ցավերից ու պահանջներից, լսել է նրա ձայնը և ընթացել հայ գյուղացիության ու Եկեղեցու շահերի պաշտպանության ճանապարհով։

Եվ պարծանքով պետք է նշել, որ «Արծվի Վասպուրական»-ը իր գոյության ողջ ընթացքում՝ 1855 թվականից մինչև 1864 թվականը հետևողական կերպով ջատագովել է միատեսակ ուղղություն ու գաղափարախոսություն։ Իր ժամանակի համար դա առաջադիմական ճիշտ գաղափարախոսություն է եղել։ Ի՞նչ նպատակ է հետապնդել սկզբում կոստանդնուպոլսում ու ապա Վանում, Վարդապետ մենաստանի նորաստեղծ տպարանում հրատարակված այդ ամսագիրը։

Հենց առաջին տարուց ամսագիրը շեշտակի գրել է իր նպատակը.

«Անհրաժեշտ պետք է բոլոր քաղաքացի իշխանաց, որոնք կարող և ձեռնհաս են՝ բարիք ընելու համազգի գյուղացուց կրթության համար, ըստ ամենայնի հոգ տանել, վասնզի դպրոց, ուսում, վարժապետ, ազգասիրություն միայն քաղաքացի համար չէ... Մեր նպատակն է հայրենակից գյուղաբնակ եղբարց լուսավորության համար աշխատելը»։

1958 թվականին ամսագիրն էլ ավելի պարզորոշ է դնում թերթի հետապնդած պահանջները, որ եղբարակվում են հետևյալ հինգ կետերում։

Առաջին պահանջը այն է լինում, որ ամսագիրը լինի «Հանդես» աստվածապաշտության, այսինքն տպագրվեն առաջին հերթին այնպիսի հոդվածներ, որոնք բովանդակում են «Որ ինչ առ հշմարիտ կրոն աստուածապաշտութեան, որ առ հաւատս և Եկեղեցին Քրիստոսի վերաբերի և ձգտի առնել այսու զքաղցրութիւն բանիցն Աստուծոյ ի քիմս

հայկածիւն մանկուտուն, քան զմեզը քաղաքական և ազգասիրական բանիցն:

Երկրորդ պահանջն է՝ դառնալ ռազմապետական հայրենաշէն առաքինեաց հայոցն, այսինքն տապաքովեն այնպիսի հողավածներ, որոնք դրվատում են հայ ժողովրդի պատմութեան մեջ անուան վաստակած հերոսների. շնախնի քաղաքներն մերն, որոնց պետք է հետևեն այժմ շատերը և իրենց հայրենազարդ գործերով անմահութեան դասին են վաստակեն:

Երրորդ պահանջն է ամսագրի ընթերցողներին ծանոթացնել ռազմական աշխարհաց տեսարաններին, աչսինքն տալ ռազմ և արդի վիճակը քաղաքաց, դիւղից, գերդաստանաց, վանորէից, մենաստանաց, եկեղեցեաց, ժողովրդաց և համարեն այլ հանգամանաց, որ առ աշխարհագրական տեղեկութեանս վերաբերին:

Չորրորդ՝ դառնալ ռազմաստան բարոյական առաքինութեանց:

Հինգերորդ՝ դառնալ թանգարան հայկական դպրութեան, այսինքն որոնել ու գտնել Հայաստանի բոլոր անկյուններում և վանքերում գտնված ռազմական մատենագրութիւնները ու հրատարակել դրանք, որոնք ռազմիկ թանկ են քան ոսկին ու հազվագործ անկունք:

Արծաթի վասպուրականը իր ժամանակի համար խոշոր առաջադիմական նպատակ է հետապնդում:

Արծաթի վասպուրականն ամսաթերթը զիր հայրենասիրական ճառերով ոչ միայն Պոլսո, այլ հուլիս հեռավոր տեղութեանց ու քաղաքներու մեջ բնակած գաղթական հայոց թմրած ու քնած ոգիները կարթնցնեն:

Մեծահռչակ վարազա վանից Հոփսիմյանց Ս. Նշանին ավագաթն հովանաւոր տակ իր մշտնջենավոր բուլբուր հաստատած, թերթը հաջողութեամբ է գտնում ոչ միայն վանում, այլև Հայաստանի գլխի թուր գավառներում ու Կոստանդնուպոլսում:

Եվ պետք է նշել, որ ամսագիրը սրբութեամբ կատարում է հինգ կետերում շարադրված իր սկզբունքները, իր ընթերցողների մեջ վանելով հայրենասիրական կրակը:

Ամսագրի էջերում հետևողականորեն տրված են մեծ քերթողահայր Մովսես Խորենացու պատմութեան մեջ հիշատակված բոլոր հայ հայրենասերների կյանքի ու գործունեության նկարագրությունները, Հայրենի երկրի հիշարժակ վայրերը (Վարազն ու իր եկեղեցիները, Վերին Վարազն ու Իշխանաց աշրջուրը, Շամիրամակերտը, Ակուփին, Վան-Տոսպի հռչակավոր վանքերն ու եկեղեցիները և այլն): ռազմապետական պաշտոններն և կեղեցաշէն հարցն խորագրի տակ տպված են

Թաղեոս առաքյալի, Գրիգոր Լուսավորչի և նրա որդիների ու թոռների՝ Արիստակեսի, Վրթանեսի, Գրիգորիսի, Հովսէփի, Դանիէլի, Մեծն Ներսէս Պարթևի, Մահակ Պարթևի, Մեսրոպի, Սրբոց Թարգմանչաց անձնվեր աշակերտների՝ Մովսես Խորենացու, Նղիշի, Նղիշի Կողբացու, Դավիթ Անհաղթի պատկերներն ու գործունեության արդյունքները և այլն:

ռազմապետական հայրենաշէն առաքինեաց խորագրի տակ տրված են Հայկ նահապետի, Արամ և Արա Արամյան նահապետների կյանքն ու գործունեությունը, Վասպուրական Արծաթի ռազմապետն ու բարերարը, Մեծն Տիգրան Մովսէսյանի, Վաղարշակ Արշակունի Թաղավորի, Արշակ և Արտաշես Թաղավորների, Տիգրան Բ-ի, Արար Արշակունի, Արտաշես Բ-ի, Տրդատ Արշակունի պանծալի կյանքն ու կատարած հայրենաշէն աշխատանքները և այլն:

Քուրաստան բարոյական առաքինութեան խորագրի տակ ամսագրում տպագրված են քաղաքիկ իմաստուն առակներ ու պատմվածքներ (օրինակ՝ ռազմապետ ծովի կնիմանի, ով որ լողալ չի գիտեր՝ կիսեղիվի, ռազմ ու մացառ, ռազմ յաղթող ղեկավարութեանց աշխարհի, քան զհամբերութեան, ռեկու շուն և գայլ, ռազմապետ ու աղախներ և այլն և այլն):

Պետք է նշել, որ քաղաքիկ շարք առաջնորդող հողավածներից, որոնք գրված են մասամբ գրաբարով, ամսագրի լեզուն աշխարհաբար է, հասկանալի ու հարթ:

Ամսագրի խմբագիր Մկրտիչ վարդապետ Խորմյանը 1860 թվականին քաղաքում է վանից, որի համար էլ վերջին տարիները՝ 1863—1864 թվականներին ամսագիրը խմբագրում ու հրատարակում է Վարազա ժառանգավորաց դպրոցի աշակերտ Գարեգին վարդապետ Սրվանձույանը (հետագայում հռչակավոր բանահավաք ու գրող):

Արծաթի վասպուրականը պրոպագանդի է նաև ազգային-ազատագրական գաղափարները նրա էջերում տպագրված քաղաքիկ հողավածներում ու գրական պատկերներում տրված են հայ ժողովրդի ստրկական վիճակը անցյալում, թուրքական կոտորածները, հայ ժողովրդի մղած ազգային-ազատագրական պայքարը իր անկախութեան համար: Ամսագիրը կոչ է անում շուտահաստի, կազմակերպվել և ընթանալ միշտ առաջ:

Մենք նոր-սերունդներ ենք,— գրում է ամսագիրը,— ուրեմն մեր պարտքն ու կամքը ճանաչենք: Վեր Աստված կանչենք, վեր կենանք, շարժենք ու սկսենք մեր գործը, նորեն սկսենք... Բանանք մեր աչքերը, բանանք մեր գործքերը, միշտ դիմենք հառաջ, միշտ

արի ու քաջ, գործենք անվեհեր ու անձնվեր, գործենք անդադար թե՛ տիվ և թե՛ գիշեր»⁸։

Ամսագիրը լայն պրոպագանդա է մշիչ նաև հայ ժողովրդի միասնության, արևելահայ ու արևմտահայ հատվածների սերտ համագործակցության համար, նա խոշոր ջանք է թափել Արևելյան և Արևմտյան Հայաստանի դադափարական, մշակութային կապի ստեղծման և ամրապնդման համար, Այս ուղղությամբ ամսագիրը տպագրել է բազմաթիվ խոհական, լուրջ հոդվածներ։

Ամսագրի էջերում հանդես են եկել մեր անվանի գրողներն ու բանասերները՝ Բաֆֆին, Գարեգին վարդապետ Սրվանձությանը, Արսեն Թոխմախյանը, Պետրոս Մաղաթյանը, Նուհայկոս Փիրղալեմյանը և ուրիշներ, Կուռ ու լողմանդակալից բազմաթիվ հոդվածներ ու առաջնորդողներ է գրել ամսագրի խմբագիր Խրիմյան Հայրիկը։

Հայ կրոնական մամուլի պատմության մեջ և ոչ մի կրոնաթերթ չի դրսևորել կրոնի, հայրենասիրության, հայ ազատամարտի աշնպիսի խիղախ գաղափարներ ու մտահղացումներ, որպիսին արել է Արծմյի Վասպուրականը-ը իր գոյության ընթացքում։

«Արծմյի Վասպուրական»-ի տաղանդավոր խմբագիր երիտասարդ Մկրտիչ վարդապետ Խրիմյանը պայքարել է նաև երկրում տիրող տգիտության ու խավարի դեմ։

Խրիմյանը խավարի դեմ պայքարելու, համար առաջադրում էր երեք միջոց՝ ա) կենդանի խոսք, կենդանի քարոզ, բ) ազդու գրիչ և գ) տպագրական մամուլ։

Արծմյի Վասպուրականը-ը սոսկ վանական հրատարակություն չէր, այլ արժարժում էր հասարակական մարտական խնդիրներ։

Կգա՝ արդյոք մի օր, — ասում էր Խրիմյանը, — երբ մեր գլուղացիին հանգիստ կերպով փայլել իր հալալ աշխատանքը և այս երկրում տիրե արդարություն և խաղաղություն, Կգա՝ արդյոք մի օր, երբ մեր այս ձորերում, ուր միայն ավազակների հրացանների տրաքոց է լսվում, լավի երկաթուղու շողեկառթի սուլոցը և մենք էլ ունենանք հեռագիր, փոստ, դպրոցներ, համայնարան։

1860-ական թվականներին քաղաքական, տնտեսական, ազատամիտ գաղափարների զարթոնքի շրջանն էր Թուրքիայում։ Կոստանդնուպոլսից սկսած մինչև հեռավոր գավառներում հիմնվում են նոր դպրոցներ, տպարաններ, հրատարակվում են նոր թերթեր ու գրականություն, որոնց նպատակն է թինում զարկ տալ կրթության ու բարձր մակարդակի հասցնել մշակութային կյանքը։ Վանքերն էլ մասնակցում են այս ընդհա-

նոր զարթոնքին։ Վանքերում բացվում են կրթարաններ, վարժարաններ, երկրագործական դասարաններ, Վարազա վանքում հիմնվում է տպարան, Մուշում բացվում է վարժարան, Արմաշում և Նրուսաղեմում, որտեղ գոյություն ունին վանական միաբանություններ, հրատարակվում են կրոնաթերթեր։

1864 թվականի օգոստոսի 1-ին Արմաշի միաբանությունը հրատարակում է «Հուլյս» ամսաթերթը, իսկ Նրուսաղեմում՝ «Սիրոն»-ը։

«Հուլյս»-ը տպագրում է կրոնա-բարոյական, պատմա-բանասիրական հոդվածներ, քննության է առնում կրոնի ու հայ ժողովրդի պատմության նկատմամբ սխալ կարծիքները և լուսարանում է բազմաթիվ հարցեր։

Արմաշի «Հուլյս» ամսագրի խմբագիրն էր Խորեն եպիսկոպոս Աշրգյանը (հետագայում Կոստանդնուպոլսի պատրիարք)։ «Հուլյս»-ը փակվում է 1879 թվականին։

«Սիրոն» կրոնական, գրական ու բանասիրական ամսագիրը Նրուսաղեմի հայ Պատրիարքության պաշտոնական օրգանն է։

Ամսագիրը լույս է տեսել 1866 թվականին և 12 տարի հրատարակվելուց հետո դադարել է 1877-ին։

«Սիրոն»-ի առաջին խմբագիրը ռդել է Տիգրան Ա. Սավալանյանը, որը հանդիսացել է իր ժամանակի կարող մտավորական ուժերից մեկը և աչքի է ընկել Սրբոց Հակոբյանց պատմական հաստատություն մեջ։

Սավալանյանից հետո «Սիրոն»-ի խմբագրությունը վարել է Մեղիսեղիկ վարդապետ (ասյա եպիսկոպոս) Մուրադյանցը։

«Սիրոն»-ը Նրուսաղեմի միաբանության համար աղդակ հանդիսացավ ուսումնական ու գրական շարժում ստեղծելու ուղղությամբ։ Նրուսաղեմի ժառանգավորաց վարժարանի աշակերտներն անգամ ամսագրում տպագրեցին իրենց գրական առաջին փորձերը։

Երկարատև դադարից հետո, Նդիշ Դուրյան պատրիարքի օրով, 1927 թվականին նորից սկսեց լույս տեսնել «Սիրոն»-ը՝ գերաշնորհ Տ. Բարդեն եպիսկոպոս Կյուլեսերյանի (ասյա աթոռակից կաթողիկոս Մեծի Տանն Կիլիկիո) խմբագրությամբ։ Խմբագրին ուղղված պատրիարքական պաշտոնագրում հրահանված է, որ բացի կրոնա-բարոյական նյութերից, «Սիրոն»-ը պիտի լի շատե պիտի ջանա մշակել նաև տոհմային հին մատենագրությունը, մանավանդ անոր էջերում վրա ափելցնելով անժանոթ կամ անտիպ մնացած գործեր կամ դրվածքներ... Փափագելի է նաև՝ որ հայ եկեղեցագիտական և բանասիրական հարցերու վերաբերմամբ ու «Սիրոն»-ը ունենա իր կարևոր բաժինը։

Նվ «Սիրոն» ամսագիրը, հավատարիմ մնալով պատրիարքի պաշտոնական ցուցումին,

⁸ Արծմյի Վասպուրական, 1862—1863 թ., Մ 1, էջ 10—11։

լանք է թափել դրսևորելու նոր ուղղություն՝ ժամանակի պահանջների համաձայն, և դարձել է Սփյուռքի մեր լավագույն, բովանդակալից և փնտրված ամսագրերից մեկը:

«Միոն»-ը պարտականություն է ստանձնում դառնալու «Ավետարան» մագալ սնունդի և հստակ լույսի, որի «կարոտությունը» կալալակն այսօր մեր գաղութներու մեջ: «Միոն»-ը խոստանում է տալ «կրոնի» ներշնչումներն զրկված, իրենց բնաշխարհին տարագիր եղբայրներու... ներշնչումներուն կապույտը»:

«Միոն»-ը պայքարում է գաղութներում հայոց լեզվի դարգացման ու մագրության համար և խոստանում է դառնալ «սոցիալիստ» քննադատ, որովհետև «համալստացած է, որ քննադատությունը կենսական ազդակ է հոգեկան ու մտավորական կյանքի բոլոր արտահայտություններում ու արդյունքներում մեղ, ինչպես նաև մեր ազգային, եկեղեցական, ընկերային, քաղաքական, ընտանեկան գործունեության բոլոր գիծերում վրա: «Միոն»-ը ունի բազմաթիվ բաժիններ՝ կրոնական, բանասիրական, գրական, եկեղեցապատմական, դիվան Ս. Հակոբա, կրոնապատմական, մատենախոսական, պատմական, հայրենախոսական, պաղեստինագրական և այլն: Կրոնական մասը ամսագրի գլխավոր և սովոր բաժինն է. կազմում: Առանձնապես արժեքավոր են բանասիրական և մատենագրական բաժինները, որոնց մեջ գեղարվեստագիտական ու պատմական լիարժեք աշխատություններով հանդես են եկել Նիկոլ Դուրյան պատրիարքը, Գարեգին արքեպիսկոպոս Հովսեփյանը, Թորգոմ Գուշակյան պատրիարքը, Բարգեն եպիսկոպոս Կյուվսեբյանը (խմբագիր), Մեսրոպ եպիսկոպոս Նշանյանը, պրոֆ. Ն. Ադոնցը, Մկրտիչ եպիսկոպոս Աղաձևյանը, Նիկոլ Աղբալյանը, Արշակ Ալադյանը, Ղևոնդ եպիսկոպոս Դուրյանը, Գառնիկ Ֆեարզյանը, Հակոբ Օշականը, Շահան Պերպերյանը, Հ. Քյուրոյանը և Երուսաղեմի հայոց վանքի միաբանության լավագույն և խոստումնալից գրիչները, շահեկան և արժեքավոր ուսումնասիրություններով:

Ամսագրի էջերում աննշան տեղ չեն բռնում նաև թարգմանական նյութերը և կրոնական բանաստեղծությունները:

«Միոն»-ից հետո, Թուրքիայում հրատարակված կրոնաթերթերից «Էոլյա» կիսամյա հանդեսը արժանի է լուրջ ուշադրության: «Էոլյա»-ը հրատարակվել է Կոստանդնուպոլսում 1874 թվականին և փակվել է 1881 թվականին: Մինչև 1882 թվականը եղել է լուս կրոնաթերթ, ապա վերջին երեք տարում որոշ չափով փոխել է իր բնույթը:

«Էոլյա»-ի խմբագիր-տնօրենն է եղել Հմայակ Ժալազույն վարդապետ Դիմաքսյանը, որ կարողացել է իր կիսամյա հանդեսը դարձնել հետաքրքրական, տպագրելով լուրջ կրոնական հոդվածներին զուգընթաց, բազմատեսակ ուսանելի նյութեր, որոնք այսօր իսկ հետաքրքրության են կարգացվում:

«Էոլյա»-ի խմբագիրը հենց առաջին համարում շարադրել է թերթի ուղղությունը և հետապնդած նպատակը. «...Մտքի լույսով և Աստուծո ներկյուղիվն միայն մարդս կրնա ինքզինք սանձահարել, և լույսով միայն կրնա ճանաչել ու կատարել իր պարտականությունները: «Էոլյա»-ն ալ իբրև կրոնական հանդես մեր այսօր ազգային հրապարակվող կերեխ, որ իր պարտքերը կատարելու կուզաւ ընթեկեղեցականաց պարտականությունը ժողովրդյան բարոյական օգուտները հոգալ և զանոնք ճշմարիտ հավատին մեկ պահելն է, այս նվիրական պարտականությունը այն ատեն միայն արժանարար կատարած պիտի ըլլանք, երբ անոր միտքը ըստ չափու կարողության լուսավորելու աշխատիք: Միևնույն դիտավորությամբ է, որ «Էոլյա» անուանով տալն փոքրիկ հրատարակություն ձեռք զարկինք, որուն պատակն պիտի ըլլա ազգային ընտանեկան կենաց մեղ կրոնի, բարոյականության, ազգասիրության և այլն զգացմանց զարգացման համար աշխատիլ և մտքերը լուսավորելու ջանալ, ոիրո, խաղաղության և միաբանության քարոզ լինել... Այս դուզնաքա ձեռնարկության շարժառիթ ունեցած ենք ոչ թե անձնական մի փափագ կամ համբավատենչություն զգացություն մը, այլ սիրելի ազգիս բարոյական հառաչդիմության և Հայաստանյայց Ս. Ն. կեղեցվո փառաց եթե կարելի է՝ դուլզն ինչ ծառայություն ընելու անշահախնդիր դիտավորությունը»:

Նվ պետք է նրախտագիտությամբ նշել, որ Հմայակ Ժալազույն վարդապետ Դիմաքսյանն ամենայն բարեխղճությամբ կատարել է իր ստանձնած պարտականությունները և հասել է իր նպատակին: «Էոլյա»-ը Թուրքիայի հայոց երկարատև կրոնաթերթերից մեկն է եղել, որ չեւմ ընդունելություն է գտել ժողովրդական լայն խավերում՝ իր հետաքրքրական բովանդակության համար:

«Էոլյա»-ը 1875 թվականից, իր գլուխ ընդունելության համար, վերածվում է շաբաթաթերթի:

1888 թվականին Կոստանդնուպոլսում լույս է տեսնում մի նոր թերթ՝ «Հայ Նկեղեցի» անունով կրոնական շաբաթաթերթ, որի խմբագիր է նշանակվում Բոննի համալսա-

4 Կոստանդնուպոլիս, «Էոլյա», 1874 թ., № 1, հալարան:

րանի շրջանավարտ Թորոս վարդապետ Զուղայեցին, Այս հանգեալի բովանդակությունը գուտ կրոնական ու աստվածաբանական է, Ավետարանի հմտաբան մեկնաբանություններով և տոներով բացատրություններով, Թերթը հրկար կյանք լի ունենում և դադարում է 1888 թվականի նոյեմբերին:

1888 թվականի ապրիլի 9-ին Կոստանդնուպոլսում սկսեց հրատարակվել «նսանակ Հաթաստանեայց եկեղեցւոյ» կրոնական շաբաթաթերթը, որ իր առաջին համարում հրատարակեց թերթի ծրագիրը, հաստատված Կոստանդնուպոլսի կրոնական ժողովի կողմից: Թերթի ոգին էր Վահան վարդապետ Մինասյան Պարտիզակցին, որը կարողացավ տպագրվող նյութերի մեջ բազմազանություն մտցնել և ժողովրդական ոգով ու ձգտումով խմբագրել թերթը: Դրա շնորհիվ այս կրոնաթերթը որոշակի ընդունելություն ու համակրություն գտավ ընթերցողների կողմից: Վահան վարդապետը նույն տարում իր թերթի անունը փոխեց «Սոխակ Հայաստանեայց եկեղեցւոյ», իսկ երբ գծովեց Կրոնական ժողովի հետ, սկսեց ինքնուրույն կերպով հրատարակել թերթը, սակայն կարճատև եղավ այն: Թերթը դադարեց 1888 թվականին: Այս շաբաթաթերթում տպագրվել են առաջնական կանոնների մեկնաբանման, կրոնական զգացումների զարգացման և քառույթներից լուծելու շատ հոգվածներ, լայն տեսող է հատկացված Պատրիարքարանի և եկեղեցական գործերի մասին տրված տեղեկություններին:

1895 թվականին Կոստանդնուպոլսում հրատարակվում է «Լույս» անունով կրոնական, գրական, բանասիրական և քաղաքական մի նոր շաբաթաթերթ, որի խմբագիրն օրենքներ է եղել Բարսեղ Ժալազույն վարդապետ Կյուլեսերյանը, իսկ արտոնատերը՝ Վահան վարդապետ Տեր-Մինասյանը:

«Լույս» շաբաթաթերթը, որ հրատարակվել է Կոստանդնուպոլսում 1895—1906 թվականներին, միատեսակ ուղղություն ու բնույթ չի ունեցել:

Մենք նշում ենք այդ շաբաթաթերթի այն տարիները, երբ հրատարակվել է գերազանցապես որպես կրոնաթերթ:

«Լույս»-ը սկզբից հրատարակվել է որպես կրոնաթերթ 1895 թվականից մինչև 1897-ը ներառյալ, որից հետո կոչվել է «նոր շրջան» և դարձել է գրական, գիտական, բանասիրական, քաղաքական շաբաթաթերթ: 1905 թվականից մինչև 1907 թվականը նորից կրոնական թերթ, իսկ 1908 թվականին Ա. Անտոնյանի խմբագրությամբ վերածվում է գուտ գրական-գեղարվեստական շաբաթաթերթի:

Լինելով արևմտահայ լուրջ կրոնաթերթերից մեկը, «Լույս»-ը որպես այդպիսին կարողացել է հրատարակվել վեց տարի և իր շուրջ է համախմբել լավագույն ուժերի:

Ինչ ծրագրով է ղեկավարվել այս պարբերաթերթը:

«Լույս»-ը պիտի մշակե գլխավորապես հայ եկեղեցագիտությունը իր բոլոր ճյուղերում մեջ, սիրված ու փորձ, ձեռնհաս ու ժիր մշակներով՝ ըլլա եկեղեցական, ըլլա աշխարհական, առանց մոռանալու նաև ուրիշ հետաքրքրական նյութերը:

«Լույս»-ի վերահրատարակման առթիվ Կոստանդնուպոլսի պատրիարք Մաղաքիա արքեպիսկոպոս Օրմանյանը խմբագրության ուղղված իր «Թուղթ օրհնություն» մեջ գրում է հետևյալը. «...Մեր ժողովուրդը կրոնական է յուր զգացմամբ, բարոյական է յուր սկզբամբ. վստահ եմ, որ իրեն ըզձից հագուրդ տվող հրատարակության կյանքը կապահովե, երբ այս ալ ապահով կերպով շարունակե, և առաջին օրերուն քնական դժվարությունց դիմանա... Գրողներուն կհանձնարարեմ, ավելի ժողովրդին պետքին հետևել՝ քան իրենց ճաշակին, ավելի օգտակարին միսդենել՝ քան հաճելւոյն, Խորշիլ անձնականություններ, հակառակություններ, ավելի որդ խնդիրներ, նույնիսկ կրոնական կամ դավանաբանական ներքոյն մեջ շմտնել, այլ ավելի բարոյական ուղղության վրա քալել, Ասոր հետ սորվեցնել հավատացնելու յուր դավանությունը, յուր արարողությունները և յուր կանոնները, բացատրել ընտանեկան սրբությունը, ծնողական և որդիական պարտքերը, հանրության անդամակիցներու փոխադարձ հարաբերությունները, դաստիարակության նվիրականությունը, կրթական պահանջները և դրական ուղղիչ և մաքուր ճաշակի պայմանները»:

«Լույս»-ին աշխատակցել են բազմաթիվ գիտնական վարդապետներ և եկեղեցականներ, բազմօգուտ հոգվածներով մեկնաբանելով կրոնական արարողությունները, կանոնները, Պարզաբանված են քահանայական խնդիրները, քարոզի ծրագիրը, քարոզչության արվեստը, փոփոխությունները Հայ եկեղեցւոյ մեջ, չորս Ավետարանների ծագումը, Ս. Գրոց ընթերցվածները Հայ եկեղեցւոյ մեջ, միհրապանությունը, ինչ է ներկայացնում արդի աստվածաբանությունը, հայ վանականություն ծագման հարցերը, Հաղորդության, խորհուրդը, Գործք Առաքելոցը և այլն:

8 «Լույս», 1895 թ., № 1, էջ 71.

9 Նույն տեղում, էջ 41.



Հ. Գ. ԽԱՎՓԱԽՉՅԱՆ

(Հասցե: Երևան, Կոմիտասի փողոց, 166 հիշարկ
բնակարան)

ԱՐՁԱՆԱԳՐՈՒԹՅՈՒՆՆԵՐԸ ՀԱՅԿԱԿԱՆ ՃԱՐՏԱՐԱՊԵՏՈՒԹՅԱՆ ՍՏԵՂԾԱԳՐՈՇՈՒԹՅԱՆ ԿՈՄՊՈԶԻՑԻԱՅՈՒՄ*

Արձանագրութիւնները փորագրվում էին կա՛մ հուշարձանի կառուցման աշխատանքների ընթացքում, կա՛մ զգալիորեն ուշ: Կառուցման ժամանակվա արձանագրութիւնները միշտ օրգանապէս ձուլվում էին ձևավորման և կապվում հուշարձանի կառուցի հետ: Ուշ ժամանակներին վերաբերող արձանագրութիւնները հազվադէպ դնւած են ունենում որեւէ ճարտարապետական-գեղարվեստական նշանակութիւն, որովհետեւ մեծ մասամբ նրանք խախտում էին շէնքի այս կամ այն մասի կոմպոզիցիոն միասնութիւնը:

Որպէս կանոն, արձանագրութիւնները դասավորվում էին տեսանելի տեղում և շատ քիչ դնւած են միայն աչքից թաքնված անշուք տեղերում: Վերջինների թվին պատկանում են այն արձանագրութիւնները, որոնք համեստորոն հայտնում են կառուցողի կամ վարպետի անունը: Հավանական է, որ այդպիսի արձանագրութիւնները կատարվում են առանց պատվիրատուի գիտութեան, որը արգելում էր հիշելու վարպետի անունը: Նման արձանագրութիւններին է վերաբերում փորագրի Պապկոսի անունը, որը վարպետորեն հյուսված էր Նոր-Գեորգիի ԺԳ դարի խաչարարի ձախ ներքնի անկյունը զարդարող ութանկյուն աստղի նախշի մէջ: Հաղարծնի ռեզանատան կառուցող (ԺԳ դ.) վարպետ

Մինասի անունը դնւած է արևմտյան երդիկի հարավ-արևելյան անկյունում վերից վար: «Մ» զլխատառով են նշված սեղանատան շարվածքի քարերից շատերը: Գեղարդի Ալրիվանքի «Ավալան»-ի (1283 թ.) երդիկը ձևավորող քիվի ստալակտիտների և կամարը երիզող բարձրաքանդակ պտուղներով ու նոներով կազմված հարդարանքի միջև ստվերի տակ է փորագրված Գալլաճագ անունը:

Արձանագրութիւնները փորագրվում էին հարավային, արևմտյան և արևելյան ճակատների վրա: Հյուսիսային՝ արևմուտքից ճակատների վրայի արձանագրութիւնները հազվադէպ էին: Ռեւիֆի ոչ մեծ խորութիւնն ընթեռնելի էր դարձնում արձանագրութիւնը շնորհիվ արևոտ օրերի շատութեան, արևի բարձր դիրքի, երկնակամարի պայծառութեան և օդի թափանցիկութեան:

Որպէս օրենք արձանագրութիւնները անբախտելիորեն կապվում էին ճարտարապետական մանրամասների՝ քիվերի, դռների և լուսամուտների եղրակալների և առանձին դասավորված դեկորատիվ զարդերի հետ, որոնք շատ լավ աչքի էին ընկնում արևով ողողված պատի հարթութեան վրա:

Ըստ իրենց գեղարվեստական որակի և հուշարձանի ճարտարապետական ձևավորման մեջ կատարած դերի, արձանագրութիւնները բաժանվում են հետևյալ խմբերի:

* Շարունակվում «Եղմիածին» տմասարի 1955 թվականի № 4-ից:

1. Արձանագրութիւններ, որոնք կապված են կառուցվածքի տեկտոնիկայի հետ:

2. Արձանագրութիւններ, որոնք մտցված են ճարտարապետական տարրի մեջ:

3. Արձանագրութիւններ, որոնք մտցվել են զարդաքանդակի մեջ, կամ որոնք կատարում են այդ դերը:

Արձանագրութիւնների գեղարվեստական բնույթի համապատասխան, ընտրվում էր նաև տառերի ունեցող՝ խորացված կամ ուռուցիկ, մեկը միշտ կիրառվում էր առաջին երկու խմբերում, մյուսը՝ քաղաքական միայն զարդանկարային փորագրութիւններում:

Առաջին խմբի արձանագրութիւնները, որոնք կապված են կառուցվածքի տեկտոնիկայի հետ, ընդգծում են պատի մակերևութի նշանակութիւնը, նորացված տառերի բարակ գծագրութիւնն է ոչ խոր ունեցող անկախութիւնը, ինչպես նաև տառամիջի տարածութիւնների քաղաքականութիւնը, արձանագրութիւնները խիտ կերպով ծածկում էին մակերևութը և քարերի միջև եղած կարերը: Այսպիսով միասնական մակերեսի տպավորութիւն ստեղծելով, ուժեղացնում էին պատի տվյալ մասը, տալով նրան հզորութիւն և միաձուլութիւն կերպարանք: Որպես օրինակ, այդ արձանագրութիւնները տեղավորվում էին պատի այն մասում, որն անմիջապես վերը գտնված էլեմենտի բեռը վերցնում է իր վրա: Այդպիսի էլեմենտներ են պսակող քիվը և գոտին: Այս էլեմենտների հետ կապված արձանագրութիւնները, նսեմացնելով նրանց երկարաձիգ բնույթը՝ իրենք ևս ստանում են ժապավենի տեսք:

Երկարաձիգ արձանագրութիւնները գոտկում էին շենքը բարձրութիւն կեսի վրա և կոմպոզիցիոն կերպով կապված լինելով ուրե՛ղ գեկորատիվ մանրամասի՝ դռան կամ լուսամուտի եզրակայի հետ, պատի ուժեղացման տպավորութիւն էին թողնում նրա միջին, առավել խոցելի մասում:

Կառուցվածքի տեկտոնիկայի հետ կապված արձանագրութիւնները լինում էին և՛ մի տողանի, և՛ բազմատող:

Շենքը գոտկող միատող արձանագրութիւններում, մասշտաբը պահպանելու և անհրաժեշտ տպավորութիւն հասնելու համար, տառերը անում էին մինչ 20 սմ. բարձրութիւն, իսկ շենքը գոտկող բազմատող արձանագրութիւններում, տողերի քանակից ելնելով, տառերի բարձրութիւնները մի քիչ փոքրացնում էին:

Եղվարդի բազիլիկայում (Զ դար) շենքը գոտկող միատող շինարարական արձանագրութիւնը անցնում է պատի երրորդ շար-

քի տակից, շարքերը հաշվելով պատվանդանի ամենավերի գծից (Նկար 7):

Հատվելով դռան պորտալի հետ, արձանագրութիւնը պարուրելով որմասյունների գլուխները, կենդանացնում է նրանց լուսահատուկ զարդով: Իր բարձրութիւնը մոտավորապես համապատասխան լինելով պատվանդանի ելուստին (մինչև 20 սմ.), անընդմեջ ձգվող արձանագրութիւնը քիվի և պատվանդանի հետ մեկտեղ, ընդգծում է շենքի երկարաձիգ լինելը և կամարի հենարաններին տալիս է ուժեղ տպավորութիւն:

Նույնանման դասավորութիւն և նշանակութիւն ունեն Աշտարակի Կարմրավոր (է դար) և Կարսի շրջանի Նախճվան գյուղի (է դարի վերջը) եկեղեցիների միատող արձանագրութիւնները²⁴, Բագարանի Ս. Քնոզորոս եկեղեցու (624—681 թ. թ.) միատող արձանագրութիւնը, որը պարուրում է բազմանկյան առսիդային ելուստները, դասավորված է զգալի բարձրութիւն վրա քիվի տակ: Արձանագրութիւնը լի մասնատվում, այլ ժապավինաձև ձգվում է փաթաթելով շենքը նույնպես, ինչպես քիվը: Արձանագրութիւնն ու քիվը լրացնում են միմյանց, Արձանագրութիւնը դասավորված լինելով քիվից ընկնող ստվերի սահմաններից դուրս, շնորհիվ տառերի նորազեղ գծագրութիւն, մանավանդ արևի լուսավորութիւն ժամանակ, կարծես թե կազմում է ոչ մեծ, բայց իր պրոֆիլով գեղեցիկ քիվի շարունակութիւնը:

Նոճկոնքի Ս. Աստվածածին եկեղեցու (ԺԱ դար) քառատող արձանագրութիւնը պարունակում է բազմակող պարագիծ ունեցող եկեղեցու առնվազն հինգ կողը խորանների լուսամուտների բարձրութիւն վրա: Փոքր ելուստավոր գեկորատիվ գոտու տակը փորագրված արձանագրութիւն տառերը նույնպես ներդաշնակվում են գոտու քանդակի գեկորի հետ:

Նորավանքի Սմբատի դամբարանի (1275 թ.) հյուսիսային պատի վրա գտնվող քառատող արձանագրութիւնն մեջ հաշվի են առնված այդ պատի կողմնորոշման բոլոր առանձնահատկութիւնները: Քիվից ընկնող ստվերի քաղաքականութիւնը հնարավորութիւն է տվել արձանագրութիւնը դասավորելու անմիջապես նրա տակ, և որպեսզի խորացված տառերը առավել հստակ և ընթեռնելի լինեն, նրանց ունեցող հատվածքը ավելացված է տեղ-տեղ մինչև 8—10 մմ., իսկ բարձրութիւնը մինչև 15 սմ.:

24 2. Ա. Օրբելի, «Կամսարական իշխանների երկու շինարարական արձանագրութիւններ», «Քրիստոնեական Արեւելք», Պետրոգրադ, 1916 թ., հատ. 2-րդ, 2-րդ հրատ., էջ 297—298 (ռուսերեն):

Կելադիսի Ս. Գրիգոր եկեղեցու վեց տուփանի մեծ արձանագրությունը, որը փորագրված է շենքի կառուցումից հետո 1051 թվականին, նույնպես ժապավենի նման բռնում է հարավային ճակատի բարձր մասի ողջ լայնությունը։ Նա դասավորված լինելով վերի լուսամուտների ցածի մասում, օրգանապես կապված չէ կոմպոզիցիայի հետ, ժապավենը կտրտված է լուսամուտի

քարերի կարանները, ամբողջությամբ ծածկում էին ողջ մակերևույթը։ Այստեղ արձանագրությունը կարծես միավորում է շարվածքի քարերը, տալով պատի այդ հատվածին միաձուլվող զանգվածի մեծ տպավորություն։ Ստեղծելով յուրահատուկ ձևի մանր նախշ՝ արձանագրությունը առանձնացվում է ճակատի այլ ճարտարապետական մանրամասներից։



Նկար 7

ԵՂՎԱՐԴԻ ԲԱԶԻԼԻԿԱՅԻ ՀԱՐԱՎԱՅԻՆ ՊԱՏԻ ՎՐԱՅԻ ՄԻԱՏՈՂ ԱՐՁԱՆԱԳՐՈՒԹՅՈՒՆԸ

բացվածքներով, որի հետևանքով խախտված է նրա տեկտոնիկական իմաստը։

ԺԱ-ԺԲ դարերի միջև ընկած ժամանակամիջոցում մեծ արձանագրությունները հաճախ բազմատող էին արվում, որոնց երկարությունը, որպես կանոն, պայմանավորված էր լինում աղատ տարածությունների յափերով, իսկ վերջիններս էլ կախում ունեին ճարտարապետական մանրամասների դասավորումից։ Այդպիսին է, օրինակ, Մարմաշեն մանրի կաթողիկեսի շինարարական արձանագրությունը (986—1029 թ.թ.) (Նկար 8), որը փորագրված է հարավային ճակատի լուսամուտի տակ, դեկորատիվ կիսասյուների միջև։ 18 տողանի արձանագրության ոչ մեծ ու խորը տառերը, որոնք դասավորված են առանց հաշվի առնելու

Մակերևույթը տեքստով համատարած ծածկելու բնորոշ է նաև խաչքարի տիպի դամբաճարների համար։ Առանձին կանգնած խաչքարերի վրա (ինչպես օրինակ Տուտեղոու խաչքարը Սանահնում, 1184 թ.), արձանագրությունները բռնում են ուղղաձիգ քարի ողջ ետևի մասը, իսկ երեսի կողմը զարդարված է քանդակով, որի կենտրոնում զետեղված է մեծագիր խաչ։ Ուրարտական ստեղծանքի նման, քարի ամբողջ մակերևույթը ծածկված է մանր մակագրություններով (համեմատել Նկար 9-ը Նկար 1-ի հետ)։

Եթե խաչքարի հետևի մասը դիտելու հնարավորություն չէր լինում, օրինակ, երբ խաչքարը դրվում է կառուցվածքի պատի ընդհուպ (Սանահնի զրադարանի մոտի խաչ-

քաղաք), այդ դեպքում արձանագրությունը դասադրում էին խաչքարի վերի պսակող մասի հարթության, կամ պատվանդանի վրա, անդամ խաչի շուրջը: Այս վերջին դեպքում արձանագրությանը տրվում էր հրկրորդական, հուշարձանի գեղարվեստական ձևավորման մեջ ենթակա դերը:

Եւ, և ապահովում են արձանագրության պահպանումը: Դասավորվելով հորիզոնական տողերով, խորացված ռելիեֆով արձանագրությունները ուժեղացնում էին դռան քաղվածքի ծածկող քարավորի մակերևույթի միասնությունը: Որպես օրինակ կարող են ծառայել Տեկորի տաճարի (Ե դար, Նկար



Նկար 8

ՄԱՐՄԱՇԵՆԻ ՄԱՅՐ ԵԿԵՂԵՑՈՒ ՀԱՐԱՎԱՅԻՆ ԺԱՐԱՄԱՐԻՆՑԻ ՏԱԿԻ ՇԻՆԱՐԱՐԱՅԱՆ ԱՐՁԱՆԱԳՐՈՒԹՅՈՒՆԸ

Երկրորդ խմբի արձանագրությունները, որոնք կապված էին ճարտարապետական էլեմենտների հետ, որպես կանոն, դասավորվում էին հիմնական մանրամասների դռան պորտալների, լուսամուտների (աղեղնակալներ), կամարների և սյուների վրա: Այդպիսի արձանագրությունները օրգանապես մտնում էին հուշարձանի գեղարվեստական ձևավորման մեջ, իրենց դասավորմամբ մակագրությունները հարմարվում էին այն մանրամասի ձևին, որով և ընդգծում և ուժեղացնում էր տվյալ ձևի ճարտարապետական արտահայտությունը նրա տեկտոնիկ իմաստը:

Արձանագրությունները դասավորելու համար սիրված տեղեր էին ուղղանկյուն դռների կամարակապ եզրակալների քարավորները: Այդ տեղերը տեսանելի են շենքը մուտք գործողներին, հարմար են կարդա-

լու, և ապահովում են արձանագրության պահպանումը: Դասավորվելով հորիզոնական տողերով, խորացված ռելիեֆով արձանագրությունները ուժեղացնում էին դռան քաղվածքի ծածկող քարավորի մակերևույթի միասնությունը: Որպես օրինակ կարող են ծառայել Տեկորի տաճարի (Ե դար, Նկար

10), Կեչաուսի Ս. Գրիգոր եկեղեցու (1033 թ.) պորտալները և այլն: Զաքարյանների՝ Մանահնում գտնվող դամբարանի (1189 թ.) ոչ խորը պորտալում արձանագրությունը անցնում է կամարի ուղղությամբ, որով նա ընդգծել է քարավորի ձևը և անցում է ստեղծել դեպի նրա կամարային երիզավորումը:

Շատ հաճախ արձանագրությունները դասավորվում էին կամարների և դռների պորտալները երիզող ուղղանկյուն շրջանակների վրա: Հաղարծնի ԺԳ դարի թաղակապ մատուռում մակագրությամբ է պատած ոչ միայն արևմտյան դռան քարավորի մակերևույթը, այլև զուգակցված կիսասյուների վրա հենվող, նրանց երիզող կամարը:

Նույն ճարտարապետական խմբի գավթի (ԺԲ—ԺԳ դ. դ.) պորտալում արձանագրությամբ է պատված համարյա ողջ մատչելի մակերևույթը:



Նկար 9

ՏՈՒՑՆՈՐԻՄԻ ԽԱՉԺԱՐԻ ԱՐՁԱՆԱԳՐՈՒԹՅՈՒՆԸ
ՍԱՆԱՀՆՈՒՄ

Կամարի բարավորի և նրա եղբին զետեղված շենքին ժամանակակից արձանագրությունները հարստացնում են պորտալի ճարտարապետությունը, իսկ առավել ուշ ժամանակներին, որոնք դասավորված են պատահական կերպով և շեն համակերպված ճարտարապետական մանրամասների ձևերին, խախտում են պորտալի գեղարվեստական միասնությունը:

Արձանագրությունների դետեղումը լուսամուտների աղեղնակալների վրա գլխավորապես կիրառվում է—Ը դարերի ժամանակամիջոցում: Այդ ժամանակների աղեղնակալները դարգաքանդակներով հարդարում էին, որով և հնարավորություններ ստեղծում արձանագրությունները տեղավորելու:

Մաստարայի Ս. Հովհաննես (է դար) եկեղեցու հարավային ճակատի լուսամուտի վրայի արձանագրությունը ոչ միայն պատում է աղեղնակալի ելուստավոր մասն ու լուսամուտի աղեղի սեպածն քարերը, այլև պատի նրանցից վեր դասավորված քարը (Նկար 11), ընդ որում գրերի փորվածքի խո-



Նկար 10

ՏՆԿՈՐԻ ԶԱՀԱՐԻ ՀԱՐԱՎԱՅԻՆ ՊՈՐՏԱԼԻ ԺԱՐԱՎՈՐԻ
ՎՐԱՅԻ ԱՐՁԱՆԱԳՐՈՒԹՅՈՒՆԸ



Նկար 11

ՄԱՍՏԱՐԱՅԻ Ս. ՀՈՎՀԱՆՆԵՍ ԵԿԵՂԵՑՈՒ
ՀԱՐԱՎԱՅԻՆ ԼՈՒՍԱՄՈՒՏԻ
ՎՐԱՅԻ ԱՐՁԱՆԱԳՐՈՒԹՅՈՒՆԸ

րությունը տարբեր է: Ազնոնակալի և սեպածե քարերի վրայի տառերի փորվածքը խորը չէ, և ուրվագծերը նուրբ են: Այս պարագան ուժեղացնում է տառերի միջև քանդակված խաղողի ողկուլի ուլենքի արտահայտությունը: Իսկ պատի քարի վրայի արձանագրությունը փորված է ավելի խոր ուլենքով, որն անհրաժեշտ է՝ կապելու համար նրան ազնոնակալի ընդհանուր ձևի հետ:

Մոտավորապես ժ դարից սկսված, երբ լուսամուտների ազնոնակալները ընդունեցին առավել մանրացված ձևեր, արձանագրությունները սկսեցին փորվել լուսամուտի պոնտիկին, քարի հարթ մակերևույթի վրա: Օրինակ՝ Սանահնի Ս. Ամենափրկիչ եկեղեցու հյուսիս-արևմտյան խորանի առաջին հարկի լուսամուտի ազնոնակալի մանրացված պրոֆիլը արձանագրություն տեղավորելու համար պիտանի չի եղել: Հորիզոնական տողերով դասավորված արձանագրությունը, ընդգծելով թաղակապ քարի ձևը, լուսամուտի գեղարվեստական ձևավորման մեջ աշխուժություն է մտցնում:

Ներսի սյուների բների վրա արձանագրություններ փորագրելը լայն տարածում ստացավ մոտավորապես ԺԱ—ԺԲ դարերից սկսած, երբ Հայաստանում երևան եկավ կառուցվածքի մի նոր տիպ՝ քառասյուն ժամատունը կամ գավթիքը: Սանահնի ժամատան (1185 թ.) և Գեղարդի այրամեջ դամբանատան (1288 թ.) սյուների բները համարյա ամբողջությամբ պատող փորագիր արձանագրությունները, իրենց դասավորությամբ ու տառերի ձևերով, ստեղծում են մի ուրույն դեկորատիվ նախշ: Այդ նախշը ունենալով քիչ խորություն, ուժեղացնում է սյան գեղարվեստական հարդարանքը, անխախտ պահելով նրա կոնստրուկտիվ նշանակությունը: Արձանագրությունները դասավորվում էին նաև գավթի ծածկը պահող կամարների կողերի և ազնոնակալների վրա:

Այդպիսի օրինակներով հայտնի են Հռոմոսի վանքի, Հովհաննավանքի, Հաղրատի վանքի և այլ տեղերի հուշարձանները:

Կեչառիսի գավթում (ԺԳ դար) վեց տողանի արձանագրությունը զարդարում է կենտրոնական ծածկի ութանկյուն պարփակ թաղը կրող արևելյան աստիճանավոր կամարի մակերևույթը: Իր դասավորմամբ ընդգծելով կամարի ձևը, արձանագրությունը փորված է ներսի առավել տեսանելի և լավ լուսավորված մասում:

Լինում է նաև այնպես, որ արձանագրությունը չի կապվում որևէ ճարտարապետական մանրամասի հետ, այլ մեկնաբանվում է որպես ինքնուրույն ճարտարապետական գեղարվեստական լուրջ: Այդպիսիների թվին

է պատկանում Անիի Ապուղամբենց Ս. Գրիգոր եկեղեցու արևելյան ճակատի արձանագրությունը (Ժ դարի երկրորդ կես) (նկար 12):

Մաստարայի Ս. Հովհաննես եկեղեցու արևմտյան ճակատի արձանագրության ձևավորումը հաջող կերպով կապված է շրջապատի մանրամասների հետ: Արձանագրու-




Նկար 12

ԱՆԻԻ ԱՊՈԴԱՄԲԵՆԸ Ս. ԳՐԻԳՈՐ ԵԿԵՂԵՑՈՒ
ԱՐԵՎԵԼԻԱՆ ԶՈՎԱԾԻ ԿՆՆՏՐՈՆԱԿԱՆ ՆԻՍՑԻ
ՎՐԱՅԻ ԱՐՁԱՆԱԳՐՈՒՄԸ

թյունը դասավորված է երկու քարերի վրա (նկար 13): Չափով ավելի փոքր, վերևին կենտրոնում քանդակված է խոշոր խաչ, ներքևում ոճավորված բուսական զարդաքանդակով, շրջանակները երեզող դեկորատիվ կամարիկը միավորված է լուսամուտի ազնոնակալի հետ: Կամարիկի, շրջանակների և լուսամուտի ազնոնակալի մանրաքանդակում միավորում է արձանագրության կոտորակված գծանկարը՝ նրբագեղ պսակող քիվի հետ: Արձանագրությանը դուրեկան ձևավորում վե տվել նրա հիմնական, դեկորատիվ նշանակությունը ճակատի կոմպոզիցիայում:

Առավել պարզ է ձևավորված Արուճի եկեղեցու արևելյան պատի անմիջապես արսիդի կենտրոնական լուսամուտի վրայի արձանագրությունը: Այն փորագրված է մի փոքր թեքություն ունեցող շրջանակով երեզված ուղղանկյան մեջ: Նման երեզվորում կիրառվում էր Հայաստանում դեռևս Բ դարից (մ. թ. ա.) մինչքրիստոնեական հուշարձանների վրա:



Նկար 13

ՄԱՍՏԱՐԱՅԻ Ս. ՀՈՎՀԱՆՆԵՍ ԵԿԵՂԵՑՈՒ
ԱՐԵՎՄՏՅԱՆ ՃԱԿԱՅԻ ԱՐՁԱՆԱԳՐՈՒԹՅԱՆ
ՁԵՎԱՎՈՐՈՒՄԸ

Այս խմբի արձանագրություններին հա-
րում է արևի ժամացույցի ձևավորումը, որը
երբեմն զարդարել է Զվարթնոց տաճարի
հարավային ճակատը։ Պրոֆիլացված շրջա-
նով սահմանափակված ժամացույցի վարդը
հորիզոնական զծով բաժանված է երկու կե-
սի, որոնցից ներքևի կեսը պարունակում է
ժամանակը ցույց տվող նիշը, իսկ վերինը
լրացված է մակագրություններով։ Ժամա-
ցույցը ճակատի վրա ստեղծում էր բավա-
կանին արտահայտիչ զեկորատիվ պուտո-
ներում արձանագրությունները հաճախ
ձևավորվում էին որպես ինքնուրույն զե-
ղարվեստական տարր, որն էական գեր էր
կատարում սենյակների զեկորատիվ հար-
դարման գործում։ Օրինակ կարող է ծառա-
յել Գեղարդի «Ավաղան» կոչվող ժայռափոր
տաճարի հարավային պատի վրա հատուկ
ձևավորված և խորշում փորագրված Պողո-
սաղրայանցի արձանագրությունը (1283
թ.) (նկար 14)։

Երբոդ խմբի արձանագրությունները, ո-
րոնք մտցվում էին զարդաքանդակի մեջ,

կամ կատարում էին զարդաքանդակի դեր,
արվում էին բացառապես ուռուցիկ և ունենին
զգալի ռելիեֆ։

Իրենց ծագմամբ այդ արձանագրությու-
նները սերտորեն կապված են զրչագրության
արվեստի և մանրանկարչության հետ։ Ինչ-
րևույթի զարդաքանդակի պիտի փոխարի-
նենին արձանագրությունները՝ երկրաչափա-
կան թե բուսական, դրան համապատասխան
էլ նրանք լինում էին ավելի կամ պակաս
ոճավորված կամ նախշված։



Նկար 14

ԳԵՂԱՐԴԻ ՎԻՄԱՓՈՐ ՏԱՃԱՐԻ
ՀԱՐԱՎԱՅԻՆ ՊԱՏԻ ՎՐԱՅԻ
ԽԱՂՐԱԿՅԱՆ ՊՈՒՇԻ ԱՐՁԱՆԱԳՐՈՒԹՅՈՒՆԸ

Արձանագրություն-զարդաքանդակի բնո-
րոշ օրինակ կարող է ծառայել Հառիճի զը-
խավոր տաճարի արևելյան ճակատի քիվի
ուռուցիկ արձանագրությունը (1201 թ.)։
Նա զետեղված էր երկու կիսագլանների մի-
ջև գտնվող թեք շերտի վրա (նկար 15)։ Ար-
ձանագրության ռելիեֆի դուրեկան հատված-
քը և տառերի ուղղաձիգ զծերի գերակշռու-
թյունը համապատասխանում են ուրիշ
քիվերի նույնանման տեղերում արված երկ-
րաչափական հյուսվածքային քանդակին։
Շնորհիվ այդ բանի՝ 6—7 մետր բարձրու-
թյան վրա դասավորված մակագրությու-
նը



Նկար 15

ՀԱՌԻՃԻ ԵԿԵՂԵՑՈՒ ԱՐԵՎԵԼԵՍԱՆ ՃԱԿԱՍԻ ՔԻՎԻ
ՎՐԱՅԻ ԱՐՁԱՆԱԳՐՈՒԹՅՈՒՆԸ

Համարյա ոչնչով չի զանազանվում ուրիշ քիվերի զարդաքանդակներից:

Ճիշտ այդպես է մեկնաբանված նաև նորավանքի Ս. Աստվածածին Եկեղեցու արևելյան ճակատի ներքևի լուսամուտի գլխի վրա փորված արձանագրությունը (նկար 16)։ Տարբեր բարձրության ազատ դասավորված ուռուցիկ տառերի միացությունը ոլորագիծ բուսական զարդաքանդակի հյուսվածքի հետ՝ բովանդակությանը տվել է երկրորդական նշանակություն. գլխավոր նշանակությունը, ինչպես նաև նախորդ օրինակում, ստացել է դեկորատիվ կողմը։ Արձանագրությունը, այլ քանդակի ու պատկերի բնույթով համանման զարդաքանդակի հետ

մեկտեղ ստեղծել են լուսամուտի բացվածքի դեղանկար ձևավորում:

Գեղարվեստական ձևավորում է տված Եղեկ նաև Անիի Ս. Գրիգոր Եկեղեցու (ԺԳ դար) արևաքանդակի ճակատային մասի վրայի արձանագրությանը, որի մի դրվագը զտնվում էր Անիի միջնաբերդի հնադարանում²⁵:



Նկար 16

ՆՈՐԱՎԱՆՔԻ ԲՈՒՐԹԵԼԱՇՆՆ Ս. ԱՍՏՎԱԾԱՅԻՆ
ԵԿԵՂԵՑՈՒ ԱՌԱՋԻՆ ՀԱՐԿԻ ԱՐԵՎԵԼԵՍԱՆ ՃԱԿԱՍԻ
ԼՈՒՍԱՄՈՒՅԻ ԱՐՁԱՆԱԳՐՈՒԹՅՈՒՆԸ

25 Գ. աբեղյանից Լոմսեփյան, «Գրչության արվեստը հայոց մեր», էջ 17, աղյուսակ 13, նկար 24:

(Շարունակելի)



Լ. Ա. ԲԱՐՍԵՂՅԱՆ

Մ Շ Ա Կ Ա Վ Ա Ն Ք



Մշակականքը գտնվում է Հայաստանի հյուսիսում, պատմական Գուգարքի կողմափոր գավառի Կողբ գյուղի հարավային մասում, անտառապատ մի մեծ բլրի վրա։

Մշակականքից պահպանվել են ոչ այնքան մեծ, Աստվածածին անունը կրող եկեղեցին, մատուռը և եկեղեցուն կից գավիթը։

Մշակականքի կառուցման ճշգրիտ ժամանակը հայտնի չէ, շնայած, որ եկեղեցու մուտքի վրա կա 1247 թվականը կրող նվիրատվական մի արձանագրություն։

Մշակականքի մասին պատմական տեղեկություններ համարյա չկան։ Միակ տեղեկությունը հայտնում է վարդան Արենցին։ Նա գրում է, որ «...ի վեց հարիւր վաթսուն և ինն թուին... եղև շարժ ահագին և փառ պաճուճադարդ եկեղեցին, որ ի Մշակականս, ի մետասանն յունուարի, ի ժամ ճաշոյ, և չորս պատարագող ընդ մեծ ղեկմանն նուիրեցան»¹։

Վարդան Արենցու վկայությամբ Մշակականքը հրկրաշարժի հետևանքով փլված պետք է լինի 1220 (669 + 551) կամ 1221 թվականին։

Հավանական է, որ այս շրջանում գեոևս գավիթը չի եղել և այն կառուցվել է երկրաշարժից հետո, եկեղեցու վերականգնման հետ միասին, որ եկեղեցու վերականգնումը վերջացրել են 1246—1247 թվականներին (որի մասին կարող է հաստատել եկեղեցու մուտքի վրա գտնվող արձանագրությունը), ապա կառուցել են գա-

վիթը, որի շինարարությունը վերջացած պետք է լիներ 1253 թվականին (սրա մասին է վկայում գավթի հարավային պատի վրա գտնվող էճԲ թվակիր (702—551—1253) արձանագրությունը)։

Այսպիսով կարելի է ասել, որ Մշակականքը ԺԲ—ԺԳ դարերի հուշարձան է։

Եկեղեցին արտաքինից շատ հասարակ է։ Սա ոչ այնքան մեծ, բայց բարձր քառակուսի սրահ է, որի արևելյան մասում բարձրահում է կիսաշրջանաձև արսիդը, երկու կողմից ունենալով նեղ, երկհարկանի խորաններ։ Արսիդից դեպի վերին խորաններն է բարձրանում մի եռաստիճան սանդուղք, եկեղեցու քառակուսի շինությունը ծածկված է կիսաշրջան կամարով և մեկ միացնող կամարով, հենվելով երկուական կիսասյուներ ունեցող պիլաստրի վրա։ Եկեղեցու բոլոր անկյունները զարդարված են նուրբ կիսասյուներով։ Ամբողջ կառուցվածքի տեսակետից առանձնապես հատկանշական է արսիդային մասը։ Արսիդի կիսաշրջանը եզերվում է եռանիստ կիսասյուներով։ Ներքին խորանների մուտքը զարդարանքներով է։ Հյուսիսային կողմում գտնվող ստորին խորանի մուտքը զարդարված է տարբեր գույներ ունեցող շեղանկյուն քարերով, Դրսի կողմից, հարավային և հյուսիսային պատերի վրա, տեղավորված են կլոր պատուհաններ, արևելյան մասում՝ խորանների կիսակլոր պատուհանները։ Իրականում զարդարված է արևելյան պատի կենտրոնական մասը։ Բեմի պատուհանն ունի խոր պարակող, որն ամփոփված է ոչ լայն շրջանակի մեջ, եռաշարք շղթաներով։ Պատուհանի վրա բարձրանում է քառաթև որմնաքանդակ խաչ, որի ներքին

¹ Վարդան վարդապետ Բաբերեղյցի, «Պատմության տիեզերական», Մոսկվա, 1881 թ., էջ 186։

մասում կազմված է շղթա հինգ հնգաթև աստղերի պարունակությամբ, իսկ խաչի թևերի անկյուններում քանդակված են օղակներ։ Այս պատկերի մեջ առանձնակի հետաքրքրություն է ներկայացնում խաչի վերևի մասում գտնվող ցուլի գլխի որմնաքանդակը։

Գազանների պատկերների քանդակումը շինությունների վրա հատկանշական է հայկական ճարտարապետությանը։ Գազանների, հատկապես ցուլի որմնաքանդակ է հանդի-

քի աղեղնավոր կամարը իրենց վրա պահում են երկու կենդանիներ, որոնք նստած են շորս ոտքերի վրա, ընդ որում կենդանիներից մեկն անվիճելիորեն ցուլ է, Այս պատկերն ունի իր նշանակությունը։ Նա հավանաբար դիտվել է որպես շինության հենարանը, Բացի այդ, կենդանիների պատկերները հանդիսացել են նախարարական տների սիմվոլիկ գինանշանները։

Հատկապես հետաքրքրական է զավիթը։ Նրա հիմքը նույնպես անսլուն սրահ է, որը



ՄՇԱԿԱՎԱՆՔ.— ԻՆԵՂԵՑՈՒ ԱՐԽՆԱԳԱՆ ՃԱՅԱՏԸ

պում Գեղարդում, Սուլեյմանի քարվանսարայում, Մակարավանքում և այլ վայրերում։

Կարևոր է նշել, որ Խորանաշատի (Հայաստանի հյուսիսում) զավթի արեմտյան մուտ-

ածեկված է հատվող կամարների երկու զույգերով։ Սակայն սրահի ծայրում, հենց մուտքի մոտ, քարձրանում են երկու կլոր մեծ սյուներ, որոնց կամարները միանում են

նույն ուղղությամբ (այսինքն՝ զավթի հյուսիս-արևմտյան և հարավ-արևմտյան սնկյունները) գտնվող կիսասյուներին:

Սրահի հիմնական կամարները հենվում են հարավային կողմում մասսիվ կիսասյուների վրա, հյուսիսային և արևելյան կողմերից պատի վրա գտնվող ուղղանկյուն ելուստների վրա, իսկ արևմտյան կողմից՝ հիշատակված շրջանաձև սյուների վրա:


Կենտրոնական սրահի ծածկը շնայած չի պահպանվել, սակայն նրա ամեն մի կողմում պարզ երևում են երկու նեղ կամար-

Մուտքը զարդարված է վերդիր խաչերով և ութանկյուն վերջավորություն ունեցող աստղերով, ընդ որում խաչերը դեղին քարից են, աստղերը՝ կարմիր:

Բազմազույն վերդիրների օգտագործումը շատ տարածված է եղել միջնադարյան հայկական ճարտարապետության մեջ:

Վերդիր զարդեր ունեն Անիի հուշարձանները (Պարոնի պալատը և հյուրանոցը):

Գավթի մուտքը շատ նման է ներսում գտնվող եկեղեցու մուտքին, որտեղ նույնպես հանդես են գալիս երկու դույզ կիսասյուներ՝ երկակի կամարներով:



ՄՇԱԿԱՎԱՆՔ.— ԵԿԵՂԵՑՈՒ ՍԵՂԱՆԻ ԱՌԱՋԱՄԱՍԻ ՓԱՆԳԱԿՆԵՐԸ

ների հիմքերը, որոնք ձգված են եղել այդ փոքրիկ քառակուսու վրայով:

Մշակավանքի զավթի այսպիսի կառուցվածքը, շնայած փոքրացրած չափսերով, ամբողջապես կրկնում է Հաղպատի վանքի մեծ զավթի կառուցվածքը:

Գավթի հարավային և հյուսիսային կողմերում, պատերի ամբողջ հարթության վրա նշմարվում են պատուհանների շրջակալները: Արևմտյան ֆասադը զարդարում է մուտքը, որի երկու կողմերում բարձրանում են երկու դույզ կիսասյուներ, որոնք միանում են երկակի կամարներով:

Գավթի մեջ կան երեք մահարձաններ, որոնցից մեկը եկեղեցու արևելյան պատի մեջ պատրաստված խորշի մեջ է և գրված է պատվանդանի վրա:

Մահարձանը պարունակում է սրբապատկերներ և երկրաչափական զարդեր ու Չև Թ. (740 + 551 = 1291) թվականը կրող արձանապրություն, Երկրորդ մահարձանն արձանադրություն չունի:

Երրորդի վրա կարդացվում է Ավետիք անունը և մահարձանի կանգնեցման թվականը ՌՃԱ (1101 + 551 = 1652):



ՄՇԱԿԱՎԱՆՔ.— ԵԿԵՂԵՑՈՒ ԳԱՎԹՈՒՄ ԳՅԵՎՈՂ
ԽԱՅՔԱՐԵՐԻՑ ՄԵԿԸ, ԵԿԵՂԵՑՈՒ ԱՐԵՎՄՏՑԱՆ
ՊԱՅԻ ՅԱԿ

Գաւթում կան գերեզմաններ, որոնց տա-
պանաքարերը կիսով չափ թաղված են հողի
մէջ:

Մատուտ.— Գտնվում է եկեղեցու հյուսիս-
արեւմտյան մասում, որի հիմքը ուղղանկյուն
է, Պատերը սրբատաշ են, Օգտագործվել է

սպիտակ կրաքար: Մուտքն արեւմտյան կող-
մից է: Արեւելյան կողմում կա մեկ պայտածն
պատուհան և փոքրիկ կիսակլոր արսիդ:
Մածկը թաղակապ է: Մուտքի երկու կողմե-
րում բարձրանում են կիսասյուներ: Մատու-
տը քանդվել է երկրաշարժի հետեանքով:

Մշակավանք անունը կրող գյուղատեղի
մոտ պահպանվել են մի հին շենքի պատերը
և հիմքը՝ խոր փոսի ձևով, որտեղ գտնվում
է յուշատու բույս տրորող կլոր մեծ քար:

Մշակավանքը հարուստ է նաև արձանա-
գրութիւններով: Արձանագրութիւններ կան
եկեղեցում և գաւթում, որոնց թիվը հասնում
է հիսունի, բոլորն էլ նվիրատւական քանդ-
թի: Արձանագրութիւններից իրենց վրա
թվական ունեն չորսը:

Նշված արձանագրութիւններից ամենա-
հինը պատկանում են ԺԳ դարին (1247 թ.,
1253 թ., 1291 թ.), իսկ ամենաուշը՝ ԺԷ դա-
րին (1652 թ.):

Արձանագրութիւնները ցույց են տալիս,
որ հող, այգի և այլ թանկարժեք իրեր են
նվիրվել վանքին, նվիրատուների ծնողների
հիշատակի համար, և սահմանվել են պա-
տարագի հատուկ օրեր:

Առանձնապես մեծ հետաքրքրութիւն են
ներկայացնում խաթուն և Վասակ անունները
կրող արձանագրութիւնները:

Արձանագրութիւններից պարզվում է նաև,
որ վանքի միաբանութիւն ատաղնորդն Վ
եղել Գրիգոր անունով մի հոգևորական:

Մշակավանքի արձանագրութիւններն ու-
նեն պատմական կարևոր նշանակութիւն
հասարակական-տնտեսական հարաբերու-
թիւնների ուսումնասիրութիւն համար:

Հարկ ենք համարում այստեղ բերել այդ
արձանագրութիւններից մի քանիսը, որոնք
ընդհանրապես առաջին անգամ են հրապա-
րակվում, այն ձևով, ինչ ձևով որ փորագրե-
ված են, ձգտելով պահպանել իսկական
տեքստը:

ՎԻՄԱԿԱՆ ԱՐՁԱՆԱԳՐՈՒԹՅՈՒՆՆԵՐ

1) ԱՍՏՎԱԾԱԾԻՆ ԵԿԵՂԵՑՈՒ ՀԱՐԱՎԱՅԻՆ ՊԱՅԻՆ ԴՐՍԻՑ.

- 1 ՏԱՆՈՒՆ ԳԱՅ ԵՄ ԸՈՒՐ—
- 2 ՄՏԱԿԷՄ ԵՒ ԱՅԼ ԵՂԱՐԱՐՔ
- 3 ՀԱՍՏԱՏԵՑԱՔ Ի ՏԱՐԻՆ

- 4 Գ: ԺԱՄ՝ ՎԱՐԴԻԱՆԱ. ՅՈՀԱՆՈՒ
- 5 ԵՒ ՅԱԿՈԲԱՅ ՏԱՆԻՆՆ ՈՐ ԽԱ—
- 6 ՓԱՆԵ ԴԱՏԻ Ի ՏԼ:

2) ԱՍՏՎԱԾԱԾԻՆ ԵԿԵՂԵՑՈՒ ՀԱՐԱՎԱՅԻՆ ՊԱՅԻՆ ՆԵՐՍԻՑ.

- 1 ԵՄ ՀԱՍԱՆ ՄԻԱՔԱՆ—
- 2 ԵՑԱ ՅԱՄ ԵՒ ԱՌԱՋԵ—
- 3 ՈՐԴ ՀԱՍԱՏԵԼ ԱՅ Ի Տ—

- 4 ԱՐԻՆ :Ա: ԺԱՄ Ի ՎԱՐԱԳԱՅ
- 5 ԽԱՅԻՆ ՈՎ ԽԱՓԱՆԻ ՄԵՐ]
- 6 ՄԵՂԱՅՍ ՏԻ

3) ԱՍՏՎԱԾԱԾԻՆ ԵԿԵՂԵՑՈՒ ԱՐԵՎԵՐՑԱՆ ՊԱՏԻՆ՝ ԴՐՍԻՑ, ՄՈՒՏՔԻ ՎՐԱ.

- | | |
|------------------------------|-----------------------------|
| 1 ԵՍ ՌԸՍԱԿԱԳԱՅՈՒ ԵՒ ԱՅԼ | 4 ԽՏԻՆ :Ա: ԱԶԸԶԻՆ Ի ՏԱԻՆԻ |
| 2 ՄԻԱՔԱՆՔՍ ՀԱՍՏԱՏԵՑԱՔ | 5 ՄՔ ՔԱՌԱՍՆԻՑ ՈՐ ԽԱՓԱՆԷ |
| 3 Ի ՏԱՐԻՆ :Բ: ԺԱՄ :Ա: ԱՐԵՍՍ- | 6 ՄԵՐ ՄԵՂԱՑՍ ՏԷՐ Է ԱՌԱՋԻ ԱՅ |

4) ԱՍՏՎԱԾԱԾԻՆ ԵԿԵՂԵՑՈՒ ԱՐԵՎԵՐՑԱՆ ՊԱՏԻՆ՝ ՆԵՐՍԻՑ.

- | | |
|----------------------------|---------------------------------|
| 1 ԿԱՄԱԻՆ ԱՅ ԵՍ ՄԻՐԱՅԴԵՂ- | 4 ՏԱՏԵՑԻՆ Ի ՏԱՐԻՆ:Գ: ԱԻՐ ԺԱՄ |
| 2 Ս ԵԿԻ Ի ԴՈՒՌՆ ՍՐ ԱՄԱԾՆԻՍ | 5 ԲՈՒՆ ԲԱՐԱՅԿԵՆԴԱՆԻՆ ՍԱՐՔՍ- |
| 3 ՄԻԱՅԲԱՆ ԵՂՔԱՐՔՍ ՀԱՍ- | 6 ՈՆԻՆ ԵՒ ԻՐ ԿԵՆԱՅԿԻՆ ՈՐ ԽԱՓԱՆ- |
| | 7 Է ՄԵՂՂՍ ԱՌՑԷ |

5) ԱՍՏՎԱԾԱԾԻՆ ԵԿԵՂԵՑՈՒ ՀՅՈՒՄԻՍԱՑԻՆ ՊԱՏԻՆ, ԽԻՍՑ ՄԱՇՎԱԾ.

- | | |
|-----------------------------------|-------------------------|
| 1 ԿԱՄԱԻՆ ԱՅ ԵՍ . . . Ն ՈՐԴԻՍ Թ... | 4 ՀԱՍՏԱՏԵՑԻՆ Ի ՏԱՐԻՆ... |
| 2 Ե ՇԻՆԵՑԻ ԶՄԱՏՈՒՐՍ Ի.... | 5 ԱԻՆ . . . |
| 3 ԻՑ ԻՄ ԵՒ ԱՌԱՋՆՈՐԴ[Ք ՍՈՐԱ] | 6 ՅՐ . . . |
| | 7 ԵՒ . . . |

6) ԱՍՏՎԱԾԱԾԻՆ ԵԿԵՂԵՑՈՒ ԳԱՎԹԻ ԱՐԵՎԵՐՑԱՆ ՊԱՏԻՆ՝ ՆԵՐՍԻՑ.

- | | |
|--------------------------------|------------------------------|
| 1 ԿԱՄԱԻՆ ԱՅ ՀԱՍՏԱՏԵՑ- | 3 ԲԱՐՄՂԻ ՀԱՅՐԱՊԵՏԻ :Ա: ՎԱՐԴ- |
| 2 ԱԻ Ի ՏԱՐԻՆ:Բ: Ա Ի ԺԱՄԻ ՏԱԻՆԻ | 4 ԵԳՈՅՆԻՆ :Ա: ԲԱՆՈՊ |
| | 5 |

7) ԱՍՏՎԱԾԱԾԻՆ ԵԿԵՂԵՑՈՒ ԳԱՎԹԻ ՀՅՈՒՄԻՍԱՑԻՆ ՊԱՏԻՆ՝ ՆԵՐՍԻՑ.

- | | |
|------------------------------|---------------------------|
| 1 ԿԱՄԱԻՆ ԱՅ ՀԱՍՏԱՏԵՑԱԻ | 3 Ի ՏԱԻՆԻ ՓԼԻՊՈՍԻ ԱՌԱՔԵԼ- |
| 2 Ի ՏԱՐԻՆ :Բ: Ա Ի ԺԱՄ ԱԶԸԶԻՆ | 4 ՈՅՆ ՈՎ ԽԱՓԱՆԷ ԴԱՏԻ ԳԱՅ |

8) ԱՍՏՎԱԾԱԾԻՆ ԵԿԵՂԵՑՈՒ ԳԱՎԹԻ ՀԱՐԱՎԱՏԻՆ ՊԱՏԻՆ՝ ՆԵՐՍԻՑ.

- | | |
|------------------------|----------------------|
| 1 ԿԱՄԱԻՆ ԱՅ ԵՍ ԱՆՏ- | 5 ՊԱՍԱԽՈՐՔ ՍՈՐԱ ՀԱՍ- |
| 2 ՐԻԱՍ ՔԱՀԱՆԱ ԵՒ ԱՄՈՒ- | 6 ՏԱՏԵՑԻՆ :Բ: ԺԱՄՆ |
| 3 ՄԻՆ ՄԻԱՔԱՆԵՑԱ | 7 ՈՐ ԿԻՐԱԿԷԻՆ ԱՆԽԱՓ- |
| 4 ՍՐ ԱՍԱԾՆԻՍ ԵՒ Ս- | 8 ԱՆ ՈՎ ԶԱՌՆԷ ՄԵՐ |
| | 9 ՄԵՂԱՑՍ ՏԷՐ Է |

9) ԱՍՏՎԱԾԱԾԻՆ ԵԿԵՂԵՑՈՒ ԳԱՎԹԻ ՀԱՐԱՎԱՏԻՆ ՊԱՏԻՆ՝ ԴՐՍԻՑ.

ԽԻՍՑ ՄԱՇՎԱԾ ԵՎ ՑԵՂ-ՑԵՂ ԱՆՈՒԹԵՆՈՒԼԻ.

- | | |
|---------------------------------|-----------------------|
| 1 Ի: Զ ԵՍ ՇԵՐԱՆՇԱՀ ԵՒ . . . | 4 [Բ]ԱՆՔՈՍ ՏՎԱՔ ԱՍ... |
| 2 [ԵՂ]ԱՐՔՍ ԷՏՎԱՔ ԶԱՅԳԻ . . . | 5 ՅԺԸԻՑՆ ԳՐ |
| 3 ՍՐ ԱՍԱԾՆԻՍ ԵՒ ՄԻՂԱ] | |

10) ԽԱՅՔԱՐ-ՄԱՀԱՐԱՆ, ՈՐԸ ԳՅՆՎՈՒՄ Է ԱՍՏՎԱԾԱԾԻՆ ԵԿԵՂԵՑՈՒ ԳԱՎԹՈՒՄ.

- | | |
|-------------------------------|----------------------------|
| 1 ՏՐ ԱՍ ՈՂՈՐՄԵԱՅ ԹԱՇՏՈՆ ԵՒ ԻՐ | 2 ՈՐ ԶԽԱԶՍ ԿԱՆԳՆԵԱՑ Ի ԹՎԻՍ |
| ԾՆՈՂԱՑ | 3 ՀԱՅՈՑ ԶԽ |



ՆԿԱՐԻՉ ԲՈԳԴԱՆ ՍՍԼԹԱՆՈՎԸ ՄՈՍԿՈՎՏԱՆ ԶԻՆԱՊԱՆՈՒՄ*

Ռուսաստանի և Հայաստանի միջև մշակութային կապերի մասին վկայող փաստեր ունենք ժէ դարից սկսած: Հատկապես ուշագրավ է ժէ դարի Մոսկովյան Ռուսաստանում հայ նկարիչների մի ամբողջ խմբի գոյության փաստը: Սակայն տվյալները քիչ են: Այնուամենայնիվ որոշակի է այդ նկարիչներից մեկի՝ Բոգդան Սալթանովի գոր-

տարի շարունակ աշխատում էր Զինապալատում որպես նկարիչ և սրբապատկերագիր:

Ռուսական արվեստի հին շրջանի ուսումնասիրությունները հատուկ տեղ են հատկացնում նրան ռուսական նկարչության պատմության մեջ և խոսում են Սալթանովի մասին որպես ժէ դարի Մոսկովյան խոշորագույն նկարիչ-սրբապատկերագրի:



ԱՍՏՎԱԾԱՄԾԱՅՐԸ ԵՐԿՈՒ ՀՐԵՇՏԱԿՆԵՐԻ ՀԵՏ

(Բ. Սալթանով)

ծունեությունը. նա եղել է պալատական նկարիչ ժէ դարում, նրա անունը հայտնի դարձավ Ի դարի մասնագետների նեղ շրջանին՝ շնորհիվ Ալեքսանդր Ուսպենսկու ուսումնասիրությունների:

Բոգդան Սալթանովը հայ նկարիչ էր, Ռուսաստան եկած Պարսկաստանից և երեսուն

Սալթանովի անունը մոռացված էր բոլորովին և վերստին հայտնի դարձավ, երբ 1907 թվականին Ա. Ի. Ուսպենսկին մամուլում հանդես եկավ Սալթանովին նվիրված հոդվածով:

Այն ժամանակվա ռուսական պալատական նկարիչների ազդեցությունը հաճախ շատ դժվար է լինում որոշել, որովհետև նրանցից շատերը ռուսական հպատակություն էին րեզոնում, ինչպես նաև՝ ռուսական ուղղա-

* Քաղված է. Գրիգորյանի ուսերեն համառոտ աշխատությունից:— ԽՄԲ.

փառ հավատ ու փոխում իրենց նախկին ա-
նուն-ազգանունը: Դրանից հետո, նրանք
պաշտոնական փաստաթղթերում անվանվում
էին վասիլի Իվանով, Իվան Կիրիլով, Իվան
Միկոլան և այլ անուններով: Եվ այսպիսով
այդ նկարիչներից շատ-շատերի իսկական
ազգությունն ու անունը կորչում էին:

Սալթանովի վերաբերյալ այդ ասել չի
կարելի, մի շարք պաշտոնական փաստա-
թղթերում նա ստորագրած է հայերեն:

Ստույգ հայտնի չէ ե՞րբ և որտե՞ղ է ծնվել
Սալթանովը: Ենթադրաբար կարելի է համա-
րել, որ նա ծնվել է Ժե դարի 20—30-ական
թվականներին Պարսկաստանի Սպահան
քաղաքում: Դժվար չէ գուշակել այն պատ-
ճառը, որ ստիպել է նրան թողնել հայրենի
անկյունը և թափառելով հասնել մինչև Ռու-
սաստանի սիրտը և իր բախտը փորձել ռու-
սաց ցարի պալատում: Բավական է հիշել
միայն, որ պարսկական ստրկական լծի տակ
ինչպես էր տառապում հայ ժողովուրդը Ժե
դարում:

Սալթանովը Ռուսաստան եկավ արդեն
որպես հմուտ նկարիչ: Նա զրադեո մարդ
էր. ազատ գրում-կարդում էր հայերեն.
մի բան, որ հիմա է տալիս ենթադրելու,
որ սովորել է հայկական վանքերից մեկում,
որոնք այն ժամանակ մշակույթի և լուսա-
վորության յուրօրինակ կենտրոններ էին:
Սալթանովը եկած էր Սպահան քաղաքից, որ-
տեղ մանրանկարիչ-կենդանագիրների դպրո-
ցը լայն հռչակ ուներ: Այդ դպրոցի նկարիչ-
ների աշխատանքի մոուշները պահպանված
են և քիչ չեն: Մինչև օրս աշքի է ընկնում
նոր-Ջուղայի նկարչությունը եկեղեցում:
Առաջել Դավրիժեցու վկայությամբ, մեծ
փառք էր վայելում այդ դպրոցի նկա-
րիչ Մինասը, նա նկարադարդում էր հա-
րուստ հայերի տները: Հիմա կա ենթադրե-
լու, որ նա մասնակցել է նաև եկեղեցիների
նկարադարձմանը: Ջուղայում եղել են նաև
մանրանկարիչներ: Առանձնապես պետք է
նշել Հակոբ Ջուղայեցուն. որից մեղ է հա-
սել մի քանի ձեռագիր:

Լիովին կարելի է ենթադրել, որ Սալթանո-
վը պատկանել է այդ հայ նկարիչների շար-
քին: Դժբախտաբար նրա մանրանկարչա-
կան աշխատանքներից ոչ մեկը մինչև օրս
հայտնաբերված չէ, սակայն փաստաթղթե-
րից հայտնի է, որ նա զբաղվում էր ոչ միայն
նկարչությամբ, այլ հմուտ էր նաև գրեթե
զարդարելու արվեստի մեջ, եղել է մանրա-
նկարիչ:

Այն ժամանակվա Մոսկվայի թագավորա-
կան Ջինապալատը հսկայական մի արվես-
տանոց էր, որտեղ կենտրոնացված էր ոչ
միայն գինագործությունը, այլ նաև նկար-
չության, սրբապատկերանկարչության, դրոշ-
ների, գրքերի, հրովարտականների զարդար-
ման աշխատանքը: Նույն տեղում տեղա-
վորված էին նաև դարբնոցը, հյուրանոցը,
կառանոցը և այլ արհեստանոցներ:

Սալթանովը արքունիքից ստանում էր
բարձր ուժիկ, Նա Մոսկովյան ազնվականի
կոչում ուներ: Նա եղել է հիանալի նկարիչ
և կատարել է միշտ ամենապատասխանատու
պատվերներ, ռուսաց ցարի պալատի և եկե-
ղեցիների համար:

Պահպանվել է Սալթանովի ստեղծագոր-
ծությունների մի ընդարձակ ցուցակ, որտեղ
նշվում են աշխատության տեսակը, տարե-
թիվը և ավարտման ամսաթիվը: Այդ ցուցա-
կը շատ կարևոր է մեզ համար, քանի որ
Սալթանովի աշխատանքների մեծ մասը
անհետ կորել է: Ձեռագրերում Սալթանովը
կոչվում է սրբապատկերների նկարիչ: Ու-
րեմն բազմապիսի աշխատանքների մեջ գե-
րակշռում էին սրբապատկերները: Նրա
սրբապատկերներից շատերը պահպանվել
են և այժմ գտնվում են Մոսկվայի Կրեմլի
պալատի Խաչելովյան եկեղեցում, ինչպես
օրինակ Կենարար Խաչի պատկերը, Տիրոջ
համբարձումը, Աստվածամայրը երկու հրեշ-
տակների հետ, Հովհաննես ավետարանիչ և
Աստվածամայրը:

Ջինապալատում Սալթանովը աշխատել է
երկար ժամանակ՝ ավելի քան 35 տարի,
1702 թվականից սկսյալ փաստաթղթերում
այլևս չի հիշատակվում Սալթանովի անունը:
Ինչի՞նչ է պատահել նրան, որտե՞ղ և
ի՞նչ պարագաներում անցկացրել է իր կյան-
քի վերջին տարիները, այդ հայտնի չէ:

Ժե դարի ռուսական սրբապատկերանկար-
չության ընդհանուր ֆոնի վրա Սալթանովի
նկարները աշքի են ընկնում յուրահատուկ
ոճով և կերպարներով:

Ա. Ի. Ուսպենսկին գրում է. «Սալթանովը
հսկայական օգուտ բերեց ռուսական արվես-
տին նրանով, որ նրա մեջ մտցրեց նոր, կե-
նարար, թարմ շունչ, նա բոլորից շատ և բո-
լորից երկար աշխատեց Ջինապալատում և
բազմաթիվ ռուս մարդկանց սովորեցրեց
նկարչություն: Եղլ է ժամանակ, երբ մեր
ռուսական պալատներում, ի թիվս այլ թան-
կագին զարդերի, կային նաև Սալթանովի
նկարները»:

Ուսպենսկի. «Քառարան», էջ 245:



Գ Ր Ա Խ Ո Ս Ո Ի Թ Յ Ո Ւ Ն

ՀԱՄԱՅՆՈՒԹՅԱՆ, «Ա Ղ Ո Թ Ս Ր Ա Ն»

(Թեյրուր, 1957 թ.)

Այս խորագիրն ունի այն փոքրիկ հատորը, որ 1957 թվականին լույս է ընծայել «Համազգային» մատենաշարը, Հատորի հեղինակը՝ Համաստեղը, արևմտահայ արձակի ականավոր ներկայացուցիչներից մեկն է, որն ուղիղ գծով կարողացավ շարունակել մեր լավագույն գյուղագիրների՝ Թվկատինցու և Զարգարյանի գրական լավագույն ավանդությունները՝ համեմատաբար ավելի արդիական տարազով, Քսանական թվականներից սկսյալ նրա հրատարակած հատորները (Գյուղը 1924 թ., «Անձրե»-ը 1929 թ., «Սպիտակ ձիավոր»-ը 1952 թ. և «Քաջ Նազար» և 13 պատմվածքներ 1955 թ.) արժանացան սփյուռքահայ գրասերների ջերմ ու խանդավառ ընդունելության։ Արևմտահայ գրաքննադատությունը իրավամբ իր ժամանակին Համաստեղի մեջ ողջունեց մի այնպիսի գրողի, որը սեղմ և պատկերավոր լեզվով, դիպուկ, յուրահատուկ մանրամասներով տալիս էր ոչ միայն արևմտահայ գյուղի հարազատ պատկերը, այլև գյուղի մարդկանց հոգեբանությունը, գյուղական կենցաղի արժեքն ու խորհուրդը։ Արդարև, որպես գյուղագիր Համաստեղը ոչ թե սոսկ բավարարվեց գյուղական բարձր ու կենցաղը նկարագրելով, այլ նաև գյուղական միջավայրից վերցրած գեղեցիկ պատկերներով, հերոսների ու նրանց կյանքի պատկերումով իսկապես համամարդկային հարցեր կարողացավ առաջ քաշել և մարդկային հոգեբանության մասին ընդհանրացումներ անել։

Քնանկարի մեծ վարպետ է Համաստեղը։ Գյուղագիր արվեստագետի նուրբ խառնվածքով օժտված մի այնպիսի գրող է նա, որն ամենայն համոզականությամբ կարողանում և արտահայտել այն հոգեհարազատությունը, որ կա գյուղացի մարդկանց և բնության միջև։ Նրա լավագույն պատմվածքներից «Տափան Մարգարք», «Նրնեկ էն օրերուն», «Չալոն», «Միշոն» պատկանում են արևմտահայ արձակի խոշոր նվաճումների թվին և միշտ էլ մեծ սիրով պիտի կսրդող-

վեն մեր տոհմիկ կյանքի գեղեցկություններին սիրահար հայ ընթերցասեր հասարակության կողմից։

Նրա վերջին գործը՝ «Աղոթարան»-ը, արտահայտություն է նոր մտահոգությունների, որոնք նոր էջ են և՛ Համաստեղի ստեղծագործությունների մեջ, և՛ ընդհանրապես հայ արդի գրականության մեջ։ Իր այս գործով գյուղագիր Համաստեղը հանդես է գալիս որպես արձակագիր բանաստեղծ՝ իր հոգին լցնող նորանոր մտահոգություններն ու հույզերը մեզ ներկայացնելու նպատակադրումով։ «Աղոթարան»-ը 22 գլուխներից բաղկացած աղոթքների մի շարք է, որոնք կարդացվում են հետաքրքրությամբ, հաճույքով և երբեմն էլ հուզումով։ Ահա մի քանի սքանչելի տողեր.

«Տեր, Քու շունչովն է, որ կրորդօրին իմ երազները, և անոնց բոցերուն մեջեն Քու ձայնը կլսեմ» (էջ 11)։

«Ես մաքուր պիտի պահեմ այդ տաճարը։ Պիտի վառեմ կանթեղներն ու ջահերը։ Խընկամանին խունկն անպակաս պիտի ընեմ, Տեր, որ լըլլա, լըլլա օր մը հեռանաս ու լքես զիս» (էջ 6)։

«Առաջին անգամ խաղաղության մեջ լսեցին Քու ձայնը» (էջ 21)։

«Վայ ինձ, որ նվազարան ունեցա ու չկրցի երգեր հորինել անոր լարերուն վրա։ Վայ ինձ, Տեր, որ վիշտ ունեցա, սակայն արցունք լգտա։ Վայ ինձ, որ հաճախ անցար իմ քովեն, ու ես չճանչցա Քեզ, Տեր» (էջ 22)։

«Իմ գոյության մեջ է, Տեր, որ կամբողջանա Քու կերպարանը ու իմ հավատքին մեջ՝ Քու հավիտենականությունը...» (էջ 88)։

Սակայն աչքի առաջ ունենալով ամբողջ գործը, պիտեք է հարց տալ, թե արդյոք հեղինակին հաջողվե՞լ է աղոթել այնպես, ինչպես պիտի աղոթեր իր հոգու զգացողությամբ համագույքը ընկալող, սրտով մտածող մարդը։ Մեր կարծիքով Համաստեղի աղոթքները, բացի մի քանիսից, ընդունված իմաստով աղոթքներ չեն, այլ ուրիշ մտահո-

գոյությունների արտահայտություն, որոնք իրենց արժարժած մտքերով և զգացումներով գուրկ չեն անշուշտ շահեկանությունից և վկայում են հեղինակի հոգեկան աճի և ընդարձակման մասին: Դժվար է որոշակի և հստակ դարձնել այն անտեսանելի ուժը, մտատիպարը, այն գերկատարյալ էակը, որին ուղղված են հեղինակի աղոթքները: Ո՞րն է Համաստեղի ներշնչման աղբյուրը. արդյո՞ք քրիստոնեական Աստված՝ Երբեմն կարծես այո՞. Համաստեղի իմացական և քարոյական մտահոգությունները համընկնում են քրիստոնեական վարդապետության և մարդասիրական քարոյականի հետ. երբեմն կարծես ո՛չ. մխտվում է Աստուծո գոյությունն անգամ: Համաստեղը Աստուծո գոյությունը պայմանավորում է իր իսկ մաքմեական գոյությամբ, այլ խոսքով՝ Աստված նրա «մարմինն և զգայարաններուն» տենդի արտացոլումն է. ժէ զխում կարդում ենք. «Եթե քեզ կփառարանենք, Տեր, կփառարանենք մեր զգայարանները, որ այնքան իմաստուն են Քեզ զգալու, Քեզ տեսնելու, Քեզ լսելու և իրականության մը պես Քեզ շոշափելու մեր մարդկային ու մահկանացուի կերպարանքին մեջ»:

Անորոշ և հակասական է Աստուծո գոյության կերպարը և գոյությունն իսկ: Մեր կարծիքով այս է պատճառը, որ Համաստեղի աղոթքները դեպի երկինք չեն քարձարում, չեն տալիս մեզ հոգեկան այն խորունկ խոռվքը և սարսուռը, որ հասուկ է ճշմարիտ աղոթքին: Իսկ դուռ գրական տեսակետից, նույն պատճառով «Աղոթարան»-ին պակասում է ներքին մթնոլորտը, ամեն ինչ միաձուլող, ամեն ինչ նույն ապրումին մեջ միավորող ուժը, որով պայմանավորված է քանաստեղծական ամեն ստեղծագործություն:

Աղոթքները, թե՛ իբրև մտածում և ապրում, թե՛ իբրև քանաստեղծական հորինվածք, արտահայտության կերպ, անհավասար են և իրար հետ ոչ միշտ ներդաշնակ: «Աղոթարան»-ի մեջ ծիածանվում են գույներ և լույսեր Աստվածաշնչից, նարեկից, պանթեիստ Արևելքից, Ռարինդրանաթ Տագորից: Կան պատկերներ, որոնք հիշեցնում են Մեծաբնցին, Վարուժանին և ուրիշներին:

Աղոթքների մեջ շոշափված են ընդհանրապես կենսական մեծ նշանակություն ու-

նեցող շատ հարցեր. արտահայտված են հոգու քարձարագույն վիճակներ, ճիշտ մտքեր, սակայն այդ վիճակները լուսն են շնչող ուժ, զրովհետև քայակայում է այն տարերքը, որն այդ բոլորը պիտի կենդանացնեն, վերածեն միաձույլ հույզի և ասրումի: Ամեն ինչ մտքով է միայն ընկալված, պարուրված քանականության թաղանթով: Հեղինակը ավելի նկարագրում է, վերլուծում և թարգմանում իր խոհերը, քան հրճվում, հուզվում, տառապում:

Ինչո՞վ է պայմանավորված մեր ամենավավերական, միասիկ քանաստեղծի՝ աղոթասաց նարեկացու աղոթքների հմայքն ու վարակիչ ներգործությունը. նրանով, որ նարեկացին զգում է Ամենակատարյալի անհասանելի իրական գոյությունը և զգալով՝ անկատարությունը իր անձի ու ողբերգությունն իր կյանքի, այնկոծվում է սարսափազգու տեսիլքներով և մի վերջին հույսով՝ խենթացած՝ ուզում է մոտենալ ու խոսել Աստուծո հետ երգելով, արտասովելով, այլ վելով սուրբ ապրումների բոցերի մեջ: Համաստեղը շատ հանգիստ է. դրեթե տառապանք չկա: Ընդհակառակը, նա Աստուծուն զգում է իր «մարմնին քշիչներուն և զգայարաններուն մեջ», նա իր «մարմնեն և զգայարաններեն դուրս» չի ուզում «փնտռել իր Աստվածը»: Զկա հեռավորություն, ըկա քարձարություն իր և Աստուծո միջև:

Այնուամենայնիվ, հակառակ մեր բոլոր նկատառումներին, կարելի է արդյոք եզրակացնել, որ «Աղոթարան»-ը հեղինակի ստեղծագործությունների մեջ ձախողված գործ է: Իհարկե ո՛չ, ինչպես հոգվածի սկզբում նշեցինք, «Աղոթարան»-ում կան զգալուն և գեղեցիկ էջեր, որոնք վկայում են հեղինակի հասուն, նուրբ ճաշակի, հոգեկան աճի և ընկալչական կարողությունների ընդարձակման մասին: Բարձրարվեստ ընթերցումների ազդեցության, ինչպես նաև, ինչո՞ւ է, իր անձնական փորձառության շնորհիվ, Համաստեղը հասել է մի այնպիսի հոգեկան զարգացման աստիճանի, որ նրան հաղորդակից է դարձնում քարձարագույն ճշմարտությունների և գեղեցկությունների:

Արվեստագետ Համաստեղի հատկությունները այս գործում նույնպես զգացնել են տալիս իրենց: Վերադառնալ անշոշափելի,

նուրբ ու խոստովուկ վիճակներն ու մտքերը Համաստեղը գիտե թանձրացնել ու մատչելի ընծայել՝ բնությունից, կյանքից վերցրած գեղեցիկ, ցայտուն պատկերներով և դիպուկ համեմատություններով: Աղոթքները գրված են ընտիր արևմտահայ լատինական արձակով, որի մեջ զգացվում է բանաստեղծական նուրբ ճաշակ, լեզուն մշակված է, ողորկ, անսեթևեթ և իր պարզության մեջ գեղեցիկ: Պատկերավորությունը նրա լեզվի առաջին հատկանիշն է: Ամեն էջի մեջ հանդիպում ենք բազմաթիվ գեղեցիկ, բնորոշ մակդիրների, փոխաբերությունների և այլ պատկերավոր արտահայտությունների, ինչպես, օրինակ՝ «կենճաբաբ արցունք», «մաւմնեղեն ժպիտ», «զուեալուր հրազներ» և այլն, որոնք միշտ հրապուրիչ են իրենց թարմությամբ, ինքնատիպ և մեզ ընտանի զգայնությամբ ու գրեթե միշտ համապատասխան արտահայտած գաղափարին ու զգացման: Կան նաև վրիպումներ, անարտահայ-

տիչ ձևեր ու բառակապակցություններ, այսպես՝ «ծաղիկներու և մեղուներու իմացական խոռվքը», «մարմարի իմացականություն», «ծաղիկները կծկտեին իմացական ժպիտով» և այլն:

Ուշագրավ է այս գործի մեջ նույնպես Համաստեղի ոճը, որը զուսպ է, պայծառ, կարճաբան և հիշեցնում է աստվածաշնչական ոճի պարզությունը:

Մենք սիրով ենք ողջունում սփյուռքահայ լավագույն գրագետներից Համաստեղի «Աղոթարան»-ի հրատարակությունը և նրա վավերական տաղանդից սպասում ենք հետագա նոր ստեղծագործություններ՝ նոր ներշնչումներով և նոր տեսիլքներով, արգասավորված մեր վերածնված Մայր երկրի ու մեր հարազատ ժողովրդի կենդանության աղբյուրներից:

«Է Զ Մ Ի Ա Մ Ի Ն» ԱՄՍԱԳՐԻ
ԽՄՐԱԳՐՈՒԹՅՈՒՆ



Հ Ա Ն Գ Ի Ս Տ
ԱՐԺԱՆԱՊԱՏԻՎ Տ. ՀՈՎՀԱՆՆԵՍ ԲԱՀԱՆԱ
ՏԵՐ-ՀԱՌՈՒԹՅՈՒՆՅԱՆԻ ՊՈՂՈՍՅԱՆՑ
(1878—1959)

Փետրվարի 12-ին, խոր ծերության մեջ, Թբիլիսիում ի Տեր Հանգյավ արժանապատիվ Տ. Հովհաննես քահանա Տեր-Հարությունյանի Պողոսյանցը:

Հանգուցյալը ծնվել էր Սպիտակում, 1878 թվականի ապրիլին: 1895—1897 թվականներին սովորել էր Գևորգյան ճեմարանում, և ապա 1900—1905 թվականներին ծառայել Բաքվի և Թբիլիսիի հայ եկեղեցիներում՝ որպես դպիր:

1905 թվականին ձեռնադրվում է քահանա Սեանի առաջնորդ Տ. Սարգիս հպիսկոպոս Փիլոյանից և քահանայադործում մինչև 1917 թվականը, իր ծննդավայր գյուղում, զբաղվելով նաև ուսուցչությամբ:

Հանգուցյալը հավատավոր, պարտաճանաչ, Հայ Եկեղեցու կարգ ու կանոնին նախանձախնդիր հոգևորական էր և իր արդյունավետ պաշտոնավարության համար սիրված իր ժողովրդից և Գևորգ Ե կաթողիկոսի կողմից պարգևատրված՝ ծաղկյա փիլոնով և լանջախաչով:

Հանգուցյալը զբաղվում էր նաև գրականությամբ, նա ունի բանաստեղծությունների, պատմվածքների, առածների, հեքիաթների և քարոզների ժողովածուներ: Այս բոլորի հետ միաժամանակ հանգուցյալը հայ հողի զավակ էր, սիրում էր իր ազատ ժամիրին զբաղվել աղբգործությամբ, մեղվապահությամբ:

Հանգուցյալի վերջին օծումը և թաղումը կատարվեց փետրվարի 15-ին Թբիլիսիում, հայոց Ս. Գևորգ առաջնորդանիստ եկեղեցում, հոգեշնորհ Տ. Եղիշե վարդապետ Սար-



գրսյանի նախագահությամբ, որը դամրանական խոսեց հանգուցյալի գաղազի վրա, ծանրանալով նրա Եկեղեցական և ժողովրդին նվիրված հոգևորականի զործունեության վրա:

Հանգի՛ստ նրա հոյուն:

«Յիշատակն արդարոց օրհնութեամբ եղիցի»:

